

Ilanngussaqq B



Aningaasaqarnermut Akileraartarnermullu Ataatsimiititaliaq

/maani

**2019AIS-imut tunngatillugu Aningaasaqarnermut Akileraartarnermullu
Ataatsimiititaliamit apequtinut akissuteqaatit**

Brevdato: 09-11-2018
Sags nr. 2018 - 20948
Akt id. 9266859

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Aallaqqaasiut

2019-imut Aningaasanut Inatsisissamut Siunnersuummut tunngasunik Aningaasaqarnermut Akileraartarnermullu Ataatsimiititaliamit aallarniutaasunik apequtit 15. oktober 2018-imeersunut akissutit matumuuna nassiunneqarput. Akissutit pissusissamisoortumik kontonut pingaarnernut pineqartunut akisussaasunit ilanngussanik pissarsiarineqartunik tunngaveqarput.

Aningaasaqarnermut Naalakkersuisoqarfiup akissutit pissarsiarai, tamatumalu kingornatigut kukkunersiorlugullu ataatsimut allaqkillugit.

2. Oqaasertaliussat

**Isumaginninnermut Inatsisinillu Atuutsitsinermit Naalakkersuisoq -
Suliassaqarfik 30**

Suliassaqarfik 30-mut, qupperneq 47 aammalu konto pingaarnernut 30.01.01
Isumaginninnermut Inatsisinillu Atuutsitsinermit Naalakkersuisoqarfimmut, qupperneq
48

*Naalakkersuisunut piginnaatitsissummut atatillugu Aningaasaqarnermut
Akileraartarnermullu Ataatsimiititaliap akuutinneqarnerani assigiinngissummut suna
tunngaviua?*

Akissut:

Oqaasertaliussat aningaasaqarnermut ukiunut arlalinnut atuussimasunik tunngavimmik ingerlatitseqqinneruvoq. Tunngavimmi pineqarpoq kommuninik isumaqatigiissuteqareernikkut annertuumik innarluutilinnik inissiinermik, najugaqartitsinermik Danmarkimiittunillu angerlartitsinermit tunngasunik ingerlatsinermi suliassanik isumaginninnissamut ingerlatsinermi aningaasanik naalakkersuisoqarfiup atuisinnaanera. Oqaasertaliussap siusinnerusukku aningaasaqarnermut inatsimmut ilanngunneqarneranut atatillugu Aningaasaqarnermut Akileraartarnermullu Ataatsimiititaliap ilanngutitinneqarnissaanik kissaateqarnerup tunuliaqutaa allagaatit pigineqartut arlaannilluunniit takuneqarsinnaanngilaq. Taamaattumik siunnersuutigineqarpoq oqaaseqatigiit Inatsisartut Aningaasaqarnermut Akileraartarnermullu Ataatsimiititaliaanit akuersissutigineqarluni" peerneqassasut.


3. Oqaaseqaatit nalinginnaasut

3.1. Immikkoortoq 2, Aningaasaqarnikkut anguniagassat pillugit Naalakkersuisut siunertaat tunngavissaallu, qupperneq 120

a) *Inuiaqatigiit katitigaaneranni ineriartorneq inuiaqatigiit aningaasaqarnerannut qanoq nassataqassava?*

Akissut:

Titartakkap ataaniittup takutippaa 2018-imit 2040-mut innuttaasut ukiumikkut katitigaanerat talerpilliatungaaniittullu pilersuisut.



Titartakkap takutippaa 2018-imi pilersuisut 40 %-iusut (talerperleq) tassa inuk ataaseq pilersorniarlugu agguaqatigiissillugu inuit 2,5-iussasut, 2040-milu pilersuisut 50 %-iusut, tassa inuk ataaseq pilersorniarlugu inuit marluussasut. Pilersuisut kisitsisitaat qaffasinnerusoq isumaqarpoq pisortat aningaasaqarnerat sakkortunerujussuarmik artorsartinneqassasut, tamannalumi nunarsuup kitaanittuni nalinginnaasumik pissusiulersimasoq. Pisortat aningaasaqarnerannik artukkiineq sakkortusiartortoq isumaqarpoq aqqissuusseqqinnerit suliniutillu sulii allat naammassineqarnissaat pisariaqartinneqartoq, aningaasartuutininik annikillisaasut imaluunniit isertitanik pilersitsisut. Tassunga ilanngullugu aallussineq minnerunngitsumik tassaassaaq amerlanerujussuusut inuussutissarsiutinut piginnaalersitsisumik ilinniagaqalersimanissaa suliffeqarfinnullu appakaannissaat. Sulisinnaasut malunnartumik amerlanerusut taamaalillutik innuttaasut katitigaanikkut ineriartornerannut, qulaani allaaserineqartumut akornusiissaaq.

b) *Nuummut nutserarnerit nunaqarfinnut isorliunerusunullu qanoq nassataqassappat?*

Akissut:

Soorlu kingullermik Nuna tamakkerlugu pilersaarusernermut nassuiaat 2017-imi allaaserineqartoq paasineqarsinnaavoq Kalaallit Nunaanni nunaqarfiusunit mikinerusuniit illoqarfinnut anginerusunut inuit nutsertut - tassunga ilanngullugu pingaartumik Nuuk.

Nunaqarfiusunut mikinerusunut amerlanertigut tamanna isumaqarpoq inuusuttut uninngatikuminaatsut, illoqarfinni anginerusuni nassaassaasunik ilinniartissanut periarfissanut, suliffissanut neqeroorutinullu periarfissanullu ujartuillutik. Taamaalilluni nunaqarfiusut mikinerusut ilai inuerukkiartuaarput, paarlattuanillu illoqarfiit anginerusut siuariartornermik, nutsertunik inissianillu piumasqaartunik misigisaqarlutik. Isorliunerusut nunaqarfiillu mikinerusut eqqarsaatigalugit nutsernerit kingunerivaat inuuniarnissamat tunngaviusut tunngaviusumik unamminartuulernerit, pingaartumik isertitaqarnissamat tunngaviusoq sumiiffimmi atuukkunnaarluni.

Inuiaqatigiinnit annertunerusumik isigalugu illoqarfinnut nutsernerup innuttaasullu katitigaanerisigut ineriartornerup kingunii pitsaasuullutillu ajortartaqarput. Inuit nunaqarfinit mikinerusunit piviusumik inuussutissarsiutitigut tunngavissaqarnatik nunaqarfiusumut anginerusumut ilinniagaqarnissamat suliffissamullu periarfissaqartumut nuuttut inuiaqatigiit aningaasaqarnerannut pingaarnertigullu suliffissaqarnermut pitsaasuvoq. Peqatigisaanik pineqartut amerlanertigut qaffasinnerusunik isertitaqalersinnaallutik.

Paarlattuaniiptut inuit nunaqarfinit mikinerusunit inuussutissarsiornikkut pitsaasumik tunngaveqartumiit imminut pilersornissamat periarfissaqartumiit nunaqarfiusumut anginerusumut nuuttut. Tamanna innuttaasumut inuussutissarsiornikkut piginnaalersitsisumut ilinniagaqanngitsumut immaqalu suliffittaarnissamat periarfissaqarpiannngitsumut suliffeqarfinnut atassuteqanngitsumik imaluunniit annikitsuaqqamik atassuteqartumik inuuneqalersitsisinnaavoq.

Apeqqut aamma UKA2019/175-imi Nuup Sisimiut Ilulissat Qaqortullu avataatigut illoqarfiit mikinerit aningaasarsiornikkut ineriartornissaat pillugu, kommunit suleqatigalugit, pilersaaruserortoqarnissaa suliareqqullugu Naalakkersuisut peqquneqarnissaannik Inatsisartut aalajangiiffisassaattut siunnersuummi sammineqarpoq. Taamaalilluni pilersaarut Inatsisartunut UPA2020-mi saqqummiunneqarluni. Tassunga atatillugu Naalakkersuisut akissuteqaataannut innersuussisoqarpoq.

c) *Namminersortut inissisimanerat inuiaqatigiit aningaasaqarnerannut sanilliullugu qanoq ineriartussava?*

Akissut:

Namminersortut annertusiartuinnartumik inuiaqatigiit aningaasaqarnerannut tapertaalerput, tassa tunisassiat ataatsimut nalinganni pisortat atuinerat annikilliarformat. 2003-imi tunisassiat ataatsimut nalingannit pisortat atuinera 2010-mut atasuni akini 54 %-iuvoq 2016-imilu tunisassiat ataatsimut nalingannit 45 %-iulluni.

d) *Namminersortut pingaarnerutillugit suliffissaqartitsineq qanoq annertunerulersinneqarsinnaasutut Naalakkersuisunit eqqarsaatigineqarpa?*

Akissut:

Naalakkersuisut ilaatigut sapinngisamik 2020-imiit sulisoqarnermut ilanngaateqarnissaq piareersarpaat, sulinissamut kajumissutsimut annertunerulersitsissasoq.

Naatsorsuutigineqarpoq tamatuma sulisoqarneq annertusissagaa, pisortanilu atorfeqartut ataatsimut isigalugit amerlineqarnissaat aallaaviatigut pilersaarutigineqanngimmat taava namminersortunit sulisut amerlissapput.

Eqqaaneqassaaq sulisoqarnermut ilanngaatip eqqunneqarneratigut sulisut amerlisarnerannik nunat allat pitsaasunik misilittagaqarmata. Tamatuma saniatigut sulisoqarnermut pilersaarusiornissaaq pillugu Naalakkersuisut pilersaaruteqarput namminersortuni sulisut amerlinissaannik aallussisussaaq. Aammattaaq pisortat ikiorsiisarnerat suliffeqarfinnilu ikiuisarnerit paasiniarneri aallartinneqarput, tassani aamma sulisut amerlinissaat isiginiarneqarluni.

Tassunga ilanngutissaaq inuussutissarsiutinut piginnaalersitsisumik amerlanerusut ilinniagaqalernissaannut suliniut sulii suliiassani aallunneqartussaammat. Amerlanerusut taamatut ilinniagaqartut sulisinnaasut annertusiartuaartinnissaannut iluaqutaasinnaapput, tak. aamma Aningaasaqarnermut Siunnersuisoqatigiit nalunaarusiaat 2018-imeersoq.

3.2. Immikkoortoq 2.2, Aningaasaqarnikkut anguniagaqarnermi tunngavissat, qupperneq 123

a) *Ungasinnerusumut isigisumik aningaasaliisarnermut aningaasaateqarfik pilersinneqarpa?*

Akissut:

Aap.

b) *Aningaasaateqarfimmu maanna qanoq amerlatigisunik aningaasaliisoqarsimava?*

Akissut:

Maannakkut 513 mio. kr.

c) *Ataatsimoortumik tapiissutinik pinngitsuuisinnaannginneq qanoq tigussaasumik annikillisinneqarsinnaasutut Naalakkersuisunit takorloorneqarpa?*

Akissut:

Ataatsimoortumik tapiissutit tunisassiat ataatsimut nalingisa 20,3 %-inik aamma 2016-imi pisortat aningaasaqarneranni isertitat 33 %-eralugit. Ataatsimoortumik tapiissutit tunisassiat ataatsimut nalinganni annertussusiat piffissap ingerlanerani appariartorput, tak. Aningaasaqarnermut Siunnersuisoqatigiit nassuiaataat 2018.

Napatitsinermit siuariartortitsinissamullu pilersaarummi 2016-imeersumi aaqqissuusseqiffiusussat sisamat saqqummiunneqarput, ilaatigut pisortat aningaasaqarnerannik napatitsinissaasumik qulakkeerinissamut ataatsimoortumillu tapiissutinik isumalluuteqarnerup annikilliartortinnissaanik siunertaqartoq. Tamanna ilaatigut aningaasartuutikillisaasunik aaqqissuusseqinnikkut suliniuteqarnikkut pissaq, ilaatigut namminersortuni siuariartornermi pilersitsinikkut aamma aalisarnermiit isumalluuteqarnerup annikillisinnissaanut inuussutissarsiutit aaqqissugaanerisa annertunerusut qulakkeernerisigut.

Napatitsinermut siuariartortitsinissamullu pilersaarummi aallunneqartoq tassaavoq ilinniartitaanikkut annertuumik kivitsinissaq, avammut niuernermi isertitassanik nutaanik pilersitsineq aamma suliffeqarfinni peqataanerup qaffanneqarnera, pisortani pisariillisaaneq kiisalu innuttaasut akornanni imminut pilersornerup qaffanneqarnera. Pilersaarummi tunngavigineqarpoq aaqqissusseqqiffiusut taakku sisamat 2030-imi isertitat aningaasartuutillu akornanni nikingassutip matuneqarnissaa, taamanikkut -830 mio. kr.-usoq.

Ataatsimoortumik tapiissutit siuliani naatsorsuinermit ilaapput tassa imaappoq taakkoqanngippat siunissami inuuniarnermi atukkat taamaaginnarnissaannut unaminartut suli annertunerussallutik. Ataatsimoortumik tapiissuteqanngippat imaluunniit taakku annertuumik ikilisinneqarpata kingunerluutit arlalissuussapput. Napatitsinermut siuariartortitsinissamullu pilersaarutip nutarterneqarnissaani ilaatigut tamatumunnga isummerniartoqassaaq.

3.3. Immikkoortoq 2.4, Pisortat taarsigassarsiaannik tamarmiusunik aqutsineq, qupperneq 127

Mittarfiliornissanut taarsigassarsineq inuiaqatigiinnut qanoq kinguneqassava?

Akissut:

Aningaasalersuinissamut ilaannakuusumik taarsigassarsisoqanngippat pilersaarutip piviusunngortinneqarsinnaassanngillat.

3.4. Immikkoortoq 2.5, Aningaasaqarnikkut anguniakkat atuutsinneqalernissaat, qupperneq 128

Iliuusissatut aalajangersimasunut ukununnga immikkoortoq 2.5-imi taaneqartunut piffissaliussat suut malinneqalersaarpat:

- *Attanneqarsinnaasumik aningaasaqarnermit pilersaarut nutartigaq*
- *Missingersuusiornermit inatsimmut atatillugu nalunaarutit*
- *Akiitsunut aningaasanullu tigorianaannut politiki.*

Akissut:

Napatitsinermut siuariartortitsinissamullu pilersaarutip nutarterneqarnissaanut atatillugu maannakkut apeqqutit akineqanngitsut arlaliupput, taassuma qaqugu pigineqalernissaanut pingaaruteqartut.

Tassunga ilanngullugu missingersuusiornerit nutaamik naatsorsorneqartarnissaat pillugu siunnersuuteqarnissamut atatillugu pisortani aningaasaqarnermik aqutsinermut tunngaviusut ilaannut pingaarutilinnut isummertoqartussaavoq. Aammattaaq mittarfeqarfiit pillugit pilersaarutini pisortat tungaanniit annertuunik aningaasaliisoqarnissaa pillugu sivitsunngitsoq aalajangiisoqartussaalluni. Tunngavigisat pingaarutillit taakku inissinneqartinnagit pilersaarutip nutarterneqarnissaa isumaqassanngilaq. Aningaasaqarnikkut ingerlatsineq pillugu 2019-imut nassuiaammut atatillugu napatitsinermut siuariartortitsinissamullu pilersaarutip nutarterneqarnissaanut pilersaarutip ingerlanissaanut Naalakkersuisut saqqummiussinissartik naatsorsuutigaat.

Maannakkut naatsorsuutigineqarpoq nalunaarutit attuumassuteqartut 2018-imi qaammatit pingasukkaat sisamaasa naanissaat sioqqullugut tusarniutigineqassasut. Taakkuninnga piareersarnej aallartinneqarsimavoq.

Maannakkut akiitsoqarnermut akiliisinnaanermullu politikkissamut siunnersuut piareersarnej arpoq. Taanna naatsorsuutigineqarpoq AIS2020-p saqqummiunneqarnissaa sioqqullugu naammassineqarsinnaasoq.

3.5. Immikkoortoq 3. Aningaasaqarnikkut inissisimaneq. quppernej 128

a) *Qanoq ilisukkut piffissat pitsaasuusutut Naalakkersuisunit isigineqartarpat?*

Akissut:

Nunami maani aningaasarsiornikkut ingerlalluortoqartarpoq:

- Aalisarnej ajunngitsumik ingerlatillugu, tassunga ilanngullugu tunisinermi akit qaffasissut pitsaasuusutut patajaatsumik qaffasissusillit peqatigisaanillu uuliap akia appassissoq tamatumalu malitsigisaanik aalisarnermi matussutaasinnaat qaffasissut.
- Namminersortut ilaanni allani ingerlalluortoqarnera sulisoqarlularnera, pingaartumik ingerlataqarfinni tunisat pisiillu oqimaaqatigiinneranni pitsaasumik ineriartornermut iluaqutaasunut suliffeqarfinnut.
- Sulisut amerlallutik tamatumalu malitsigisaanik isumaginninnermi pisartakkanut aningaasartuutit annikillutik tassa akileraarutit akitsuutillu isertitat pitsaasut.
- Aningaasarsiornikkut akisussaassuseqartumik ingerlatsisoqarpat tulluurtumillu inuiaqatigiit aningaasaqarnerat patajaalluni, tak. apeqqu 5.5-imut akissut.

b) *Takussutissiat titartagartallu aningaasanut inatsisissatut siunnersuummi ilanngunneqartut normulersugaanngillat. Quppernej 129-mi realkreditimut taarsigassarsiat mio. kr.-nngorlugit takutinneqarput. Realkreditimut akiitsut nuna tamakkerlugu siammarsimappat imaluunniit illoqarfinnut aalajangersimasunut atuuppat?*

Akissut:

Realkreditimi taarsigassarsisinnanermut apeqquataavoq realkrediteqarfiit taarsigassarsisiterusunnersut. Tamanna sumiiffini niuerfinnik, taarsigassarsianut qinnutigineqartunut pigisanik tunineqarsinnaasunik aamma qinnuteqartup aningaasaqarnikkut inissisimaneranik realkrediteqarfiit naliliinerannik tunngaveqartarpoq. Annerusumi illoqarfinni anginerusuni sisamani taarsigassarsisitsisoqartarpoq, tassani taarsigassarsiat 79 %-ii Nuummiillutik 10 %-ingajaalu Sisimiuniillutik.

c) *2013-imi 2015-imilu siuariartorneq negativiusoq quppernej 130-imi takussutissiami takutinneqarpoq. Tamatumunnga suna pissutaava?*

Akissut:

2013-imi appariartoqarneranut pingaarnertut pissutaasoq tassaasimavoq sanaartornerup iluani tunisassiat malunnartumik apparneri, 2015-imi Kalaallit Nunaat 0,3 %-imik

appassissumik ajunngitsumik siuariarluni, aamma takuuk AIS 2019-imut nalinginnaasumik nassuiaatini qupperneq 153-imi 2016-imut nioqqutissanik sullissinernillu pilersuinerit tamarmiusut nalingisa inerikkiartornerat aningaasallu nalingisa nikerarnerat pillugu takussutissiaq.

d) *Akiitsut ineriartornerannut takussutissiami kisitsisit tusindikkaartut ataatsimiititaliamit naatsorsuutigineqarpoq?*

Akissut:

Tamanna ilumoorpoq. Takussutissiami "mio. kr."-t allannerisigut kukkusumik nalunaaqutsiisoqarsimavoq.

e) *Aningaasanik tigoriaannarnik isumalluuteqarnissamik oqarnerminni Naalackersuisut suna pivaat?*

Akissut:

Aningaasatigut, akiitsutigut aningaasaliisarnikkullu naalackersuinikkut ingerlatsinerit namminersorlutik oqartussat akiliisinnaajunaartut inissisimalinnginnissaannut ingerlaavartumik Namminersorlutik Oqartussat isumaginnittussaapput, soorlu aamma tamanna aningaasaqarnikkut naalackersuineri ingerlatsinermut Naalackersuisut anguniagaannit tunngavigisaannillu takuneqarsinnaasoq.

Akiitsutigut aningaasaliisarnernillu naalackersuinikkut ingerlatsinissamut tunngasumi apeqqummut 3.4-mut akissummut atatillugu tassani najoqqutassat erseqqinnerusut saqqummiunneqassapput.

3.6. Immikkoortoq 3.2, Kommunit aningaasaqarnerat, qupp. 131

Ataatsimoortumik tapiissutit pillugit isumaqatigiissut qaqugu piareertussatut Naalackersuisunit naatsorsuutigineqarpa?

Akissut:

2019 pillugu ataatsimoortumik tapiissutit allaffissornikkut naammassillugit isumaqatiginninniutigineqareerput, massakkorpiarlu kommunini politikikkikkut akuerineqarnera uppersarsarlugu tiguneqarpoq. Isumaqatigiissutip assilineri Aningaasaqarnermut Akileraartarnermullu Ataatsimiititaliamut maanna nassiunneqareerpoq.

3.7. Immikkoortoq 3.3, Ingerlatseqatigiiffinni Namminersorlutik Oqartussanit tamakkiisumik ilaannakortumilluunniit pigineqartuni sisamani annerpaani ineriartorneq, qupperneq 132

Ingerlatseqatigiiffiit ilinniarnernik namminneq ingerlatsisarnerannik Naalackersuisut ilisimasaqarpat?

Akissut:

Ilinniartitaanermi nammineq ingerlatsinissamik pisariaqartitsisinnaaneq ingerlatseqatigiiffimmit ingerlatseqatigiiffimmut assigiinneq ajorpoq, nalinginnaasumili sulisut ilinniartitaaneri piginnaanngorsarnerilu ingerlatseqatigiiffinnit isiginiarneqartarluni.

Ingerlatseqatigiiffiup ilinniartitaanermik nammineq ingerlatsineranut aalajangersimasumik assersuutitut Royal Arctic Line A/S erseqqissaatigineqarsinnaavoq, aamma takuuk ingerlatseqatigiiffiup 2017 pillugu CSR-nalunaarusiaa; http://www.ral.dk/media/779191/dk_ral_csr2017_web.pdf

3.8. Immikkoortoq 3.4, EU-mik aalisarnek pillugu isumaqatigiissut, qupperneq 133

a) *Tamakkiisumik atorluaanissap anguneqannginneranut suna tunngaviua?*

Akissut:

Piffissami 2016-2020-imut atuuttumik Kalaallit Nunaata aamma EU-p akornanni maannakkut aalisarnek pillugu isumaqatigiissummit takuneqarsinnaavoq qanoq annertutigisunik Kalaallit Nunaat EU-mut neqerooruteqarsinnaasoq, taakkunungaluninngalu aningaasatigit taarsiissutissat. Annertussutsit tassaapput aalisakkat assigiinngitsut siumoortumik aalajangerneqartut EU-mut neqeroorutigineqartut, ilisimatuussutsikkut siunnersuineq aamma Naalakkersuisut pisassiissutinik aalajangiinerat taamaattoqarsinnaanera ajornartinnigippassuk. Ukiuni taakkunani isumaqatigiissummik tamakkiisumik atorluaannginnermut pissutaasoq taamaalilluni tassaavoq ilisimatuussutsikkut siunnersuinerit appariartornerat aamma aalisakkani aalajangersimasuni pisassiissutit appariartornerat.

b) *Pisassiissutit nammineq qallorutsigit qanoq pisoqassava?*

Akissut:

Naalakkersuisunit malugeqquneqarpoq Kalaallit Nunaata EU-mik peqateqarnerani isumaqatigiissutit arlaliummata ullumikkut marluusut:

1) Suleqatigiinnissamik isumaqatigiissut (Qajaq isumaqatigiissut)

2) Aalisarnikkut suleqatigiinnissamik isumaqatigiissut

Isumaqatigiissutit marluk aqutugalugit Kalaallit Nunaata aningaasat tamakkiisumik pissarsiarisartagai inuiaqatigiinnut pissarsissutaanerpaasarnersut nalilersuinissami ilaassapput, tassani eqqarsaatigalugit aalisagartassiissutit EU-mut tunineqartarneri imaluunniit nammineq aalisarlugillu tunisassiarineqarsinnaaneri. Isumaqatigiissutit ataqatigiissuunngillat, taamaattorli imminnut attuumassuteqarlutik. Isumaqatiginninniarnernut atatillugu ingerlaavartumik naatsorsuisoqarlunilu misissueqqissaartoqartarpoq.

3.9 Immikkoortoq 3.5, EU-mik peqateqarnissamik isumaqatigiissut, qupperneq 133

a) *Ilinniartitaanermut tunngasut pineqassanngippata EU-mik suleqateqarnermi qulequttat suut siunissami qitiutinneqarsinnaasutut eqqarsaatigineqarpat?*

Akissut:

Tassani taamaallaat pineqanngilaq ilinniartitaanermi suliaasaqarfik suleqatigiinnermi kisimi aallunneqassasoq.

Suleqatigiinnerup annertusinissaanut suliassaqarfik isiginiarneqartussa q sulii alla ilanngunneqarsinnaasut aallarniutaasumik oqallisigineqarpoq. Suliassaqarfik suna 2021-imiit piffissami isumaqatigiissuteqarfiusumi suleqatigiinnerup annertusineqarnissaanut ilanngunneqarsinnaasoq pillugu oqaloqatigiinneq naatsorsuutigineqarpoq 2019-ip ingerlanerani ingerlanneqassasoq.

b) *Suleqatigiinnissamik isumaqatigiissut piffissamut 2021-2027-mut nutarterneqassasoq paasissutissiissutigineqarpoq. Tassunga atatillugu paasissutissiissutigineqarpoq EU Kommissionip siunnersuutigigaa suleqatigiinnissamik isumaqatigiissut nunanik OLT-nik ataatsimoortumik isumaqatigiissutinut ilaatinneqalissasoq. Tamanna tigussaasumik qanoq isumaqarpa?*

Akissut:

Europa-Kommissioni ukiut arlallit ingerlaneranni EU-qarfiup iluani allaffissornikkut atorfilittatigullu ingerlatsinikkut isumalluutinik pisariaqartitsivallaartut annikilleqqullugit qinnuigineqarsimavoq. Taamaattumik Multi-annual Financial Frameworkimut, MFF (EU-p ukiunut arlalinnut aningaasatigut sinaakkusiussaa - pingaarnertigut ukiunut arfineq marlunnut "aningaasanut Inatsit") siunnersuuteqarmermi, aamma peqatigisanik avataaneersunik suleqatigiinnissamut pissutsinut nutaanut siunnersuutini pisariillisaasoqarpoq. Suleqatigiinnermi pissutsit tamarmik oqartussat aalajangiinerannik pisariaqartitsipput (Kalaallit Nunaat pillugu aalajangiineq tassaavoq oqartussat aalajangiinerat), ataqatigiinnermut sinaakkusiisoq. Oqartussat aalajangiineri malittarisassanik assigiinngitsuni amerlanernik imaqarpata taava tamanna EU-mut allaffissornikkut nammakkiutaassaaq.

Taamaattumik Europa-Kommissionimit naammassineqartumik pisariillisaanermi sulineq annertunerusoq siunnersuutigineqarpoq. Taamaalliluni maannakkut Kommissionip tungaaniit siunnersuutigineqarpoq OLT pillugu aalajangiineq aamma Kalaallit Nunaat pillugu aalajangiineq ataatsimoortinneqassasut - oqartussat aalajangiineri allarpasuit assigalugit. OLT pillugu aalajangiineq ullumikkut aamma Kalaallit Nunaannut atuuppoq. OLT pillugu aalajangiinnermi aamma Kalaallit Nunaat pillugu aalajangiinnermi maannakkut atuuttut aalajangersakkat arlallit siunnersuummi saqqummiunneqartumi atoqqinneqarput, allat maannakkut pissutsinut nutarterneqarput, nutaarluinnaallu takkullutik. Ullutsinnut naleqqutinngitsut aalajangersakkat peerneqarput, pisuni amerlanerani nutaanik taarserneqarlutik.

Kalaallit Nunaannut ilisimatitsissutigineqarpoq maannakkut atuuttoq suleqatigiinnerup aaqqissugaanera suliniutit pillugit allagaatinik imaqartoq, ukiumut marloriarluni naalakkersuinikkut oqaloqatigiittarnerit (amerlassusai allanngortinneqarsinnaapput, ilinniartitaanerup saniatigut suliassaqarfiit allat suleqatigiinnermut ilanngunneqassappata) piffissamut tulliuttuni nangingneqassapput. Siunnersuummi nutaami aningaasalersuisarnerit suliarinerinut atatillugu pisariillisaanissamut ammaassisoqassaaq, tassa Kalaallit Nunaat pillugu aalajangiinnermi maannakkut ukiumut ataatsimut aningaasalersuinissamut isumaqatigiissummut naleqqiullugu ukiunut arlalinnut atuuttussanik aningaasalersuinissamut isumaqatigiissusiorsinnaaneq periarfissaalissammat. OLT-eermiut allat suleqatigeeriaatsimut tulluarsartussaassapput, tamanna Europa-Kommissionip aamma Kalaallit Nunaata akornanni atuutereermat.

Kalaallit Nunaannut aningaasat siunnersuutigineqartut 225 mio. EURO-t 2021-2027-imut oqartussat aalajangiineranni Kalaallit Nunaannut atugassanngorlugit aalajangigaapput. Tassa imaappoq siunnersuutigineqartumi OLT-eermiut allat

anigaasanut taakkununga periarfissinneqarsinnaassanngillat. Sinaakkusiussaq aalajangersimasuussaaq, tamannalu isumaqarluni suliassaqrfinni suleqatigiiffiusussat nutaat ilanngunnerini allanngortinneqassanngilaq. Suliassaqrfiup ataatsip iluani Europa-Kommissionimik suleqatiginnittoqarpat assersuutigalugu ilinniartitaanermi, aningaasat tamarmik suliassaqrfinnut tassunga tutsinneqassapput. Suliassaqrfiit allat iluanni suleqatigiittoqarpat, assersuutigalugu ilinniartitaanermi ilisimatusarnermilu, suliassaqrfiit taakku akornanni aningaasat agguarneqassapput, il. il.

Kalaallit Nunaat aningaasalersuiffiusunut nutaanut ukununga periarfissaqalissaaq: nunarsuup immikkoortuisa iluanni aningaasalersuineq 15 mio EURO-t (Kalaallit Nunaata saniliinik suleqatigiissinnaanermut), kiisalu teknikkikkut ikiorneqarnermut immikkoortitat 22 mio. EURO-t (suliatigut ikiorneqarneq, allaffissornikkut ikiorneqarneq imaluunniit toqqaannangitsumik toqqaannartumilluunniit ilisimasatusarneq). Taakku saniatigut pisunut naatsorsuutiginnngisanut Kalaallit Nunaat periarfissaqalissaaq (assersuutigalugu ajunaarnersuarnut aningaasat, suliniutit naatsorsuutiginnngisat) 13 mio EURO-t. Taakku ataatsimut isigalugit Kalaallit Nunaannut nutaajupput. Taamaattorli oqaatigineqassaaq aningaasat ukiunut arfineq marlunnut atugassaammata, pilersaarutinut aningaasanik qinnuteqartoqassaaq, aningaasallu pilersaarutit akornanni nunat siusinnerusukkut nunasiaasimasut 13-it akornanni agguarneqassallutik, Kalaallit Nunaat ilanngullugu. Taamaallitutik aningaasat qulakkeerneqarsimanngillat imaluunniit ukiut tamaasa EU-miit Kalaallit Nunaannut tunniunneqartartunut anigaasanut aalajangersimasunut assersuunneqarsinnaanatik.

Ilanngunneqassaaq Europa-Kommissionimiit siunnersuut saqqummiunneqartoq pillugu EU-mi naalagaaffiit akornanni isumaqatigiinniarnert maannakkut ukiaanerani ingerlanneqarmata qularnanngitsumillu ukiuunerata ingerlanerani nangingneqassallutik. Europa-Kommissioni aamma ammasumik tusarniaasimavoq, tassani Kalaallit Nunaat sinnerlugu Naalackersuisut Kalaallit Nunaat pillugu aalajangiinerup aamma OLT pillugu aalajangiinerup ataatsimuulersinnissaat pillugu tusarniaanermi akissut nassiussimallugu.

Europa-Kommissioni nalunaarsimavoq isumaqatigiinniarnert tusarniaanermilu akissutit tiguneqartut tunuliaqutaralugit ukiup/ukiuunerata ingerlanerani oqaasertat isumaqatigiissutaasut Europa-kommissionimit saqqummiunneqassasut. Kalaallit Nunaat pillugu aalajangiinerup aamma OLT pillugu aalajangiinerup ataatsimoortilerneranni oqaasertaliussat inaarutaasut taamaallitutik suli pigineqanngillat. Taamaattumik ataatsimut allattuinerup inaarutaasumik kingunissaa qanoq ikkumaarnersoq suli 100 %-imik qularnaatsumik oqaatigineqarsinnaanani.

3.10. Immikkoortoq 4, Naalackersuisut pingaarnersuillutik aqqissuusseqqinnissaat suliniutaallu, qupperneq 135

1. Pingaarutillit pingasut anigaasanut inatsimmut tapertaasussat itisilernerqarnissaat ataatsimiititaliamit kissaatigineqarpoq.

Akissut:

Naatsorsuutigineqarpoq ataatsimiititaliaq matumani nassuiaatini nalinginnaasuni suliassaqrfinnut ukununga innersuussisoq:

- Suliffeqrfinni namminersortuni siuariartortitsinermik suliffissanillu pilersitsineq.

- Isertitakitsunut akunnattumillu isertitaqartunut isumaginninnermi pitsannguutit
- Innuttaasunut iluaqutaasussamik pilersitsinissaq isiginiarlugu pisortani pisariillisaaneruneq.

Apeqqummut 3.11, 3.12 aamma 3.10.2-mut ataani akissummut innersuussisoqarpoq.

2. *Pisortat allaffissornermut aningaasartuutaat soq qaffappat?*

Akissut:

Namminersorlutik oqartussani allaffissornermi qaffariarnermut nalinginnaasumik pissutaasoq allaffissornerup suliassanik amerlanernik suliakkerneqartarnerata malitsigisaanik annertunerusunik suliassatigut artukkerneqarsimaneq ilaatigut tassaasut:

- Suliassa qarfinni arlalinni kiffartuussineq pitsaanerulersinniarlugu inatsisitigut aalajangiiffigisassatigullu siunnersuutit aningaasartuuteqarfiusussanik ingerlaavartumik akuersisarneq.
- Uppernarsaanissamut piumasaqaatit amerliartuinnartut, tamannalu assersuutigalugu uani takuneqarsinnaalluni inatsisissanut siunnersuutitut nassuiaatit annertusiartuinnarneri.
- § 37 tunngavigalugu apeqquutit amerliartorneri. Assersuutigalugu piffissami 2005-2007-imi § 37 tunngavigalugu apeqquutit 409-upput, piffissamili 2015-2017-imi § 37 tunngavigalugu apeqquutit 873-iullutik, tassa § 37 tunngavigalugu apeqquutit amerlassutsimikkut 113 %-imik qaffariarsimallutik.
- Pingaarnertigut alla pissutaasoq tassaavoq allaffissornerup kissaatigineqartutut naammassisaqarsinnaassutsikkut ineriartorsimanginnera. Pisariinnerusumik allaffissorneq ilaatigut imatut anguneqarsinnaavoq:
- Allaffissornermi suleriaatsinik annertunerusunik digitalinngorsaaneq assigiissaarinerlu. Tamatuma ilaanut apeqqutaavoq pilersaarutit tunngaviusussat assigiinngitsut naammassineqarnissaat soorlu tunngaviusumut paasissutissat, Pisortat Digitalikkut Allakkerisarfia. Nemkonto, Pitu aamma FODA.
- Sulisunik, akissarsianik, naatsorsuuserinermi, naatsorsuutini, pisiortornermi allanilu kiffartuussinerit ataatsimoorunneqartut aqquutigalugit allaffissornermi annertuumik ingerlatsinermi iluaqutinik pitsaanagerusumik iluaquteqarneq, tassunga ilanngullugit ilaatigut pisortani ataatsimoortumik aqqiussuussisoqarneratigut, aamma takuuk UKA2018-imi missingersuutit pillugit inatsisip allanngortinnissaanut siunnersuut, tamatumunnga ammaassisusaaq.
- Naalakkersuisoqarfiit taakkulu ataanni immikkoortortat akornanni suliat agguarneri suleqatigiinnerillu pitsaanagerusut.
- Immikkoortuni ataasiakkaani suliat pitsaanagerusumik agguarneri aamma pisariinnerusumik qisuariarnerusumillu suleriaatsinik atulerneq.
- Pitsaanagerusumik ilisimasanik avitseqatigiinneq aamma annertunerusumik atugarissaarnerup isiginiarneqarnera, tassunga ilanngullugu aalajangiussisimanerit annertusinissaa pitsaanagerusumillu sulisussarsiortarneq siunertaralugit.
- Pisortani sulisunut aqutsisunullu piginnaangorsarnermi periusissiamik aallussa qarneq.
- Suliassa qarfinni aamma ingerlata qarfinni annertuumik aningaasartuuteqarfiusuni aningaasartuutitigut paasiniaaneq sipaarfiusinnaasunik pisariillisaanissamullu periarfissat suusinnaaneri

paasillugit. Maannakkut qarasaasiatigut suliassaqarfimmi sulisunullu tunngasuni aningaasartuutitut tunngatillugu tamanna ingerlanneqarpoq.

3.11. Immikkoortoq 4.1, Aningaasarsiornikkut siuariartortitsinissamut suliniutit pingaartinneqartut, qupperneq 135

a) *MIT-imut 341 mio. kr.-nik aningaasaleeqqinnissamut pisariaqartitsisoqartoq oqaatigineqarpoq. Taakku ukiuni missingersuusiortifinni ilaatinneqannginnerannut suna pissutaava? Aningaasat piviusorsiortumik missingerneqarsimappat?*

Akissut:

Ineqarnermut Attaveqarnermullu Naalackersuisoqarfiup Mittarfeqarfiit suleqatigalugit ingerlatseqatigiiffiup aningaasaqarneranik annertunerusumik misissuineq aallartissimavaa. Mittarfeqarfiit nunatta karsianut maannakkut ukiumut 14,2 mio. kr.-nik akiliisarpoq.

Akigitat akiliisarnerillu 2013-imilu akinut naleqqussarneqarsimangillat, taamaattumik Mittarfeqarfiit ukiuni arlalinni isertitaqarnissamut tunngaviat 25 mio. kr.-t misaannik ajornerulersimalluni. Taamaattumik ingerlaavartumik pisariaqartunullu aningaasaleeqqinnernut aningaasassaqaanngilaq.

Ingerlaqqinnissamut aalajangiisut pilertortumillu aningaasaleeqqinnerit ilaatigut ilassutitut aningaasaliisoqarneratigut aningaasalersorneqarsimapput - assersuutigalugu skannerit nutaat. Tamanna aningaasaleeqqinnernut aningaasartuutitnik pisariaqartunik aqutsinerunngilaq tulluortoq.

Siunertaq tassaavoq Mittarfeqarfiit siunissami ingerlaavartumik aningaasaleeqqinnissat isumagisinnaangorlugit sinneqartoortalernissamik piorsaanissaat. Aningaasat pisariaqartinneqartut apequtigineqartut 2037 tikillugu ukiunut arlalinnut tunngasuupput.

b) *Takornariaqarnermik ineriartortitsineq aammalu aalisarnermik ineriartortitsinermi nutaaliornissaq ineriartortitsinissallu taaneqarput. Iliuusissat tigussaasut suut Naalackersuisunit eqqarsaatigineqarpat aammalu nunatsinni sumi tamanna pisussat takorloorneqarpa kiisalu naleqarnerulersitsinissaq qanoq pilersinneqarsinnaasutut naatsorsuutigineqarpa?*

Akissut:

Annaasaqarfiusinnaasut suut ingerlatissanerlugit, ingerlataqarfiillu sorliit pingaarnertinneqassanersut tunngaviatigut politikikkut aalajangiiffigisassaapput, soorunalumi pingaarnersiunernut sunulluunniit allanik periarfissaqarluni.

Naalackersuisut 2019-imi Aningaasanut inatsisissatut siunnersuummi uuliasiornerup gassiornerullu iluanni periusissiamik inerisaanermi taakkunungalugu atasunik paasissutissanik katersinissamut kiisalu ilisimatusarluni qillerinissamut aningaasaliinissaq salliutissimavaat. Naalackersuisut taamaalillutik naliliipput annaasaqarfiusinnaasut suliniummi iluanaarutissatut naatsorsuutigisanut naapertuuttut.

Takornariaqarnikkut ineriartorneq eqqarsaatigalugu taava apeqquummut 11.8-mut akissummut kiisalu inuussutissarsiutit allat eqqarsaatigalugit apeqquummut 11.6-imut akissummut innersuussisoqarpoq.

c) *Sooq aningaasat siunertanut allanut atugassatut immikkoortitat nunatsinni orsussat imerpalasut (uulia gassilu) periarfissaanerannut pilerisaarinermut atorneqarniarpat? Taamatut pilerisaarinermut aningaasanik atuineq akisuupilussuunnigila? GEUS-imit aningaasat taama amerlatigisut atorneqassappata periarfissaq suliaasat GEUS-imit ingerlanneqartartut nunatsinnut nuunnissaannut sooq atorneqarniannigila?*

Akissut:

Apeqqutip 11.5-ip akissutaanut innersuussisoqarpoq.

d) *Periarfissaq alla tassaavoq aningaasaliinernut annaasaqaataaratarsinnaannginnerusunut atorneqarsinnaasunngorlugit aningaasat nunatta karsianut utertinnissaat?*

Akissut:

Suliniutinut siuarsaanermut iluaqutaasunut periarfissanik arlalinnik soorunami saqqummiussisoqarsinnaavoq, soorlu aamma aningaasanut inatsisissamut siunnersuut suliniutinik allanik imaqaareersoq.

Aningaasanut inatsisissamut siunnersuutip suliareqqinneranut atatillugu naalackersuinikkut ingerlatsinermi suut salliutinneqarnissaannut amerlanerussuteqarnissaq naggataatigut apeqqaaginnarpoq.

3.12. Immikkoortoq 4.2, Akissarsiakinnerit akunnattunillu isertitaqartartut isumaginninnikkut pitsanngorsaaffigineqarnissaanni pingaarnersiunerit tulleriissaarneqarnissaat, qupperneq 137

a) *Ikiorsiissutinut aaqqissuussinerit nalimmassarneqarnissaat aamma periusineqartuni ajornartorsiutaasunik aaqqiissutissat. Matchgruppit il.il. pillugit ilisimasani katersineq ima annertutigilersimanngila suliaasaqarfimmik iluarsaaqqinneq aallartinneqariaannaalluni?*

Akissut:

Naalackersuisunit siullermik malugeqquneqassaaq suliaasaqarfimmi tassani aaqqissuusseqqittoqareemat. 2018-imi ineqarnermut tapiissutini meeqqanullu tapiissutini aaqqissuusseqqittoqarpoq periusineqartuni ajornartorsiutaasinnaasunik annertuumik annikillisaasunik.

Taakku saniatigut pisortat ikiorsiisarnerannik aaqqissuussineq misissoqqissaarneqarpoq, tassani aamma periusineqartunik ajornartorsiutaasinnaasut misissoqqissaarneqarlutik. Tamanna aaqqissuusseqqinnissamut atasuuvoq, tassani aamma suliffeqarnikkut suliaasaqarfimmi inatsisini attuumassuteqartunik aaqqissuusseqqinnissaq naatsorsuutigineqarluni. Misissueqqissaarneq naatsorsuutigineqarpoq ukiup naanerani imaluunniit 2019-ip aallartinnerani naammassineqassasoq.

b) *Uku qanoq iliuuseqarfigineqarpat:*

- *Meeqqanut suliaasaqarfimmi suliati 4.000-it sinneqartut.*
- *Ajornartorsiuteqarfiit allat taaneqanngitsut, soorlu innarluuteqarneq, angerlarsimaffeqanngitsut 800-it sinneqartut, kinguaassiuutitigut atornerluinerit, kinguaattoornerit neqerooruteqarfiunngitsut suliniuteqarfigineqanngitsullu.*

Akissut:

Meeqqanut tunngasuni aaqqissuusseqqinneq aallartinneqarpoq tassani ilaallutik inatsisit nutaat, isumaginninnermut aqutsisoqarfik, periutsinik inerisaaneq, ilinniartitaanikkut suliniutit kiisalu nakkutilliisoqarfimmik pilersitsineq. Immikkoortut taakku tamarmik suliniutaapput meeqqanut tunngasuni suliaasat annertussaasa appartinnissaannik qulakkeerisussat. Naalakkersuisut Isumaginninnermut Aqutsisoqarfik aqqutigalugu meeqqanut tapersersuineq pillugu Inatsisartut inatsisaannut malitsit pingaartumik meeqqanut tunngasuni suliniuterpassuit aallartippaat. Sulianik suliarinninnermi piffissaq kiisalu kommuninut pissutsit arlalissuit pillugit malittarisassanik inatsit sukaterivoq, meeqqat pillugit suliat amerlassusaannik illersorneqarsinnaasumik passussinerup qulakkeerneqarnissaa siunertaralugu. Nakkutilliisut aamma 2017-imi aamma 2018-imi immikkut isiginiarsimavaat meeqqat pillugit suliat malittarisassat malillugit suliarineqarnissaat. Kommunimi sulianik suliarinnittunik siunnersuineramik ilitsersuussinermillu pikkorissartisinermillu isumaginninnermut aqutsisoqarfik isumagisaqarpoq. Isumaginninnermut Aqutsisoqarfik tamatuma saniatigut kommunini sulianik suliarinninnermik ajornanninnerulersitsisussamik pitsaassutsikkut qaffaassusamik ilitsersuutitik ilusilersuinermik suliaqarpoq.

Innarluutilinnut tunngasuni innarluutilinnut suliniutit pitsaanerulersinniarlugit Pissassarfik suliaqarpoq. Inunnut innarluutilinnut ikiorsiisarneq pillugu inatsisissatut siunnersuummik saqqummiussinissaq Naalakkersuisunit pilersaarutigineqarpoq (inatsisissatut siunnersuut maannakkut tusarniutigineqarpoq). Taakku saniatigut atornerluinnermut suliniutinut naleqqiullugu Killiliisa eqqaaneqarsinnaavoq.

c) *Sulinnermut ilanngaammut suut taartaasinnaappat?*

Akissut:

Taartaasinnaasut marluupput:

1. Inummut ilanngaat qaffasinnerusoq

Sulisoqarnermi ilanngaateqarnermi isertitatigut sunniuteqarsinnaasut ilai inummut ilanngaatip atorunnaarsinneratigut anguneqarsinnaapput. Tamanna nalinginnaasumik suliniut akisunerujussuuvoq, tassa tamanna inuppasuarnut iluaqusiissammat. Tamanna aamma sulinissamut taamaaqataanik kajumissaarinngilaq, tassa inuit assersuutigalugu sulinnigiffeqarallarnermi ikiorsiissutisartut aamma taassuminnga iluaquserneqassammata.

2. Atorfimmi ajunngitsorsiassaqarnerit

Inuit ilatsiinnarnermiit suliffeqalersut toqqaannarnerusumik akissarsitinnissaat kissaatigineqarpat tamanna tapiissuteqarnikkut isumagineqarsinnaavoq imaluunniit atorfimmi ajunngitsorsiassaqarnikkut, taamatut ikaarsaartumut akissarsiassaq.

Taamatut aaqqissuussinermi iluaqutaasinnaassut tassaapput inunnut sulilersunut eqqornerusumut tuttassammat inuillu ikinnerusut tapiissutisarlutik, tamatumalu aningaasalersuinermi aningaasartuutit appartissallugit- (Aaqqissuussineq taamaalilluni immaqa oqaatigineqarsinnaavoq suliffeqartut amerlinerinut koruunimut atorneqartumut ataatsimut annertunerusumik sunniuteqassasoq).

Taamatut aaqqissuussinermi ajoqutaasinnaasut tassaapput inunnut akissarsiakitsunut akunnattumillu isertitaqartunut suliffeqareersunut iluaqutaassanngimmat, kiisalu

aaqqissuussinermik aqutsinissaq akisussalluni. Atorfimmi ajunngitsorsiassat pisariusinnaapput, tassa inuppasuit ullup ilaannaani suliffeqarmata piffissallu ilaannaani sulisarlutik. Taamaalilluni taakku qanoq ilinerani atorfimmi ajunngitsorsiassanik pissarsissanersut qanoq ilineranilu tunineqassanngitsut nassuiarneqassalluni. Tamanna aamma nakkutigineqassalluni.

3.13. *Immikkoortoq 4.3, Peqqinnissaqarfik, qupperneq 139*

a) *Tarnip nappaataanut tunngasut iliuusissani qanoq inissisimappat?*

Akissut:

Tarnikkut nappaatit aamma timikkut napparsimasut akornanni immikkoortitsisoqanngilaq, taamaalilluni immikkut sammineqartut tamarmik oqaasertaliussami qulaaniittumi assigiimmik ilaatinneqarlutik.

b) *Tuberkulose pillugu iliuusissatut pilersaarummi ineqarnermut tunngasut tuberkulosemik akiuiniarnermi pingaarutilittut ilaatinneqarpat?*

Akissut:

Sakiilluutip akiorniarnerni ineqarnermut pissutsit inuiaqatigiit aningaasaqarneranni pingaaruteqarput taamaattumillu periusissiami allaaserineqartutut arlallit suliniuteqarnissaat pisariaqarluni. Ukiaq 2017-imi piginneqatigiilluni inissiat pillugit inatsit nutaaq aamma inissianik aningaasalersuineri inatsit akuersissutigineqarput, inissialiornissamat taarsigassarsiassanik aamma iluarsaassinissamat taarsigassarsiassanik innuttaasut kommunimut qinnuteqarsinnaallutik. Ukiaq manna ukiami ataatsimiinnermi illulioqataanermut taarsigassarsiat pillugit inatsisissamat siunnersuut suliarineqassaaq, tassani piumasaqaatit pilerinartut atorlugit illulioqataanermut taarsigassarsiat pillugu qinnuteqartut kommunimut qinnuteqarsinnaallutik. Tamanna inissiani pitsaasuni innuttaasut nammineq inissiatigut pilersornissamat pitsaanerumik periarfissiivoq.

c) *Siusissukkut iliuuseqarnissap annertunerusumik aallunneqarnerani aningaasartuutit ilaat qanoq amerlatigisut siunissami peerneqarsinnaappat?*

Akissut:

Sipaartussatut naatsorsuutigineqartut sunniutaasussallu missiliornissaat sapernarpoq itinerusumik misissueqqaartoqartinnagu. Peqqinnissaqarfimmi siusissukkut suliniuteqarneq kisimiissinnaanngilaq - ingerlataqarfimmi suleqatigineqartut attuumassuteqartut tamarmik pingaaruteqartumik peqataasuupput.

3.14. Immikkoortoq 4.4, Pisortani ingerlataqarfik sunniuteqarluarnerusoq, qupperneq 140

Isumaginninnermut suliassaqarfiup ataani inissiisarfiit kommuninut nuunneqarnissaat piareersarneqartoq paasissutissiissutigineqarpoq. Suliassap tigusissaata pilersaarusiorneqarnissaanut kommunit pitsaanerpaamik atugassaqartinneqarnissaat qanoq qulakkeerneqarpa?

Akissut:

Utoqqaat illuinut sanaartornermi tapiissutinik tunniussinissaq maannakkut kisimi suliarineqarpoq.

Siunissaq ungasinnerusoq eqqarsaatigalugu suli siunertaavoq ulloq unnuarlu paaqqinnittarfinnut suliassaqarfik aamma tamakkiisumik ilaannakortumilluunniit kommuninut tunniunneqassasoq. Pitsaassuseq taamaalillunilu meeqqat inissinneqarsimasut ikiorneqarneri akigalugu suliassaqarfik suliakkiutigineqanngisaannassaaq (takuuk 7.2c-mut akissut).

Utoqqarnut tunngasuni paaqqinniffinnik tunniussinissamut piumasaqaatit pitsaanerpaasut sanaartornissamut pilersaarusiornikkut qulakkeerneqassapput.

Taassuma suliarineqarneq aallartinneqarpoq naatsorsuutigineqarlunilu 2018-ip naanerani/2019-ip aallartinnerani naammassineqassasoq. Tamatuma kingorna ikaarsaarneq tulluarnerpaamik qanoq ingerlasariaqarnera pillugu kommunit peqatigalugit oqaloqatigiinnerit aallartinneqassallutik.

3.15. Immikkoortoq 4.5, Isumaginninnermut suliassaqarfimmi siusissukkut pinaveersaartitsilluni suliniutit, qupperneq 144

a) *Inatsisit atuuttut eqquutsinneqarnissaat qulakkeerniarlugu Naalakkersuisut qanoq pilersaaruteqarpat? Tassunga ilanngullugu iliuusissatut pilersaarutinut tunngatillugu?*

Akissut:

Sakkortunerusumik nalunaaruteqartussaataaneq kiisalu meeqqanut tapersersuineq pillugu Inatsisartut inatsisaat naapertorlugu iliuuseqarnissamut pisussaaffik pillugu aalajangersakkanut tunngasunik suliama sulisunut ingerlaavartumik isumaginninnermut aqutsisoqarfik pikkorissaasarpog. Peqatigisaanik meeqqanik suliaqartunut assersuutigalugu ilinniartitsisunut perorsaasunullu pikkorissaanerit ingerlanneqarlutik. Pikkorissaanerit annertusineqarput meeqqanut tunngassuteqartut suliassaqarfiit tamarmik ilaalersillugit, tassunga ilanngullugit kattuffiit peqatigiiffiillu.

Aammattaaq inatsimmut ilitersuusiornikkut suleriaatsit assigiissarlugit kommuninik tapersersuineramik sulisoqarpoq. Tamatuma saniatigut Nakkutilliisoqarfik iliuusissatigut pilersaarutini atuinermi kommunit pillugit misissuivoq.

b) *Siusinaarluni toqusoqartarnera, imminut toquttoqartarnera, ilinniarnermik unitsitsinerit, kinguaassiuutitigut atornerluinerit, atornerluinerit il.il. inuaqatigiinnut qanoq akeqarnersut naatsorsorneqarsimava?*

Akissut:

Atornerluineri inuiaqatigiinnut aningaasartuutitut naatsorsuisoqarsimavoq Naalakkersuisut saqqummersitaanni allaaserineqartoq "Atornerluinerimut Kalaallit Nunaanni aningaasartuutit" 2015-imeersoq. Unamminartuni allani naatsorsuisoqarsimanersoq Naalakkersuisunit ilisimaneqanngilaq.

c) *Siusissukkut iliuuseqarnermut aningaasaliissutit kontoni pingaarnerni sorlarni takuneqarsinnaappat?*

Akissut:

Siusissukkut iliuuseqarneq Isumaginninnermut Inatsisinillu Atuutsitsinerimut Naalakkersuisoqarfiup, Ilinniartitaanermut Naalakkersuisoqarfiup, Ilinniartitaanermut Aqutsisoqarfiup, Peqqissutsimut Naalakkersuisoqarfiup aamma Peqqissutsimut Aqutsisoqarfiup akornanni suleqatigiinnikkut inerisarneqarpoq. Tamanna

suliassaqarfinni assigiinnigitsuni arlalinnik suliniuteqarfiuvoq. Isumaginninnermut tunngasuni taanna suliame taaguuteqarpoq "Meeqqat 0 - 18", taannalu konto pingaarnermi 30.10.45 Meeqqat inuusuttullu immikkut ittumik suliniuteqarfigineqarneranni aningaasalersorneqarluni. Peqqinnissaqarfimmut tunngasumi kontomi pingaarnermi 34.12.06 Ataatsimut aningaasartuutini meeqqanut inuusuttunullu siusissukkut iliuuseqarnerit akilersorneqarput. Siusissukkut iliuuseqarnerup ilaatut taakku saniatigut 34.15.01 Inuunerittami pilersaarutit Inuusaqarneq aamma Meeqqamut piareersimaneq ingerlanneqarput. Kiisalu 34.11.03 Dronningip Ingridip Napparsimmavissuani siusissukkut iliuuseqarnerup ilaa/MANU aningaasalersorneqarluni. Ilinniartitaanermut tunngasuni aningaasaliineq konto pingarneq 40.40.01 Ilinniartitaanermut Aqutsisoqarfimmik ingerlatsinerup ilaaniippoq.

3.16. Immikkoortoq 4.7, Ilinniagaqassutsimik qaffaaneq, qupperneq 145

Naalackersuisut isumaqarpat kommunini tamani Campuseqarlunilu Ilinniarnertuunngorniarfeqassasoq?

Akissut:

Ilinniartitaanermut tunngasuni aqqissusseqqinnermik sulinerme ingerlasumi atugassamik siunnersuusiornermut atatillugu Campusimut ilusiusinnaasut assigiinnigitsut suliarineqarput. Ilusissani pineqarput ilinniarnertuunngorniarfeqarfiit ilaatinneqartut akornanni pisussaaffiusumk aqqissugaasumillu suleqatigiinnerup assigiinnigitsumik annertussuseqarsinnaanera.

Tassunga ilanngullugit aamma ilusit Campusi ataaseq tassaasoq illoqarfimmi ataatsimi arlalinniluunniit ilinniarnertuunngorniarfeqarfiit. Tamatuma nanginneratut taamaalilluni aqqissusseqqilluni sulinerme campusit taakku ilusissai aamma campusimi suleqatigiinnerit pillugit eqqarsaasersuutit ilaapput. Tassani ilinniarnertuunngorniarfeqarfiit inissiffissaat pillugit eqqarsaasersuutit aamma ilanngunneqarsinnaapput.

Soorunami aqqissusseqqinnermik sulineq taanna nalinginnaasumik aningaasaqarnikkut illulianillu pilersaarusiornermut ilaatinneqassaaq.

3.17. Immikkoortoq 4.8, Ineqarnermut tunngasut, qupp. 145

Akit qaffakkiartorput, pisuussutaasinnaasut allanngunngillat, ineqarnermut akiliutit qaffakkiartorp aammalu illut akii qaffakkiartorlutik – ineqarnermut iluarsaaqqinnissamut ajornartorsiutinik taakkuninnga iluuseqarfiusinnaasumut qanoq pilersaaruteqartoqarpa?

Akissut:

Aningaasanut inatsisini kingullerni Namminersorlutik Oqartussat inissiaataasa kommuninut tunniunneqarnissaat pillugit isumaqatigiinniarnissamut Naalackersuisut Inatsisartunik piginnaatinneqarsimapput. Tamanna naatsorsuutigineqarpoq 2020-imi januaarip aallaqqaataani pisinnaasoq. Namminersorlutik oqartussat inissiaataasa kommuninut tunniunneqarnissaat pillugu suliaq attartornermi inatsisip nutaap piareersarluni sulinermut atalluinnarpoq. Tamatuma inerneratut suleqatigiissitamik pilersitsisoqarsimavoq, inissianik tunniussinnermut atatillugu inissiaqarfinni aqqissuusinnermik misissuisussaq.

Suleqatigiissitaq attartornermi inatsisip nutaap piareersarneranut siunnersuuteqarnissamut tapertaassaaq. Attartornermi inatsimmik suliaqarneq

aallartiffianiippoq, taamaattumik suli ineqarnermut akiliutit qanoq katitigaassanersut suli aalajangersarneqarnani, tassunga ilanngullugu ineqarnermut akiliut qanoq aalajangersarneqassanersoq.

Inissiat attartorneqartussani inissiat qanoq akeqarnissaat eqqarsaatigalugu inissiaqarnermi aaqqissuusseqqinnermut atasumik ukiaq 2017-imi piginneqatigiilluni inissiat pillugit inatsit nutaaq aama inissianik aningaasalersuineri inatsit nutaaq akuersissutigineqarput, tassani piumasaqaatit pilerinartut atorlugit taarsigassarsinissamut innuttaasut kommunitumut qinnuteqarnissamut periarfissaqalerlutik.

2017-imi januarip aallaqqaataani illulioqataanermik aaqqissuusseqqinnermut kommunitumut tunniunneqarpoq.

Illulioqataanermut taarsigassarsiat pillugit inatsisartut inatsisissaannut nutaamut siunnersuut UKA 2018-imi suliarineqassaaq. Illulioqataaneq pillugu inatsisissamut missingiummi illoqarfinni inissianik aningaasalersuinerimik aaqqissuusseqqinnermut piginneqatigiillunilu inissianut allatut periarfissaavoq.

Illulioqataaneq pillugu inatsimmi atuuttumi akiisut ukiuni 33-ni appartinniartorneqassapput, taanna ukiunut 20-inut allanngortinneqarpoq. Illu ukiuni 33-ni aaqqissuusseqqinnermut iluani aqunneqarunnaarnissaa kisiannili ukiuni taamaallaat 20-ini pinissaani allaffissornermik pisariinnerulersitsivoq.

Illulioqataaaffiusoq sukkanerusumut akiitsueruffiusinnaalissaaq, aamma illulioqataaaffiusumut piginnittuunissaaq pilerinarnerussalluni, tassa najugaqarnissamut sukangasuunik piumasaqaateqanngimmat. Aammattaaq siunnersuutigineqarpoq illulioqataaaffiusut nutaat pilersaarutaasumik piffissakkaartumillu aserfallatsaaliorneqarnissaannut pilersaaruteqartillugit tunniunneqassallutik.

Tassa imaappoq illumik piginnittoq illup qanoq akulikitsigisumik qalipattassagaa, qanoq akulikitsigisumi ussisaatit il. il. taarserneqartarnissaannut pilersaarummik peqalissaaq, taamaalilluni illu aserfallannani. illulioqataasoq taamaalilluni inissiamik suli pilerinartumut qulakkeerneqassaaq.

Namminersorlutik Oqartussat inissiateqarfiini ineqarnermut akiliut kingullermik 2016-imi iluarsineqarput agguaqatigiissillugu 1,5 procentimik.

3.18. Immikkoortoq 5. Sanaartornermut suliassaqarfik, qupperneq 146

a) *Sanaartornermut suliassaqarfimmi ingerlatat nunap immikkoortuini oqimaaqatigiinnissaat qanoq qulakkeerniarneqarpa?*

Aningaasanut inatsisissamut siunnersuummut nalinginnaasumik nassuiaatini aamma Nuna tamakkerlugu pilersaarusiornermi nassuiaatini 2015-imi aamma 2017-imi allaaserineqartut Naalakkersuisut anguniagaraat ingerlataqarfinni pilersaarutit ataqatigiissarnerinik sulineq aamma taakkuninnga digitalimik NunaGIS-imi takutitsineq pissutigalugu siunnessami naalakkersuinikkut isummertoqarnissaa pillugu ilisimatitsissutigineqartumik aalajangiinissamut tunngavissaqarnerulertoqassasoq sanaartornermilu ingerlatat nunap immikkoortuini pingaarnersiorneqarsinnaallutik.

Aaqqissugaanermik iluarsaasseqqinnerup ilaatut ukiut kingulliit ingerlanerini kommunitumut sanaartornermi aningaasat annertuut nuunneqarsimapput, tassunga ilanngullugit nunaqarfinni isorliunerusunilu inissialiassat, inuinaat inissialiornerninut tapiissutit kiisalu suli atulinngitsunut aamma meeqqat atuarfiinut. Tassunga

ilanngutissapput namminersorlutik oqartussat inissiaataasa attartortittakkat taakkununnga atasut sanaartornermi kontot kiisalu utoqqaat illuisa kommuninut nuunneqarnissaasa piareersarneqarneri pillugit pilersaarutit.

Taaku tamarmik agguaassinermi najoqqutaq malillugu pissapput, pisuni ataasiakkaani tamani kommuninik isumaqatigiissutigineqartussat aamma sanaartornermut tunngasuini nunap immikkoortuini pitsaasumik oqimaaqatigiinnermik pilersitsinermit iluaqtaasusaaq.

b) *Akileraartarnermi immikkut ittumik isertitat attaveqarnermut aningaasaliinissamut immikkoortinneqarnerat itisilerneqassasoq ataatsimiititaliamit kissaatigineqarpoq.*

3.19. Immikkoortoq 6.1, AIS 2019-imi aningaasartuuteqarnerunerit, qupperneq 149

a) *Thule Air Basemi kiffartuussinissamik isumaqatigiissutip annaaneqarnerani nunatta karsia qanoq annaasaqartigaa?*

Akissut:

Kommunit aggornerisa avataanni inuit akileraarutaannit iluanaarutit 2016-imiit 2017-imut annerusumik allanngorsimangillat, ingerlatseqatigiiffinniilli akileraarutinit iluanaarutit piffissami tassani 47 mio., kr.-t missaannik apparsimallutik. 2016-imit 2017-imut iluanaarutini annaasat annersaat M. T. Højgaard A/S-imit (Greenland Contractors) ingerlatseqatigiiffiup akileraarutaanik akiliinerit apparnerannut tunngasuupput.

b) *Tunngaviusumik Inatsisissamut Isumalioqatigiinnut manna tikillugu qanoq amerlatigisunik atuisoqarpa?*

Konto pingarneq 27.03.01 Tunngaviusumik Inatsisissamut Isumalioqatigiinni allattoqarfimmullu aningaasaliissutit 2017-imi 5,5 mio. kr.-upput. 2017-imi atuneq taamaallaat 2,0 mio. kr.-t missaaniissimavoq. Taamaalilluni kontomi annikinnerusumik atuneq 3,5 mio. kr.-uvoq, 2018-imut nuunneqartut.

Kontomi pingarnermi 2018-imut aningaasaliissutinut sinaakkusiussat taamaalillutik 9,0 mio. kr.-t missaaniupput.

Kontomi pingarnermi 2018-imi atuneq pillugu anisinnegartumi takuneqarsinnaavoq ulloq 23. oktober 2018-imi 3,15 mio. kr.-t missaannik atuneq naatsorsuutinut allanneqarsimasoq. Taamaalilluni naatsorsuutigineqarpoq kontomi pingarnermi tassani 2018-imi annertuumik annikinnerusumik atuisoqassasoq.

Kontomi pingarnermiit 2018-ip aamma 2019-ip akornanni annikinnerusumik imaluunniit annertunerusumik atuinerup siumut nuunnissaannut periarfissaqanngilaq.

3.20. Immikkoortoq 7, Missingiinerit nutaat aamma akinik akissarsianillu siumut naatsorsuineq, qupp. 150

a) *Suliassa qarfiit ilaanni akinik akissarsianillu iluarsinnginneq missingersuutit 30 mio. kr.-nik pitsanngoriarnerinik kinguneqartoq paasisutissiissutigineqarpoq. Suliassa qarfiit ataasiakkaat suut pineqarpat, tamannalu suliassa qarfinnut taakkununnga ataasiakkaanut aningaasaqarnikkut qanoq sunniuteqarpa?*

Akissut:

Missingersuutitigut pitsannguut tabelimi ataaniittumit suliassa qarfinnut agguarneqarsimasoq takuneqarsinnaavoq.

Immikkoortoq	Suliassa qarfik akisussaaffiusoq	AIS 2019	UM 2020	UM 2021	UM 2022
10-12	Naalackersuisut Siulittaasuat	-325.000	-325.000	-325.000	-325.000
20-24	Aningaasaqarneq	-22.284.000	-22.398.000	-23.283.000	-24.065.000
27	Nunanut allanut tunngasut	-215.000	-213.000	-213.000	-213.000
30	Isumaginninnermut Inatsisinillu Atortitsin	-876.000	-867.000	-867.000	-867.000
34	Peqqissutsimut Ilisimatusarnerlu	-379.000	-379.000	-379.000	-379.000
40	Ilinniartitaanermut, Kultureqarnermut,	-5.537.000	-5.537.000	-5.537.000	-5.537.000
50-51	Aalisarnermut, Piniarnermut	-773.000	-776.000	774.000	774.000
62-64	Inuussutissarsiornermut Nukissiornermullu	1.007.000	-1.012.000	-1.012.000	-1.012.000
66-67	Aatsitassanut, Suliffeqarnermut Nunamullu	-1.150.000	-1.157.000	-1.157.000	-1.157.000
70-72	Inissiaqarnermut Attaveqaatillu	-218.000	-218.000	-218.000	-218.000
73-77	Pinngortitaq Avatangiisillu	-763.000	-749.000	-749.000	-749.000
	Katillugit	-33.527.000	-33.631.000	-34.514.000	-35.296.000

b) *Mittarfiit ukioq manna ilanngukkutsigit missingersuusiornermut inatsit suli malissavarput?*

Akissut:

Namminersorlutik oqartussat aktiatigut ingerlatseqatigiiffiinit allaniit immikkut ittumik iluanaarutitut tiguneqartut aningaasat Kalaallit Airports A/S-imi 2018-imi aningaasaliissutiginnissaannut missingersuusiornermi naatsorsuusiornermilu inatsimmi malittarisassat akornusiissanngillat.

c) *Mittarfinnut, tassungalu ilanngullugu Statsministerimut isumaqatigiissuteqarnissamut pilersaarutinut tunngatillugu AIS/2019-imut sunniuteqartussanik piffissami kingullermi pisoqarpa, taamaassimappallu qanoq annertutigisumik?*

Akissut:

Kalaallit Nunaanni mittarfiliornermi danskit peqataanerat aamma Danmarkip aamma Kalaallit Nunaata akornanni inuussutissarsiutitigut suleqatigiinnerup nukittorsarnera pillugu Danmarkimi naalackersuisut aamma Naalackersuisut akornanni isumaqatigiissummit 10. september 2018-imeersumit takuneqarsinnaavoq Namminersorlutik Oqartussat Siuariartornermut Aningaasaateqarfik A/S-imut aamma Greenland Venture A/S-imut agguarneqartussanik 20 mio. kr.-nik aningaasaliissasut. Taakku saniatigut naalagaaffik peqatigalugu inuussutissarsiutinut ataatsimut immikkoortitani namminersorlutik oqartussat 2 mio. kr.-nik aningaasaliissallutik.

Aningaasat taakku aninganut inatsisitigut pingaarnersiorneqassapput. Naalagaaffiup Siuariartornermut Aningaasaateqarfik A/S-imut aamma Greenland Venture A/S-imut aamma namminersorlutik oqartussat naalagaafiullu ataatsimoorlutik inuussutissarsiutinut immikkoortitaannut tapiissutai tamarmiusut 198 mio. kr.-upput.

4. Suliassaqarfik 10 - 12 Naalakkersuisut Siulittaasuut

4.1 Konto pingaarneq 10.01.01 Naalakkersuisut Siulittaasuata Naalakkersuisoqarfia

Naalakkersuinikkut Ataqatigiissaarisooqatigiittut suleqatigiissitap maleruagassatigut tunngavia aammalu suleqatigiissitap aalajangiinerinut inatsisitigut tunngavik paasissutissiisutigineqassasut ataatsimiititaliamit kissaatigineqarpoq.

Akissut:

Naalakkersuinikkut Ataqatigiissaarisooqatigiinnik allaaserinnittumik inatsisitigut Naalakkersuinikkut Ataqatigiissaarisooqatigiinnut inatsisitigut tunngavimmik peqanngilaq.

Maannakkut ilusaa Naalakkersuinikkut Ataqatigiissaarisooqatigiinnut aallaqqaammut tunngavigineqartoq "Namminersorlutik Oqartussat kommunillu akornanni missingersuutitigut suleqatigiinnissamat isumaqatigiissummi" 22. januar 2014-imik ullulerneqarsimasumi atuarneqarsinnaavoq. Takuuk:

<http://naalakkersuisut.gl/~media/Nanoq/Files/Attached%20Files/Finans/DK/Bloktilskudsaftaler/Med%20kommunerne/Bloktilskudsafale%202018%20-%20DK.pdf>

"Missingersuutitigut suleqatigiinnerup aqqissugaanerani" Naalakkersuinikkut Ataqatigiissaarisooqatigiinnut maannakkut sinaakkusiussat aalajangersarneqarput (qupperneq 3).

Naalakkersuinikkut Ataqatigiissaarisooqatigiit tamatuma nanginneratut suleriaatsimik akuersisimapput. Suleriaaseq kingullermik akuerineqartoq 30. august 2018-imeersuuvoq.

4.2 Konto pingaarneq 10.01.24 Nalliuttorsiornermi aqqissuussinerit

Nalliuttorsiornermi aqqissuussinissami innuttaasut peqataatinneqarnissaat Naalakkersuisunit qanoq qulakkeerneqalersarpa?

Akissut:

2019-imi 1.500.000 kr.-t immikkoortinneqassasut siunnersuutigineqarpoq, tassa Naalakkersuisut isumaqarmata namminersorlutik oqartussat ukiuni qulini nalliuttorsiornerat malunnartinneqartariaqartoq. Namminersorlutik oqartussat 2009-imi atulersinneqarnerisa nalliuttorsiuutigineranut atatillugu immikkut ingerlatassat piareersarnerinut ingerlanneqarnerinullu 2009-mut aningaasanut inatsimmi immikkoortinneqartunut aningaasat naapertuupput.

Aningaasaliissutit piviusunnngortinnissaannut aalajangersimasunik pilersarusiortoqarsimannngilaq, tassunga ilanngullugu nalliuttorsiorluni aqqissuussinerni innuttaasut peqataatinneqarneri.

4.3 Konto pingaarneq 10.06.27 Aatsitassanut suliffissuaqarnermullu pilersaarutininut atatillugu arlaannaannulluunniit attuumassuteqanngitsumik paasiniaasussanut aningaasanik tapiissutit

a) *Aningaasaliissutinut tunngatillugu paasissutissiisarnermut aningaasaateqarfimmik pilersitsinissaq Naalakkersuisunit isumaliutigineqarsimava?*

b) *Matumani aningaasaliissutit innuttaasunit eqqumaffigineqalernissaat anguniarlugu Naalakkersuisut qanoq suliniuteqarsimappat?*

c) *Aningaasaliissutit atorneqarnerannut suliasami kisitsisit ataatsimiititaliamit kissaatigineqarput.*

Ataatsimoortumik akissut:

Aningaasaliissutit 2014-imili pilersinneqarnerannut aningaasaliissutinik atuineq annertuumik assigiinngisitaarsimavoq. Ulloq manna tikillugu atuineranut annertuumik apeqqutaarsimavoq ukiumi aningaasaliiffiusumi suliffissuaqarnikkut imaluunniit aatsitassarsiornikkut pilersaarutit annertuut tusarniutigineqarsimanersut tamanillu oqallisigineqarsimanersut.

Aningaasaliissutinut tunngasumik paasissutissiisarnermut aningaasaateqarfimmik pilersitsinissaq pilersaarutigineqarsimanngilaq.

Aningaasanut inatsimmi aningaasaliissutit kiisalu Naalakkersuisut Siulittaasuata Naalakkersuisoqarfiata nittartagaani eqqartuinerit saniatigut aningaasaliissutit immikkut eqqumaffigineqarnissaannut 2016-imili immikkut suliniuteqartoqarsimanngilaq.

2014-imi, 2016-imi, 2017-imi mannaluk tikillugu 2018-imi aningaasaliissutit iluanni tapiissuteqartoqarsimanngilaq.

2015-imi pilersaarutinut sisamanut ukununnga aningaasaliissutit atorneqarsimapput, tamarmik immikkut 250.000 kr.-nik tapiissutisinissaat neriorsuutigineqarsimalluni.

Transparency International Greenland

Pilersaarut taaguuteqartoq: "Nuna allanngutsaaliugaq".

KNR - Kalaallit Nunaata Radioa

Pilersaarut taaguuteqartoq: "Kuannersuarni aamma Killavaat Alannguanni siunissami suliffissuaqarnikkut pilersaarutit".

ICC - Inuit Circumpolar Council Greenland

Pilersaarut taaguuteqartoq: Kuannersuit pillugit pitsaanerusumik innuttaasut peqataatinneri"

SIK / KANUKOKA - Sulinermik Inuussutissarsiuteqartut Katuuffiat / Kalaallit Nunaanni Kommuneqarfiit Kattuffiat

Pilersaarut taaguuteqartoq: "Kalaallit Nunaanni sumiiffinni suliffeqarfiit suliffissuartigut pilersaarutinit annertuumik qanoq sunnerneqarpat".

4.4 Konto pingaarneq 10.10.10 Naalakkersuisut

a) *Kaajallaasitaq taaneqartoq malinneqarnerisooq aammalu tassani maleruagassat aningaasaliissutinut suliasami kisitsisinik ilanngussinissamut tunuliaqutaasinnaanersut paasissutissiissutigineqassasoq ataatsimiititaliamit kissaatigineqarpoq?*

b) *Kiisalu Naalakkersuisut angalaneranut takussutissiaq ataatsimiititaliamit kissaatigineqarpoq, tassungalu atatillugu makku kisitsisitaat paasissutissiissutigineqarlutik:*

- *angalanerit amerlassusiat*
- *angalanermit aningaasartuutit Naalakkersuisoqarfinnut agguataarlugit aammalu agguasseriaatsit atorneqartut.*

Ataatsimoortumik akissut:

Naalakkersuisut Siulittaasuata Naalakkersuisoqarfia isumaqarpoq kaajallaasitaq atuuttoq nalinginnaasumik malinneqartoq. Aningaasaliissutit pillugit ingerlatani kisitsisit nalunaarsorneqarneri tunuliaqutaralugit atorneqarnissaat siunertaralugu najoqqutassiat ilusilersorneqanngillat.

Angalanernut ilassinninnernullu aningaasartuutit pillugit missingersuutit nalinginnaasumik agguassinnermut najoqqutassaq malillugu Naalakkersuisoqarfinnut ataasiakkaanut tamanut nalinginnaasumik aalajangersarneqartarput, Naalakkersuisut Siulittaasuat kiisalu Nunanut Allanut Naalakkersuisoq Naalakkersuisunut allanut naleqqiullutik aningaasanik amerlanernik atugassinneqartarlutik.

Naalakkersuisunit ataasiakkaanit ingerlanneqartut angalanerit amerlassusii pillugit kisitsisitigut paasisstissanik ingerlatsisoqanngilaq, taamaattumik konto 10.10.10-mi aningaasaliissutit tunuliaqutaralugit paasisstissat taakku pissarsiarineqarsinnaanatik.

Angalanerit ilusaat ukiumiit ukiumut aamma Naalakkersuisumiit Naalakkersuisumut assigiinneq ajorput.

Piffissamat 1. januar - 31. august 2018-imi angalanernut ilassinninnernullu aningaasartuutit naatsorsorneqarallarneri takussutissiami ataaniittumitut allaaserineqartut agguarneqarput. Iluamik pinissaq pillugu maluginiarneqassaaq Naalakkersuisut katitigaanerit Naalakkersuisunilu akisussaaffiit agguarneqarneri 2018-imi arlaleriarlutik allanngortinneqarnikummata.

Aammattaaq maluginiarneqassaaq Konto pingaarnermi 10.10.10-mi aningaasaliissutit Naalakkersuisunut ataatsimoortumik aningaasaliissutit atugassiammata ilaasortallu akornanni agguassineq pissutsinik ilitersuussinertullu isikkoqarmata.

Naalakkersuisut	Angalanermit atuerit: 1. januarimiit 31. august 2018- imut	Angalanernut ilassinninnernullu sinaakkusiussat	Angalanernut ilassinninnernullu 2018- imi siunneruttut
Naalakkersuisut Siulittaasuat	408.993	520.000	111.007
Peqqissutsimut Nunanilu Avannarlerni Suleqatigiinnermut Naalakkersuisoq	75.418	320.000	244.582
Isumaginninnermut Naalakkersuisoq.	214.501	320.000	105.499
Ilinniartitaanermut, Kultureqarnermut, Ilageeqarnermut	268.184	600.000	331.816

Nunanullu Allanut Naalakkersuisoq			
Aalisarnermut, Piniarnermut Nunalerinermullu Naalakkersuisoq	238.184	320.000	81.816
Peqqissutsimut Naalakkersuisoq	122.112	320.000	197.888
Ineqarnermut Attaveqaqatigiinnermullu Naalakkersuisoq	129.215	320.000	190.785
Inuutissarsiornermut Naalakkersuisoq	183.926	320.000	136.074
Aatsitassanut Naalakkersuisoq	316.722	320.000	3.278
Ataatsimoorussamik konto	Atuineq 919.396	Sinaasiussat 3.093.000	Sinneruttut 2.173.604

4.5 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

Missingersuutininut ilanngussami immikkoortoq kingulleq naapertorlugu Naalakkersuisut iluanaarutininut periusissaannut atatillugu mianerisassat Naalakkersuisunit nassuiaatigineqartut ataatsimiititaliamit pitsaasutut isigineqarput. Ingerlatseqatigiiffiit aningaasaqarnerat aammalu illersorneqarsinnaasumik ingerlatseqqinnissamut ineriartornissamullu periarfissaqarnissaat mianeralugu iluanaarutininik tunniussinerit illersorneqarsinnaasuunissaannik Naalakkersuisut oqarnerat ataatsimiititaliamit isumaqatigineqarpoq.

Ingerlatseqatigiiffiit sorliit aningaasaliissutininut ilaanersut paasissutissiissutigineqassasoq ataatsimiititaliamit kissaatigineqarpoq.

Akissut:

Ilisimatitsissutigineqarsinnaavoq konto pingaarnermi 10.13.10-mi Iluanaarutit, aktianit piginneqataaffinniit piginneqataassutit tunisinerillu missingersuutininut ilanngussamut ingerlatseqatigiiffiit uku ilanngussinnaasaat ilaammata; Tele Greenland A/S, KNI A/S, Royal Greenland A/S aamma Air Greenland A/S.

4.6 Konto pingaarneq 12.01.10 Kalaallit Nunaata Københavnimi sinniisoqarfia, ineqarnermut akiliutit

Kvm-imut aki qanoq angitigiva, taannalu allanut sanillersuunneqarsinnaava?

Akissut:

Maannakkut attartukkamut m2-imut aki 1.769 kr.-uvoq, ukiumut ataatsimut moms ilanngunnagu. Aki taanna immikkoortumi attartornernut assersuunneqarsinnaasut allat qaffaseqatigai, misissuineq naapertorlugu, Atlantikup Avannaamiut Tulattarfiannit imissutigineqartoq, NEWSEC Ejendoms- og analyseselskabimit 2017-imi ingerlanneqartoq.

4.7 Konto pingaarneq 12.01.11 Namminersorlutik Oqartussat Københavni inissiaataat

a) *Matumani aningaasaliissutitut suliassami kisitsisit ataatsimiititaliamit kissaatigineqarput.*

b) *Unnuineq ataaseq qanoq akeqarpa?*

Ataatsimoortumik akissut:

Københavni Namminersorlutik Oqartussat inissiaataanni 2017-imi unnuinerit 81-iusimapput. Ukiut siuliini 2017-imut naleqqiullutik unnuinerit 30-it missaannik amerlanerusimapput. Unnuinerit amerlassusaat unnuinernut taakkununga pisariaqartitsinerup qanoq annertutiginera naapertorlugu assigiinngisitaarput.

Aningaasaliissutitut naleqqiullugu unnuinerit amerlassusaat unnuinermut ataatsimut 1.345,- kr.-nut naapertuupput.

4.8 Konto pingaarneq 12.01.14 Atlantikup Avannaamiut Tulattarfiannut tapiissutit

a) *Matumani aningaasaliissutitut suliassami kisitsisit ataatsimiititaliamit kissaatigineqarput.*

b) *Aningaasaliissutini tunngavissaatitaasutut nunat sinneri akiliisarpap?*

Ataatsimoortumik akissut:

Atlantikup Avannaamiut Tulattarfianni ingerlatat kulturikkut suliassani akuersissutigineqarsimapput, tassani ilaallutik eqqumiitsulianik saqqummersitsinerit, tusarnaartitsinerit, filmit, pisoqartitsinerit oqalugiarnerrillu.

Atlantikup avannaamiut kulturianik ingerlatitseqqinneq annertuumik pingartinneqarpoq aamma eqqumiitsulianik saqqummersitsinerni quersuullu oqaluttuassartaani nassuiaassinernik neqerooruteqarluni, soorlu aamma atuarfinnik kiffartuussisoqartoq, meeqqat inuusuttullu nunat taakku pingasut eqqumiitsuliaannik kulturianillu saqqummiivigineqartarlutik. 2018-imi Atlantikup avannaaneersunit nunanit saqqummersitsinerit aalajangersimasut paarlakaajaattut sisamaassapput, soorlu aamma kulturikkut aaqquissuussinerit allat assigiinngitsut arlaliussasut.

Aningaasaliissutini piumasarineqarpoq Danmark, Islandi, Savalimmiut aamma Kalaallit Nunaat tamarmik aningaasanik assigiinnik akiliisassasut, akiliisarnernili taakkunani pissusissaanngitsumik ingerlasoqarsimanani.

5. Suliassaqaarfik 20 - 24 Aningaasaqarnermut Naalakkersuisoq

5.1 Konto pingaarneq 20.01.01 Aningaasaqarnermut Naalakkersuisoqaarfik

a) *Nuna tamakkerlugu pilersaarusiornermik suliassaqaarfiup allanngortinneqarnerata malitsigisaanik aningaasaliissutit ikilineqarput.*

Immikkoortortaqarfiup suliassanik isumaginninneranut tunngatillugu nuunneqarnerata pitsaasumik kingunerisai Naalakkersuisunit qanoq misilittagaqarfigineqarpat?

Akissut:

Nuna tamakkerlugu pilersaarusiorkfik Naalakkersuisut akisussaaffiinik kingullermik nikisitsinikkut Aningaasaqarnermut Naalakkersuisoqarfimmut uteqqippoq. Ataqatigiinnerusumik aningaasaqarnikkullu ataqatigiinnerusumik pilersaarusiorknerup qulakkeerneqarnissaa pillugu kissaateqartoqarmat taamatut pisoqarpoq.

b) *Atuinerussutit atuinikinnerussutilluunniit nuunneqarsinnaanerannik piginnaatitsisumik kontomut pingaarnermut oqaasertaliussaqaqarpoq. Piginnaatitsissummik atuiueq Aningaasaqarnermut Akileraartarnermullu Ataatsimiititaliamut ilisimatitsissutigineqartassasoq ilanngunneqassasoq ataatsimiititaliamit kissaatigineqarpoq. Siunnersuutip aappassaaneernejarnerani pingajussaaneernejarneraniluunniit Naalakkersuisut tamanna pillugu allannguutissatut siunnersuuteqarnissaat ataatsimiititaliamit naatsorsuutigineqarpoq.*

Akissut:

Ukiut aningaasaqarfiusut akornanni nuussinissamut oqaasertaliussani arlalinni tunngavissiiisoqarpoq. Taamatut nuussinissamut periarfissat amerlanertigut aningaasat tulluarnerusumik ingerlatittarnissaasa qulakkeerneqarnissaanik kissaateqarnermik tunngaveqarpoq taamaalillunilu aningaasat aningaasaliissutigineqartut sapinngisamik pitsaanerpaamik iluaqutigineqarlutik. Nunatta Karsiata Naatsorsuutaani konto pingaarnermi ataasiakkaani naatsorsuutitigut nassuiaatini kontomut pingaarnermut ukiumi aningaasaqarfiusumit ataatsimit tullianut aningaasanik nuussisoqarsimanersoq erseqqissarneqarpoq. Inussiarnersumik siunnersuutigineqassaaq taamatut pisariittumik ilisimaneqartumillu suleriaaseqarneq aalajangiussimaneqassasoq, taamaalilluni tamanit, tassunga ilanngullugit Inatsisartut, nuussinissamut periarfissap atorneqarnissaanut tunngavissap atorneqarnera pillugu ataatsimut ilisimatitsisoqartarluni, ataasiakkaarluni ilisimatitsisarneq atornagu, qanorluunniit pisoqaraluarpat ukiup aningaasaqarfiusup naanerata missaani kingornaluunniit piffissami tamanna aatsaat pisarmat.

Tassunga atatillugu ilisimatitsissutigineqassaaq ukiut aningaasaqarfiusut akornanni tamatumunnga tunngavissaqarfiusuni aningaasanik nuussineq pillugu aalajangiineq naatsorsuutitigut nalinginnaasumik atuinertut pisarmat, politikkikkut saqqummiunneqartussaannigitsut. Taamatut aalajangiineq amerlanertigut piffissap naanerani pisarpoq, tassa imaappoq piffissami 1. januarimiit februarip qiteqqunneranut.

Tamatuma saniatigut missingersuutitigut ilisimatitsissusiornermi piffissaagallartillugu ataatsimiititaliap ilisimatinnegartarnissaa Naalakkersuisunit qulakkeerneqassammat.

Konto pingarneq 20 01 08 Eqqartuussisutigoortitsinermut aningaasaliissutit, eqqartuussivimmi suliat, Aningaasaqarnermut Akileraartarnermullu Naalakkersuisoqarfik aamma Akileraartarnermut Aqutsisoqarfik.

Aningaasaqarnermut Akileraartarnermullu Ataatsimiititaliamut saqqummiussinertaqannigsumik eqqartuussivimmi sulianut ataasiakkaanut tamanut immikkut 2,5 mio. kr.-t tikillugit atuisinnaanermut piginnaatitsisumik kontomut pingaarnermut oqaasertaliussaqaqarpoq. Sooq taama qaffasitsigisumik killiliisoqarsimanersoq paasissutissiissutigineqassasoq ataatsimiititaliamit kissaatigineqarpoq.

Akissut:

Pinngitsoorani akileraarutit akitsuutillu pillugit isumaqatigiinngitsoqassaaq. Misilittakkat naapertorlugit eqqartuussivinni suliat annertuut tunngaviusullu naammassineqarnissaannut aningaasartuutit allanut naleqqiullugit qaffasissapput.

Aningaasat killilerneru aalajangersarneqarput immikkoortumik kinguneqarluartumik aqutsinissaq qulakkeerniarlugu. Akileraarutitigut, akitsuutitigut akiliisitsiniarnermilu eqqartuussivinni suliani advokatinut il.il. aningaasartuutit akilernerneqarnissaannut qaffasinnerusumi Aningaasaqarnermut Akileraartarnermullu Ataatsimiititaliaq isummertassappat tamanna annertunerusumik aningaasartuuteqarnermik kinguaattoornernillu kinguneqassaaq.

Nalinginnaasumik malinneqartartumik eqqartuussiviup aalajangiinerata malitsigisaanik Namminersorlutik Oqartussat eqqartuussissuserisuanut aningaasartuutinulluunniit akiliinermut aningaasartuutit pineqartassapput, assersuutigalugu suliamik aningaasartuutit imaluunniit taarsiissutissanik illuatungerisap akileeqquneqarnera.

Paarlattuanik tulluassaaq suliani immikkut ittumik aningaasartuuteqarfiusunut aningaasartuutit Aningaasaqarnermut Akileraartarnermullu Ataatsimiititaliamut saqqummiunneqartassapput. Ataatsimut isigalugu maannakkut aningaasanut killiliussaq tulluurtut isigineqarpoq.

5.3 Konto pingaarneq 20.05.20 Kommuninut ataatsimoortumik tapiissutit

a) *2019-mut tunngatillugu kommuninut ataatsimoortumik tapiissutissanut isumaqatigiissut AIS 2019-ip naammassineqarnerani suli atsiorneqarsimangitsoq Naalakkersuisut paasissutissiissutigaat. Isumaqatigiissut qaqugu atsiorneqarsinnaasutut Naalakkersuisunit naatsorsuutigineqarpa aammalu Naalakkersuisut isumaqarpat isumaqatigiissut kingusippallaartukkut atsiorneqassasoq?*

Akissut:

Isumaqatigiissutit piffissami kingusinnerusumi isumaqatigiissutigineqarnissaanut Aningaasaqarnermut Akileraartarnermullu Ataatsimiititaliamut Naalakkersuisut isumaqataapput. Tassunga atatillugu malugeqquneqassaaq upernaq Inatsisartunut qinersisitsisoqarnikummat. Tamatuma AIS2019-ip piareersarnerani sulineq kinguartippaa, ingerlatsinermut tapiissutinullu aningaasaliissutinut tamangajannut akitigut akissarsiatigullu iluarsiinertaqanngitsumik missingersuutit pitsaanerulersinnissaat Naalakkersuisunit pingaartinneqarsimalluni, tassunga ilanngullugu konto pingaarneq 20.05.20 Kommuninut ataatsimoortumik tapiissutit. Aammattaaq kommuninut ataatsimoortumik ukiumut 10 mio. kr.-nik tapiissutit ikilisinneqarneri ilanngunneqarpoq, tak. AIS2019-imut nassuiaatit nalinginnaasut. Taanna tassaavoq pingaarnersiuneq, AIS2019-ip tamanut saqqummiunneqarnerani aatsaat saqqummiunneqartussatut kissaatigineqartoq.

Naggasiullugu malugeqquneqarpoq AIS2019-ip aappassaaneerineqarnissaanut imaluunniit pingajussaaneerineqarnissaanut kommuninut ataatsimoortumik tapiissutit annertussusaannik allannguisunik allannguutissatut siunnersuutissanik saqqummiussisoqarnissaa naatsorsuutigineqanngimmat. Taamaalluni kommunit piffissami siusissukkut 2019 pillugu ataatsimoortumik tapiissutisiassamik annertussusaannik ilisimasaqalissapput.

Tamanna AIS2018-imut akerliuvoq, tassani kommuninut ataatsimoortumik tapiissutit annertussusissaasa allanngortinnissaannut aappassaaneerinninnermi pingajussaaneerinninnermilu allannguutissatut siunnersuutit katillugit 12-it saqqummiunneqarlutik.

b) *KANUKOKA atorunnaareermat kommuninut isumaqatigiinniarnertit qanoq ingerlanneqarpat?*

Akissut:

Kommuninut ataasiakkaanit tamanit sulisut aamma Aningaasaqarnermut Naalakkersuisoqarfiullu peqataaffigisaanni isumaqatigiinniarnertit ingerlanneqarput. Aammattaaq pisariaqartitsineq naapertorlugu aqutsisoqarfinniit naalakkersuisoqarfinniillu allaniit sulisut ilanngutitinneqartarlutik.

c) *AIS19-imi takussutissiat normulersugaanngillat, takussutissiamili danskisuuani qupperneq 228-miittumi ataatsimoortumik tapiissutini ataasiakkaat pineqartut takutinneqarput. Takussutissiaq taanna kommuninut ataatsimoortumik tapiissutit aalajangersimasunut atugassanngortinneqarnerannik takussutissiiva?*

Akissut:

Ataatsimoortumik tapiissutit agguarnerini immikkoortut ataasiakkaat agguaassinissamut najoqqutassiamut isumaqatigiissutaasumut naapertuupput imaluunniit siunertanut allanneqarsimasunut aningaasanik immikkoortitsisoqarsimalluni.

AI2017-imit aamma AI2018-imit konto pingaarnermut 20.05.20 Kommuninut ataatsimoortumik tapiissutininut missingersuutininut ilanngussanit takuneqarsinnaavoq 2017-imiit aamma 2018-imiit aningaasat nuunneqarsimasut suliassaqrifiit uku iluanni atugassanngorlugit immikkoortinneqarsimasut nammineq tamarmik agguaassinissamut najoqqutassaqartut:

- Nunaqarfinnut isorliunerusunullu inissialiornissamut pilersaarut
- Ilaqutariinnut sullissivinnut ilaqutariinnullu højskolinut tapiissutit
- Atualernissamut piareersarnermut atuarfinnullu tunngasuni sanaartornerit
- Nammineq inissianik tapiissutitalimmik sanaartorneq

Aamma taamaappoq 'Kuuffinnik iluarsaassinermut' aningaasanut, tunniunneqarnerini siunertamut aamma atugassanngortinneqarsimasut. Ataatsimoortumik tapiissutit agguarnerini immikkoortut anginerusut sinneri siunertanut allanneqarsimasunut atugassanngorlugit immikkoortinneqarsimangillat. Akerlianilli pineqarluni agguaassinissami najoqqutassat immikkoortut, tunniussinermi isumaqatigiissutigineqarsimasut. 'Innarluutilinnut tunngasut' aamma 'VSP aamma PPR- ip tunniunneqarnerini assersuutigalugu illoqarfinni (kommunini) ataasiakkaani tunniussinissaq tikillugu ukiuni siunertanut namminersorlutik oqartussat aningaasartuutigisimasaat tunuliaqutaralugit agguaassinermi najoqqutassaliortoqarpoq.

Suliassaqrifiit tiginissaannut kommuniniit piumasaqaatigineqarsimavoq 'Ataatsimoortumik tapiissutini' immikkoortuni aningaasat agguarnagit suliassaqrifinnut aningaasartuutaasimasunik aallaaveqartoqassasoq.

d) *Konto pingaarnermut matumunnga allannguutissatut siunnersuutit suut ukjaru ataatsimiititaliamit naatsorsuutigineqarsinnaappat?*

Akissut:

Apeqquummut 5.3a)-mut naleqqiullugu akissummi naatsorsuutigineqanngilaq kommuninut ataatsimoortumik tapiissutit annertussusiisa allanngortinnissaannut aappassaaneerinninnermut imaluunniit pingajussaaneerinninnermut annertunerusumik allannguutissanik siunnersuuteqassasoq. 2019-imullu ataatsimoortumik tapiissutit pillugit isumaqatigiissutigineqarpata missingersuutini ilanngussami oqaasertat iluarsillugit taamaattoq allannguuteqarnissamut siunnersuuteqartoqassaaq.

e) *25 mio. kr.-nik meeqqat illersorneqarnissaannut naatsorsuussanik sooq immikkoortitsisoqanngila?*

Akissut:

Apeqquummi ukiumut 24 mio. kr.-t, meeqqanut tapersersuisarneq pillugu Inatsisartut inatsisaata akuersissutigineqarnerata kingorna ulloq 1. juli 2017-imi atuutilersussap kommuninit tiguneqartoq eqqarsaatigineqarpat taava ataatsimoortumik tapiissutit tamarmiusut annertussusaannut aningaasat taakku ilaapput.

Aningaasat tabelimi "Ataatsimoortumik tapiissutini" immikkoortumi kommunit akornanni agguarneqassapput kommunit akornanni ataatsimoortumik tapiissutit agguarneqarlutik.

f) *Kommunit ataatsimoortumik tapiissutinik atuinerannik nakkutilliineq qanoq aqutsivigineqarpa?*

Akissut:

Tamatuminnga aalajangersimasumik nakkutilliisoqanngilaq. Nakkutilliineq ilaatigut inatsisini atuuttuni aalajangersakkanik kommunit eqquutsitsinerannik naalakkersuisoqarfiit ataasiakkaat nakkutilliisussaapput, tassunga ilanngullugu assersuutigalugu siuliani taaneqartoq meeqqat tapersersorneqarnissaannut Inatsisartut inatsisaat, tassani inatsisip akuersissutigineqarnera tunuliaqutaralugu kommunit aningaasanik tigusaqartarlutik.

Kisianni assersuutigalugu meeqqat atualernissaannut atuarfiit atuarfiillu sanaartornerinut kiisalu nunaqarfinnut isorliunerusunullu inissialiortiternermut sanaartornermi aningaasat atorineqarnerinik immikkut nakkutilliisoqanngilaq, taakku ukiuni kingullerni kommuninut nuunneqarsimallutik, aningaasallu atorineqarnissaat siunertamut atugassanngortinneqarsimallutik. Aningaasaqarnermut Naalakkersuisoqarfik kommuninik ingerlaavartumik aningaasaqarnerinik nakkutilliivoq aamma taakkuninnga nakkutilliinissamut pissutissaqalissappat apeqqutaasinnaasut ataatsimoortillugit kommuninut ataasiakkaanut imaluunniit kommuninut qaqittarlugit.

g) *Pinngitsoorani soraarnerussutisianik aaqqissuussineq sooq aatsaat 2022-mi ilanngunneqarpa?*

Akissut:

Pinngitsoorani soraarnerussutisianik aaqqissuussinermut 2017-imili kommunit taarsiiffigineqarsimapput. Aaqqissuussinerup atulersikkiartornera 2024 tikillugu ingerlanneqassaaq. 2022-mi aningaasatut tunniunneqartut tassaapput 2021-mit 2022-mut

pinngitsoorani soraarnerussutisianik aqqissuussineq pillugu taarsiissutit allanngortinnerinut tunngasuupput. Taamaalilluni missingersuutini ukioq ataasiinnaanngilaq aqqissuussinerup atulersikkiartornerani ilanngussiffiusimasoq.

5.4 Konto pingaarneq 20.05.31 Kommunini aningaasartuutaanerusussanut immikkoortitat

Akiitsut pillugit siunnersuineramik suliniutip ingerlateqqinneqarnissaa kontomi matumani aningaasaliissutinit suli aningaasalersorneqassasoq Naalakkersuisut paasissutissiissutigaa. Suliniut qaqugu ingerlateqqinneqartussatut naatsorsuutigineqarnerisooq paasissutissiissutigineqassasoq ataatsimiititaliamit kissaatigineqarpoq.

Akissut:

Tamatuma qanoq ingerlanneqarnissaa pillugu kommuninik maannakkut erseqqinnerusumik oqaloqatiginnittoqarpoq. Tamanna Naalakkersuinikkut Ataqtigiiisaarisut kingullermi ulloq 25. september 2018-imi ataatsimiinneranni 2019-imit pilersaarutip kommunini tamani nangeqqinneqarnissaa siaruartinnissaata isumaqtigiiissutigineqarnerata tamanna nanginneraa.

5.5 Konto pingaarneq 20.05.44 EU-mik suleqateqarnissamik isumaqtigiiissummit isertitat

a) Missingersuutininut tapiissutit ilaat nikerartumik tunniunneqartartut (20 %-it) ilaat qanoq annertutigisut ukioq manna anguneqartussatut naatsorsuutigineqarpat?

Akissut:

2018-imut nikerartitsinerup qanoq naammassineqassanera siusippallaarpoq nalilersussallugu. 2018-imut aningaasanut inatsimmi missingersuutininut tapiissutit ilaat nikerartut 72,5 %-it missaannik anguniakkamik naammassinninnissamik naatsorsuutigisaqarneq ilanngunneqarsimavoq.

b) "Nunap aningaasaqarnera patajaatsuussaaq"-imik oqarnermi piunasaqaatit suut atorineqartarpat?

Akissut:

Nunap aningaasaqarnera patajaatsuunissaa pillugu tapiissutisinissamut EU-p piunasaqaataa pingaarnertigut isumaqarpoq pilersaarusiornissamut, aningaasaliinissamut aamma kalaallit nunaata aningaasaqarnikkut iliuuseqarfigisaani tamani aningaasaqarnikkut pissutsit allanngorartut siulittuiffiginissaannut piunasaqaatinik Naalakkersuisut qulakkeerissasut.

Tamatuma kingunerisaanik Kalaallit Nunaata uku pitinnaveersaassavai:

- avataani nunallu iluani amigartorneq attanneqarsinnaanngitsooq (akiliisinnaassutsikkut oqimaqaatigiissitsineq aamma pisortat missingersuusiornerat),
- aningaasaqarnikkut ingerlatani annertunerusunik allanngorarneq, aamma
- annertuumik aningaasat naleerukkiartornera aamma aningaasat naliini børsinilu nalit annertuumik allanngorneri.

Inuiaqatigiit aningaasaqarnerata patajaatsuunera atasinnaasumik siuariartornerup angunissaanut pisariaqarpoq aamma kinguneqarluartumik missingersuutitigut aqutsinerulernermut iluaqutaalluni, tassa tamanna missingersuutit inaarutaasumillu naatsorsuutit akornanni pitsaanerusumik naapertuuttoqarnissaanik qulakkeerinnimmat.

Inuiaqatigiit aningaasaqarnerisa patajaatsuunissaanut piumasaqaatinut aalajangersimasunut ilaapput:

- Inuiaqatigiit aningaasaqarnerini allanngorartut misissorneqarneri (asersuutigalugu aalisakkat amerlassusaat aamma akit, aningaasat naleerukkiartornera, avammut niuerneq il. il.) aamma aarlerinartuusinnaasut suunerinik paasisaqarsinnaaneq.
- Naalakkersuinikkut aningaasaqarnikkut ingerlatsinermik taassumalu siunissami qanittumi akunnattumilu ungasissusilimmi aningaasaqarnerup patajaallinissaanik misissuineq.
- Nunap iluani isertitat qaffannissaannut suliniutinik nalilersuineq.
- Aningaasaqarnerup avataaniit aningaasarsiornikkut qanoq tupatsitaasinnaanerani aamma inuiaqatigiit aningaasaqarnerisa qajannaatsuunerata nukittorsarnissaanut suliniutinik nalilersuineq.

5.6 Konto pingaarneq 20.10.11 Ilanngaaseereerluni erniat

AI 2018-imi aammalu AIS 2019-imi aningaasaliissutit taama annertutigisumik assigiinnginnerannut suna pissutaava?

Akissut:

AI2018-imut naleqqiullugu AIS2019-imi konto pingaarnerni piffissami aningaasaqarfiusumi missingersuutinik missiliuisarnerup pitsaanerulernera Nunatta Karsiata akiliisinnaassusiata pitsaanerulernera tunuliaqutaralugu pisarpoq. Taamaattumik ukiunut missingersuusiorfiusunut kingusinnerusunut taarsigassarsinissamik pisariaqartitsineq naatsorsuutigineqartoq tamatuma kinguartittarppaa, tamannalu missingersuutinik missiliuisarneq pitsaanerulersillugu.

5.7 Konto pingaarneq 20.10.20 Nationalbankip sinneqartoorutaanit pisassat

a) AI 2018-imi aammalu AIS 2019-imi aningaasaliissutit ikileriarnerannut suna pissutaava?

Akissut:

Missingersuutitut ilanngussanit takuneqarsinnaavoq Nationalbankip sinneqartoorutai ukiup naatsorsuusiorfiusup kingorna april/majip qaammataani akilerneqartartut. Taamaalilluni assersuutigalugu AI2018-ip november 2017-imi akuersissutigineqarnerani isertitassat annertussusaat, Kalaallit Nunaannit 2018-imi tiguneqartussat naatsorsuutigineqartut, aningaasanut inatsisip akuersissutiqarnerani aningaasaliissutit taakku ilisimaneqarsimanngillat.

Aningaasaqarnermut Naalakkersuisoqarfiup tamanna tunuliaqutaralugu suleriaaseq una atortarppaa sinneqartoorutiniit Kalaallit Nunaata pissarsiarisai aningaasat ilisimaneqartut kingullit malillugit aningaasaliissutit taakkunanit isertitassat missingersuusiorneqartarlutik. Taamaalilluni ukiuni arlalinni kontomi pingaarnermi missingersuusiarineqartut isertitallu piviusunngortinneqartut oqimaaqatigiittarlutik.

2017-imut ukiumut naatsorsuutit eqqarsaatigalugit Nationalbanki sinneqartooruteqarsimangilaq, akerlianilli 254 mio. kr.-nik amigartooruteqarsimalluni. Nationalbanki taamaattumik 2018-ip aallartinnerani naalagaaffimmut nuussassanngilaq. Taamaallilluni 2018-imi kontomi pingaarnermi tassani isertitaqassanngilaq, isertitassatigut 8,1 mio. kr.-t missingersuutigineqarsimagaluarlutik.

Kontomik pingaarnermik missingersuusiornermi naalakkersuisoqarfiup suleriaasia tunuliaqutaralugu taamaallilluni tunngavilersuutigineqarsinnaavoq 2019-2022-mi kontomi pingaarnermi 0 kr.-nik isertitaqarnissamik missingersuusiortoqartariaqartoq. AIS2019-imili ukiumut 5 mio. kr.-nik isertitaqarnissaq missingersuusiorneqarsimalluni. AIS2019-imi kontomi pingaarnermi pitsaasumik isertitaqarnissamik missingersuusiornissaq toqqarneqarsimavoq, tassa naatsorsuutigineqanngimmat Nationalbanki suli ukiuni aggersuni amigartooruteqaqqissasoq.

Nationalbankip 2017-imi ukiumi naatsorsuusiornifiusumi amigartooruteqarneranut pissutaaneruvoq oqaluttuarisaanermi aatsaat taamatut appasitsigisunik erniat qaffasissuseqarsimaneri. Naggasiullugu malugeqquneqassaaq assersuutigalugu 2004-2009-imi kontomi pingaarnermi ukiumut 25-30 mio. kr.-nik isertitaqartoqarsimammat. Ukiuni aggersuni erniat qaffasiffii nalinginnaasunngoqqippata taava naatsorsuutigineqarsinnaavoq kontomi pingaarnermi isertitaqarnerunermik tamanna malitseqassasoq.

b) *Kalaallit Nunaanni, Savalimmiuni Danmarkimilu inuiaqatigiit ineriartornerat kontomi matumani aningaasaliissutinut qanoq kinguneqassava?*

Akissut:

Sinneqartoorutit innuttaasut tamarmiusut nunami amerlassusiisa akornanni agguarneqartarmata taava assersuutigalugu Kalaallit Nunaanni innuttaasut amerlassusiisa marloriaatinngornerat kontomi pingaarnermi aningaasaliissutit taamaaqataanik marloriaatinngorneranik kinguneqartussaassaaq.

Nunani taaneqartuni pingasuni innuttaasut amerlassusaat ukiuni aggersuni annerusumik allanngornissaat naatsorsuutigineqanngilaq, kontomi pingaarnermi matumani aningaasaliissutinut pingaaruteqartussaannngitsut.

5.8 Konto pingaarneq 20.10.22 Isertitat allat

N 2017-imi AIS 2019-imilu aningaasaliissutit ikileriarnerannut suna pissutaava?

Akissut:

AI2017-imi kontomi pingaarnermi matumani missingersuutinut ilanngussat naapertorlugit 2017-imi immikkut isertitassat 31,3 mio. kr.-ninut missingersuusiorneqarput. Taamatut annertutigisumik immikkut 25,0 mio. kr.-nik isertitaqarneq konto pingaarnermi 66.01.05 Isertitanit matussuserneqartut oqartussat suliarinninnerannit immikkoortitanik nuussinerupput.

5.9 Konto pingaarneq 20.10.25 Ineqarnermut taarsigassarsiat akilerneqarneri

a) *Aningaasaliissutit ukiut ingerlaneranni annertuumik ikiliartuaarnerannut suna pissutaava aammalu aningaasat sumut atorineqartarpat?*

Akissut:

Illuut A/S-ip Tuapannguit 3-mi, Illut sanileriit 41-45 kiisalu Natsiaq 2-mi inissianik inuttaqanngitsunik tunisisimavoq. Inissiat tunineqarneri naapertorlugit ikiliartuinnarput. 2018-imi siusinnerusukkut naatsorsuutigineqartumiit amerlanerusut tunineqarput, tamatumalu malitsigisaanik ukiuni aggersuni tunisinissat annikinnerussallutik. Isertitat Nunatta Karsianut tutsinneqassapput.

b) *Isertitarisartakkat uku missingersuutitut ilanngussami taaneqartut itisilerneqarnissaat ataatsimiititaliamit kissaatigineqarpoq:*

- *Isertitat Illuut A/S-imut taarsigassarsiaritinneqartut aamma piginnittunut nutaanut paarlaannikkut taarsigassarsiaritinneqartut akornanni nikingassutaasut aqutigalugit pissarsiarineqartut.*
- *Piginneqatigiilluni inissianut taarsigassarsiat pigisatut inissiannngortitsilluni allanngorneranni ilanngaasereerlugit isertitat.*
- *Nammineeurluni inissiamut aningaasaliinerup iluani taarsigassarsianut akiliutigineqartutut isertitat.*

Ataatsimut akissut:

Inissiamik tunisisoqartillugu Illuut A/S-ip inissiamut pineqartumut taarsigassarsiani Namminersorlutik Oqartussanut akilertarpari. Pisisoq nutaaq inissianik aningaasalersuinermik aqqissuussinermut naapertuuttumik Namminersorlutik Oqartussaniit taarsigassarsisarpoq.

Piviusumik Illuut A/S-ip Namminersorlutik Oqartussanut taarsigassarsiaasa piginnittumullu nutaamut taarsigassarsiat akornanni nikingassut Illuut A/S-imit akilerneqartarpoq. Namminersorlutik Oqartussat isertitaat konto pingaarnermiit 20.10.22-imi Isertitat allaniit kontomut pingaarnermut matumunnga nuunneqarput, siusinnerusukkut ukiumut 2 mio. kr.-nik isertitaqarnissaq naatsorsuutigineqarsimalluni.

Piginneqatigiilluni inissiaatileqatigiiffiit ilai inissianut nammineq pigisanut allannngortinneqarsimapput, taamaattumik piginneqatigiilluni inissiat nammineq pigisanut inissianut allannngortinneraneersut isertitat taakku appariassallutik.

Akerlianilli naatsorsuutigineqarluni inissiamut taarsigassarsiat siusinaartumik akilerneqassasut (siusinnerusukkut 20/20/60-taarsigassarsiat), tassa taarsigassarsiat maannakkut appasinnerusumik naleqartillugit piffissaq sioqqullugu maannakkut akilerneqarsinnaammata. Naatsorsuutigineqarpoq aqqissuussineq pilerinarnerulissasoq imaluunniit aqqissuussinerup aallartinnerani amerlanerusut akiliissasut.

2018-imi ulloq 9. oktobarimi taarsigassarsiat akilerneqarput, tamatuma kingunerisaanik Namminersorlutik Oqartussanut 23 mio. kr.-nik akiliisoqarluni. Tassunga ilaapput 20-20-60-imi taarsigassarsianiit akiliinerit.

Konto pingaarneq tassaavoq isertitani aningaasaliissutit, aningaasat taamaalillutik nunatta karsianut tussallutik.

5.10 Konto pingaarneq 20.10.32 Uummannap eqqaani ajunaarnersuarmut tunngatillugu immikkut ittumik iliuuseqarnissaq

a) *Eqqugaasunut ikiuniarneq sumut killippa?*

Akissut:

2017-ip ingerlanerani pilertortumik ikiisoqarsimavoq. Tassunga atatillugu Røde Korsin nersortariaqartumik suliniuteqarsimavoq. Tamatuma saniatigut pequtinik nutaanik, piniarnermi atortunik nutaanik, pisinermit namminersorlutik oqartussanit aningaasat atorineqarsimapput, tassunga minnerunngitsumik ilanngullugit umiatsiaaqqat nutaat utaqqiisaasumillu ineqartitsinerit.

Inissianik taartaasussanik sanaartorneq aallartinneqarsimavoq. Sulineq taanna aatsaat 2019-ip naalernerani naammassineqarsimassaaq. Utaqqiisaasumik ineqartitsineq inissiat nutaat innuttaasunut pineqartunut tunniunneqarnissaasa tungaanut ingerlassaaq.

b) *Inissianik agguaanermi piumasaqaatit suut atorineqarpat?*

Akissut:

Ulloq 15. juni 2018-imi ilassutitut aningaasaliissutinik Aningaasaqarnermut Ataatsimiititaliap aalajangiinerani innuttaasunut Nuugaatsiameersunut Illorsuarneersunullu inissiat taartissaannik tunineqarnissamut piumasaqaatit aalajangersarneqarput. Piumasaqaatit atorineqartut www.naalakkersuisut.gl-imi saqqummiunneqarput, taamaalillutik kikkunnit tamanit takuneqarsinnaallutik.

c) *Piumasaqaatit pinerit tamaasa malinneqarsimappat imaluunniit pisut ilaanni saneqqunneqartariaqartarsimappat?*

Akissut:

Aap, piumasaqaatinut atorineqartunut isummertoqarsinnaasimavoq.

d) *Suliassat ataasiakkaat assigiimmik suliarineqarsinnaasimappat imaluunniit eqqugaasunik ikiuinermit atatillugu inuit ataasiakkaat mianeriniarneqartariaqartarsimappat?*

Akissut:

Ikiuinermit inuussutissarsiorsinnaanerullu pilerseqqinneranut atatillugu sulianik suliarinneq aalajangersimasoq - tassunga ilanngullugu piniarnermi atortunik nutaanik pisineq, Qaasuitsup Kommunanit ingerlanneqarpoq aamma ukioq nutaamiit 2018-imiit Avannaata Kommunanit.

Ingerlatsinermit inatsisini assigiimmik suliarinneq pillugu tunngaviit nalinginnaasut soorunami atorineqarput. Inatsisiniippoq assersuutigalugu innarluutitigut assigisaatigullu immikkut pisariaqartitsisoqartillugu immikkut ikiisoqarsinnaavoq.

Inissianik taartaasussani ataavartumik tunineqarnissaaq pillugu apeqqummut atatillugu sulianik suliarinneq Attaveqatigiinnermit Inissianullu Naalakkersuisoqarfimmit isumagineqarpoq. Sulianik suliarinneq qulaani taaneqartut Naalakkersuisut aalajangersagaat piumasaqaatit tunuliaqutaralugit pisimavoq.

e) *Tapiissuteqartunit avataaneersunit tapiissutit qanoq amerlatigisut tiguneqarsimappat, taakkulu tamarmik atorineqarsimappat?*

Akissut:

Avataaneersunik tapiissutinik katillugit 34.656.505,61 kr.-nik Namminersorlutik Oqartussat tigusaqarsimapput, taakkunannga 30 mio. kr.-t naalagaaffimmeerlutik.

2017-imi Namminersorlutik Oqartussat katillugit 14.846.224, 48 kr.-nik aningaasartuuteqarsimapput, annerusumik umiatsiaaqanunut nutaanut, qamuterallannut, pequtinut utaqqiisaasumillu ineqartitsinermut.

2018-imi manna tikillugu namminersorlutik oqartussat katillugit 6.482.179,24 kr.-nik aningaasartuuteqarsimapput, annerusumik utaqqiisaasumik ineqartitsinermut qamuterallannullu nutaanut.

Naatsorsuutigineqarpoq 2018-ip sinnerani 1,0 kr.-nik annertussuseqartunik suli allanik aningaasartuuteqassasoq. 2018 tamakkerlugu aningaasartuutit taamaalillutik naatsorsuutigineqarput 7,5 mio. kr.-nik annertussuseqassasut.

Inissianik taartissanik katillugit 40-nik sanaartortitsineq aallartinneqarsimavoq. Suliniummot tassunga aningaasartuutissatut naatsorsuutigineqartut tamarmiusut sanaartorfigissaaneq ilanngullugu 110,8 mio. kr.-nik annertussuseqassaaq. Sanaartornermi suliassat naatsorsuutigineqarpoq aatsaat 2019-ip ingerlanerani naammassineqassasut, taamaattumik aamma 2019-imi utaqqiisaasumik ineqartitsinermut aningaasartuuteqassalluni, taakku annertussusaat maannakkut ilisimaneqanngillat, kisianni 3 - 4 mio. kr.-nut missiliorneqarlutik.

Ajunaarnersumi suliniutinut atatillugu Namminersorlutik Oqartusar aningaasartuutaat tamarmiusut taamaalilluni piffissami 2017 - 2019-imi 137 mio. kr.-nit missaaniissapput. Avataaneersumik ikiuinerit tiguneqartut taamaalillutik siunertamut tamakkiisumik atorneqassapput.

Namminersorlutik Oqartussat aningaasartuutaasa saniatigut Røde Korsi ajunaarnerisup kingunitsianngua ikiueqqaarnermut aamma aningaasartuuteqarsimavoq, annertussusaali namminersorlutik oqartussanit ilisimaneqarnani. Aningaasartuutit taakku amerlanerpaartaat avataaneersut akiliuteqarnerisigut aningaasalersorneqarsimapput.

5.11 Konto pingaarneq 20.11.51 Aaqqissusseqqinnerit sunniutaat

a) *Biilinit akitsuutit allanngortinneqarnerat aaqqissusseqqinnertut Naalackersuisunit isigineqarneranut suna tunngaviua?*

Akissut:

Tunngaviatigut aaqqissusseqqinnerit Naalackersuisunit suliniutitut isigineqarput inuiaqatigiit aningaasaqarnikkut napatitsinerup annertusineranut taamaalillutillu nunanit allaniit aningaasatigut nuussinerniit Nunatta Karsiata isumalluuteqarnera annikillisinneqarluni. Tamatuma saniatigut aaqqissusseqqinnerit politikikkut pisariaqartitsinerit assigiinngitsut siuarsartarpaat, soorlu assersuutigalugu aningaasarsiornikkut naligiinnerulerneq imaluunniit suliffissaaleqisut ikilisinneri.

Biilini motoorinut akitsuutit eqqussinermilu akitsuutit atuuttut assersuutigalugu nunatsinni biilnik innaallagiarortunik akuleriimmillu orsulersorneqartut eqqunneqartanngikkallarmatali piffissami aallaqqaammot ilusilersugaasimapput. Taakkununga utaqqiisaasumik akikitsuuteqartitsinnginnermik akuersinerup kingunerisimavaa nunatta karsiata isertitaannik millisaaneq, biilit taamatut ittut atugaaneruleriartorneri naapertorlugu annertusiarortussa.

Akileraartarnermut Aqutsisoqarfik missiliuisimavoq Nunatta Karsia piffissami januar 2011-august 2018-imi katillugit 55 mio. kr.-t missaannik ataatsimut isertitaqarsimassagaluartoq, taakku biilit piffissami biilinit nalinginnaasumik

orsussamik atuisunut atuuttunik akitsuutiniq eqqussinermi motoorinullu akitsuusersorneqarsimagaluarpata. Naatsorsuineri soorunami taakku akitsuusersorneqarsimagaluarpata biilit taakku ilai qularnanngitsumik eqqunneqarsimasinnaannginneri sillimaaffigineqanngilaq.

Qulaani allassimasut tunuliaqutaralugit naammaginarpoq biilinit akitsuutiniq allanngineq aaqqissusseqqinnertut taaneqassappat.

b) *Avatangiisinut mingutsitsinninnginnerunissaq siunertaralugu allanngortiterisinnaanermi biilinit akitsuutiniq iluarsaaqqinneq ilaatinneqassava?*

Akissut:

Apeqqummi eqqarsaatigineqarpat biilinit akitsuutiniq nutarternerup aamma avatangiisinik eqqarsaatiginninneq Naalackersuisunit tunngaviatigut isigineqartoq tamanna uppernarsarneqarsinnaavoq.

Tamanna pissutigalugu Naalackersuisunit aamma siunniunneqarpoq biilinit akitsuutit nutarterneqarnissaanni biiliniq atorunnaakkanik biilitigut illersorneqarsinnaasumik igitsisarnerup qulakkeerneqarnissaa siunertaralugu igitsinissamut akitsuut eqqunneqarpat.

c) *Iluarsaaqqinnermik suliaqarneq Naalackersuisunit qanoq paasineqarpa aammalu iluarsaaqqinnerit suut 2019-ip kingorna naatsorsuutigineqarsinnaappat?*

Akissut:

Apeqqutip a)-p akissutaanut innersuussisoqarpoq. Tamatuma saniatigut Naalackersuisut ilaatigut naalackersuisooqatigiinnissamut isumaqatigiissut aningaasanullu inatsit pillugu isumaqatigiissutissaq tunuliaqutaralugit aaqqissusseqqinnertigut ingerlaavartumik suliniuteqarniassapput. Suliniutit taakku politikikkut aningaasaqarnikkut nalunaarusiassami aamma aningaasanut inatsisissanut siunnersuummi immikkut saqqummiunneqarumarput.

c) *Aningaasarsianut A-nut B-nullu taaguutiniq pisariillisaaneq aammalu pappiaqqanut nalilinnut akileraarusiisarnermik atulersitsineq aqputigalugu suliniutissatut naatsorsuutigineqartut itisilerneqarnissaat ataatsimiititaliamit kissaatigineqarpoq.*

Akissut:

Aningaasarsiat A-t tassaapput isertitat, assersuutigalugu sulisitsisoq isertitanik akiliisarluni, tunniunneqarnerini akileraaruteqartussat. Imaqarnissaannik pisussaaffiup akileraarutit kinguneqarluartumik akilernissaannut iluaqutaavoq, tassa isertitat tiguisumit tiguneqarnerisa peqatigisaanik akileraarutit akilerneqartarmata. Tamatuma akileraarutiniq akileraarusiineq pisariinnerulersippaa.

Taamaattumik isertitat assigiinngitsut amerlanerusut aningaasarsianut A-nngortinneqarnissaat eqqarsaatigineqarsinnaavoq. Tamanna assersuutigalugu tassaasinnaavoq sulisitsisumiit sulisunut atugassanngortinneqartut ajunngitsorsiasat, assersuutigalugu akeqanngitsumik biileqarneq aamma akeqanngitsumik oqarasuaateqarneq.

Pappiaranit aningaasanik nalilinnit iluanaarutit akileraarusorneri tassaavoq aktianit obligationinillu il. il. inuit iluanaarutaannit akileraarut. Pappiaranit aningaasanik

nalilinnit iluanaarutit akileraarusersornerisa eqqunneqarneri akileraarutitut tunngaviusut annertunerulersinniarnertut ilaasutut isigineqarsinnaavoq.

d) *AIS 2019-imi aningaasaliissutit qanoq sukkatigisumik imminnut akilertussatut Naalakkersuisunit naatsorsuutigineqarpat?*

Akissut:

Soorlu AIS2019-imit takuneqarsinnaasoq 4,5 mio. kr.-nit aningaasaliissutigineqartunit Naalakkersuisut 2020-imit 4,0 mio. kr.-nik aamma 2021-imi 14,0 mio. kr.-nik sipaaruteqarnermik kinguneqassasut. Taamatut saqqummiussinermit 4,5 mio. kr.-t taamaalillutik 2021-ip ingerlanerani immiut akilersimassapput.

e) *Aaqqissuusseqinnissat tigussaasut suut pilersaarutigineqarpat aammalu sooq AIS 2019-imi ilaatinneqanngillat?*

Akissut:

Apeqqutip 5.11, e-p akissutaanut innersuussisoqarpoq, aaqqissuusseqinnermi suliniutit erseqqissarneqarlutik.

5.12 Konto pingaarneq 20.11.56 Missingersuutininik iluarsineq, allaffissorneq

Missingersuutitut ukiumoortumik pitsanngorsaatissatut naatsorsuutigineqartut 6 mio. kr.-t qanoq piviusunngortinneqassanersut itisilerneqassasoq ataatsimiititaliamit kissaatigineqarpoq.

Akissut:

2020-mi atulersinneqartussatut naatsorsuutigineqartut sipaarutit taakku erseqqissarneqarnissaat siunertaralugu maannakkut paasiniaanerit pilersaarusiernerillu suliarineqarput.

Tamanna ilaatigut ERP-mi pilersaarut ilaatigullu maannakkut aningaasartuutininik paasiniaanermut atatillugu ingerlanneqarpoq, tak. aamma apeqqutip 3.10-ip akissutaa.

5.13 Konto pingaarneq 20.11.58 Akissarsiat pillugit isumaqatigiissutitut sillimmatit

a) *Isumaqatigiissutit suut pineqarnerisut isumaqatigiissutillu kinguaattoorfiunerannut suna tunngaviunersoq nassuiaatigineqassasoq ataatsimiititaliami kissaatigineqarpoq.*

Akissut:

Sillimmatit PPK-mut tunngasuni annertunerusumik aningaasartuutit aningaasalersornissaannut immikkoortinneqarput, tassa isumaqatigiissutit aningaasatigut sunniutaat aningaasanut inatsimmiittuni akissarsiat siumut naatsorsornerinit qaffasinnerummata.

PPK-mi isumaqatigiissut kingusinaarpoq, peqqinnissaqarfimmi atorfiit ilusaasa tunngaviusumik allanngornerinik imaqarmata. Tassunga ilanngutissaaq isumaqatigiissutit atorunnaarnerisa kingorna kingusissukkut isumaqatigiinniarnertit aallartinneqarlutik.

b) Isumaqatigiissutissat tullii qaqugu aallartisarneqassappat aammalu piffissaq isumaqatigiissuteqarfissaq qanoq ittoq taakkununga atuutissava?

Isumaqatigiinniarnissamut pilersaarut 2018-2020

Isumaqatigiissutit ulloq 31. marts 2018-imi atorunnaarput.	SIK, IMAK aamma HK naalagaaffik.
Isumaqatigiissutit ulloq 31. marts 2019-imi atorunnaarput.	Nakorsat, DJØF, DSA, AC aamma ASG - AK, Kigut (kigutigissaasut teknikerillu), Nakorsat allattaat, Akuersissutininak kutilliisut, piniarnermi aalisarnermilu nakkutilliisut - RAF 1917 (Teleteknikerit aamma AFIS) - SSK sulinermi aqutsisut - Konstruktørforeninen aamma Maskinmesterit
Isumaqatigiissutit ulloq 31. marts 2020-imi atorunnaassapput.	NPK Perorsaasut

SIK-mi isumaqatigiinniarnarit ulloq 23. juli 2018-imi aallarnerneqarput aamma IMAK-imi isumaqatigiinniarnarit ulloq 15. august 2018-imi aallarnerneqarlutik. Illuatungeriit isumaqatigiinniarnarfiusuni marlunni oqaloqatigiilluarput.

c) *AI 2018-imi aammalu AIS 2019-imi aningaasaliissutit allanngornerannut suna pissutaava?*

Akissut:

2018-imiit 2019-imut aningaasaliissutit allanngornerinut pissutaavoq isumaqatigiissutit atulersinneri 2019-imiit ukioq naallugu sunniuteqalernissaat.

d) Perorsaarnermut tunngasuni illuatungeriit akornanni pissaaneqassuseq qanoq ippa?

Akissut:

Tassani pineqarput akissarsiat pillugit isumaqatigiissutit aamma isumaqatigiinninartarnerit akissarsiallit kattuffii kiisalu sulisitsisut isumaqatigiinniarnarni naligiimmik atugaqarlutik nukittussuseqarlutillu peqataaneri, tamanna aamma perorsaasunut atuulluni.

5.14 Konto pingarneq 20.11.70 Suliniutinut nutaanut sillimmatit

Atuarfimmu tunngasut aammalu kulturimut tunngasut AI 2018-imi ilaatinneqartut kontomut pingaarnermut matumunnga ilaatinneqannginnerannut suna tunngaviua?

Akissut:

Kontomi pingaarnermi matumani meeqqat atuarfimmu immikkoortinneqarsimasut taakku 2 mio. kr.-t AI2018-imi kontomut pingaarnermut 40.40.01 Ilinniartitaanermut Aqutsisoqarfimmu nuunneqarsimapput, tak. AIS2019-imi konto pingarneq 40.40.01 pillugit missingersuutinut ilanngussaq.

AI2018-imi kultureqarnermut tunngasut nukittorsarnissaannut 6,5 mio. kr.-nut naleqqiullugu taakkunanga 3,5 mio. kr.-t konto pingarneq 40.95.01 Eqqumiitsuliornermut kultureqarnermullu tapiissutinut allanut nuunneqarput. Sinneri 3 mio. kr.-t suli piviusunngortinneqanngillat, kisiannili AIS2019-imi sipaarutigineqarlutik.

5.15 Konto pingarneq 20.30.01 Aningaasaqarnermut Sulisoqarnermullu Aqutsisoqarfik, ASA

a) *Pingaarnertut Suleqatigiinnermut Ataatsimiititaliaq qanoq ingerlava, qanoq akulikitsigisumik ataatsimiittoqartarpa ataatsimiinnerillu qanoq iluseqartarpat? Namminersorlutik Oqartussani Pingaarnertut Suleqatigiinnermut Ataatsimiititaliap pitsaasumik ingerlanissaa pingaaruteqarpoq, minnerunngitsumik Namminersorlutik Oqartussani agguaqatigiissillugu atorfeqartarnerup sivikinnera eqqarsaatigalugu.*

Akissut:

HSU-mik pilersitsisoqarpoq, ataatsimiititaliap suleriaasia malillugu ukiumut ikinnerpaamik sisamariarluni ataatsimiittartussaq. Tullianik ataatsimiinnissaq ulloq 11. december 2018-imut pilersaarutaavoq. HSU tassaavoq qitiusumik allaffissuup iluani suleqatigiinnermi ineriartortitsinermilu ingerlalluartut iluaqutaasorlu.

Aningaasaqarnermut Sulisoqarnermullu Aqutsisoqarfik (ASA) sulisunut periusissatigut pisariaqartitsinermillu aqunneqartumik piginnaanngorsaanermik neqerooruteqatarnermik ingerlaavartumik suliaqarpoq. 2018-imi allaffissornermi sulisunut siunnerfilerneqartumik sulianik suliarinnittup sulinerani pikkorissaanermik nutaamik inerisaasoqarpoq. Pikkorissarnermi atortuni pineqarput kalaallit nunaannut atasumik sulianik suliarinnineq. ASA pikkorissarnermut tassunga atortunik inerisaallunilu piginnittuavoq. Piginnaanngorsaanermi siunertaq tassaavoq sulisut ataasiakkaat ingerlaavartumik piumasaqaatinut annertusiartortunut piginnaasaqalernissaat. Piginnaanngorsaanermik suliniut aamma aalajangiussisimanermi suliniutitut atorneqassaaq, tassa nammineq piginnaasanik ineriartortitsineq sulisunut pingaaruteqartutut isigineqarmat.

Piginnaanngorsaanermik pisariaqartitsinermik misissueqqaarnermi tikkuarneqarpoq sulianik suliarinnineq aamma ingerlatsineq aamma siumut sammisumik aallunneqassasut. Tassunga atatillugu naatsorsuutigineqarpoq Ilisimatusarfimmi inatsisilerinermik ilinniartitaanerup piginnaanngorsaanissamat pisariaqartitsinermik naammassinnissasoq.

b) *Minnerunngitsumik ilinniakkatigut piginnaasatigullu Namminersorlutik Oqartussani immikkut pisariaqartitsineq eqqarsaatigalugu Namminersorlutik Oqartussani sulisorinniinnarniarnermi sulisussarsiortarnermilu ajornartorsiutit Naalakkersuisunit qanoq isumaqarfigineqarpat? Assersuutigalugu inatsisilerinikkut, aqutsinikkut il. il.?*

ASA aqqutigalugu sulisinnaasunik piukkunnaateqartunik sulisussarsiornermik Naalakkersuisut suliaqarput, tassani Namminersorlutik Oqartussat suliffeqarfittut nittarsaanneqarnerat ingerlaavartumik sulissutigineqarluni - tusagassiutini assigiinngitsuni ussasaarutigineqartartut. Sulisussarsiornermut naleqqiullugu tusagassiutit suut kinguneqarluartitsisinnaanersut ingerlaavartumik nalilersorneqartarput. Nunaqavissunik sulisussarsisarnerup annertusineqarnissaanut kalaallit nunaanni tusagassiutit atorneqarneri suli pitsaanerulernissaat ASA-mit aallunneqarpoq.

ASA-mit kissaatigineqarpoq 2019-imi suliffiup iluani nittarsaassinermit aningaasanik immikkoortitsisoqassasoq, tassa nunap iluani nittarsaassineq sulisooreersut aalajangiussimaneqarnerisigut sunniuteqassammat.

Taakku saniatigut ASA immikkut ilinniartunik isiginnippoq, tassani ASA ukiut tamaasa Danmarkimi Kalaallit Nunaata atorfiit pillugit nittarsaanermik ataqatigiissaarisarluni, Namminersorlutik Oqartussani immikkoortut sulisitsisullu allat Danmarkimilu kalaallit ilinniagaqartut imminnut attaveqatigiissinnaallutik.

Ilinniagaqartut akornanni 2017-imi immersugassatigut apersuilluni misissuinerup takutippaa peqataasut amerlanersaat ilinniarterup naammassineqarnerata kingorna Kalaallit Nunaannut uterusuttut.

ASA 2017-imi aamma Namminersorlutik Oqartussani ilinniartuunissap pilerinarsarneranut atatillugu Ilinniartitaaneq pillugu angalasunut atatillugu Namminersorlutik Oqartussanut sinniisuusimavoq.

Ilinniartunut tunngasut ASA-mit pingaaruteqartut isigineqarput siumut sammisumik sulisinnaasut piukkunnaateqartut qulakkeerniarlugit, tassa tamanna siunissami sulisussat pisariaqartitatsinnik piginnaasanik peqarnissaannik tapersersuinissamut Namminersorlutik Oqartussanut periarfissiimmat.

c) *Namminersorlutik Oqartussat Naalackersuisoqarfyllu ataanni aammalu allaffissornermi piginnaasalinnik sunniuteqarluartumik sulisussarsiniartarnissaq sulisorinniinnarniartarnerlu pillugit siunissamut qanoq pilersaaruteqarpa?*

- *Matumani immikkut eqqarsaatigineqarpoq allaffissornikkut pisariillisaasoqarnissaanik ilimasaarinerit. Sulisorinniinnarniarnermut sulisussarsiornermullu ersarissumik, piviusorsiorlumik ingerlalluartumillu periuseqarneq tamatumunnga annertuumik peqataaqataassaaq.*
- *Siuliani allassimasut oqaaseqarfigeqqullugit pilersaarutillu nassuiaatigeqqullugit Naalackersuisut qinnuigineqarput.*

Akissut:

ASA aqqutigalugu sulisussarsiornermut aalajangiussisimanermullu tapertaasunik suliniutinik arlalinnik Naalackersuisut suliaqarput:

- Namminersorlutik Oqartussat suliffeqarfittut ussasaarutiginera nittarsaannerallu, soorlu apeqqutip siuliani nassuiarneqartoq Namminersorlutik Oqartussat suliffittut erseqqissuunerannik pilerinartuunerannillu tapersersuilluni ASA ingerlaavartumik suliaqarpoq - Kalaallit Nunaani tusagassiutit isiginiarlugit sulisut sumiiffinni tunngaveqartut, inuiaqatigiinnik tassani ilu innuttaasunik ilisimasaqartut pingaaruteqarneri akueralugit.
- Sulisussarsiornermut atatillugu misileraanermi sakkut, pingaartumik pisortatut atorfinnut atatillugu, piukkunneqartup atorfinni atorfinitsinnissaanut eqqortuuneranut iluaqutaasinnaasut.
- Namminersorlutik Oqartussat ataatsimoorussamik sulisussarsiornermik aqqissuussaqarput ASA-mit isumagineqartoq. 2018-imi upernaami suleriaaseq allaffissornikkut oqimaappallaarunnaarsinniarlugu piffissamilu sivikinnerusumi suliamik suliarinninnissaq siunertarlugu sulisussarsiornermi aqqissuussineq nutaaq atulersinneqarpoq.

- Suliffeqarfimmi pitsaasumik appakaaffiusumik kultureqarnek siaruartinniarlugu ASA suliaqarpoq. Tamanna iluatsilluartumik sulisussarsiornerup ilagaa pingaaruteqartoq, tassa atorfininnermi ullut siulliit atorfinerlaartup atorfinni iluamik inissinnaanut pingaaruteqarmata.
- Atorfeqartut akornanni piukkunnaatit piginnaasallu nukittorsarneqarnissaannik siunertaqartumik periusissiatigut pisariaqartitsinermillu aqunneqartumik piginnaangorsaaneq, taamaalillutik piumasaaqatinut anginerusunut taakku naammassinnissinnaallutik - peqatigisaanillu aalajangiussisimaneq sulisullu naammagisimaarinninnerat qaffatsillugu.
- HR-peqataasutut sulineq aqutugalugu Namminersorlutik Oqartussat pisortanut pisortanik siunersuineramik ASA suliaqarpoq. Pitsaasumik aqutsineq tassaavoq sulisut atugarissaarnissaannut pingaaruteqartoq, toqqaannartumillu naammassisaqarsinnaassutsimut aalajangiussisimanermullu pingaaruteqarluni.
- Taakku saniatigut immikkoortunut suliffeqarfiit ineriartortinnerisa immikkut aaqqissuussinerinut ASA ikiuppoq, sulisunik isumasioqatigiissitsineq, ulapippallaarnermi atugarissaarnissamullu ilitersuussineq suleqatigiittunillu nukittorsaneq, atugarissaarneq pitsaasumillu suliffimmi atugaqarnerit tapersornissaat siunertaralugit. Atugarissaarneq suliffimmi pitsaasunik atugaqarneq sulisunik kajumissuseqartunik nuannaartunillu pilersitsisarput, suliassanik naammassinninnermi annertunerumillu naammassisaqarnissamut pitsaassusermik qulakkeereqataasut.
- Isumannaallisaanermi ataatsimiititaliaq suleqatigalugu Suliffimmik nalilersuineramik aamma Atugarissaarnermik misissuineramik ASA piareersaallunilu ataqatigiissarisuavoq - immikkoortortat pisortallu ataasiakkaat suliffimmi avatangiisinik atugarissaarnissamillu sulinissamut tunngavissiiinissamik siunertaqartoq.

Pitsaanagerusumik sulisussarsiorneq annertunerumillu aalajangiussisimaneq naatsorsuutigineqarpoq imminut akilersinnaassasoq.

d) Ilinniartitaanikkut piginnaasatigullu qaffassaanissamut anguniagaqarfiusumik periuseqarnissaq siunertaralugu Namminersorlutik Oqartussani piginnaasanik Naalakkersuisut qulaajaasimappat?

- Taamaangippat tamanna nassuiaatigeqqullugu Naalakkersuisut qinnuigineqarput.

Akissut:

Piginnaangorsaaneermik pisariaqartitsinermut naleqqiullugu siunnersuutissanik pissarsiniarluni Qitiusumik Allaffissuarimi inunnik pingaarutilinnik 2018-imi ukiaanerani ASA aggersaasimavoq. Tamatuma nanginnerani immersugassiakkut apersuilluni misissuineq piareersarneqarpoq, naatsorsuutigineqarluni qitiusumik allaffissuarimi sulisunut tamanut novembarip aallartinnerani nassiuqqassasoq. Tassangaanniit ilisimasat periusissiatigut pisariaqartitsinermillu aqunneqartumik piginnaangorsaaneerup qulakkeerneqarnissaanut sulinerup ingerlaqqinnerani atorpeqqassapput. Piginnaangorsaaneermi periusissiaq maannakkut piareersarneqarpoq.

Qitiusumik allaffissuarimi maannakkut piginnaasanut tunngasumik misissuisoqarsimanngilaq, taamaattorli qulaani taaneqartumi immersugassiakkut apersuilluni misissuinerimi aqutsisut qinnuigineqassallutik immikkoortuni assigiinngitsuni piginnaangorsaaneermut naleqqiullugu sulisut pisariaqartitaannik

naliliissasut (assersuutigalugu sulianik suliarinnineq, pilersaarutininik aqutsineq ingerlatitseqqinnerlu).

ASA-mit kaammattuutigineqarpoq piginnaasanik piviusunik qulaajaaneq allatigut suliani inernerit utaqinneqassasut, taamaalilluni piginnaasat suut qulaajaaffigineqassanersut pitsaanerusemik killilerneqarlutik, taamaalillunilu misissuinerit inernerillu atorluarneqarsinnaasut pissarsiarineqarlutik.

e) *Namminersorlutik Oqartussani Naalackersuisoqarfinnilu allaffissornermi sulisussarsiornermut sulisorinniinnarniartarnermullu tunngatillugu inuttut misilitsinnerit, piginnaasanik misilitsinnerit suleqateqarsinnaanermullu misilitsinnerit Naalackersuisunit atorneqalersaarpat?*

- *Atorneqartarpata qanoq ittut atorneqartarpata?*

Akissut:

Namminersorlutik Oqartussat Thomas Internationali atorpaat, makkuninnga sakkoqartoq:

- Person Profil Analyse (PPA DISC-mi inuit assigiinngitsuuneri aallaavigalugit)
- JKA (atorfimmi piumasaqaatinik paasiniaaneq - PPA-mut atatillugu suliarineqartussaq tassani DISC-it sorliit atorfimmut tulluarnersut)
- GIA (General Intelligence Assessment - nalinginnaasumik silappaarissusermik misiliineq)
- TEIQ (Thomas Emotionel Intelligence Questionnaire - misigissutsikkut silappaarissusermik misiliineq)
- TeamDISC (Suleqatigiinnik ataatsimoortumik naliliineq - qanoq pitsaanerpaamik suleqatigiissappat, suleqatigiit qanoq ittuuppat)
- Idealteam (Takutinneqarpoq suleqatigiinnit kissaatigineqartoq suleqatigiit pissusissaat assersuutigalugu suleqatigiit siuttuat)

Pisortanik sulisussarsiornermut atatillugu misiliinernut ASA aningaasartuutininik akiliissaaq. Immikkoortup nammineq aningaasartuutit akilerpagit, sakkut isumaqatigiissuteqarnikkut atorfinitsitsinerni allani atorneqarsinnaapput, kiisalu aalajangiussisimanermi suliniutit, assersuutigalugu suleqatigiit suleqatigiinnerat sulisunillu ineriartortitsineq.

f) *Sulisartut nunatsinnut nuuttut atorneqaraangata oqaatsinik ilinniarnissamut (kalaallisut) kiisalu kulturimik paasisaqarnissamut pilersaarutininik qanoq ittunik Naalackersuisut peqarpata?*

Akissut:

Pisortat namminersortullu suliffeqarfii tamarmik pikkorissarnermut "Kalaallit Nunaanni nutaaq"-mut sulisuminnik tikittunut ilanngutsitsinissamut periarfissaqarput, Københavnimi sinniisoqarfimmi ingerlanneqartoq. Pikkorissarnerup siunertaraa kalaallit nunaanni pissutsinik kulturianillu nuuttussat paasitinneqarnissaat.

Atorfinerlaat tamarmik (nunaqavissut tikittullu) "Namminersorlutik Oqartussani atorfinerlaanut aallarniutaasumik pikkorissarneq"-mut ilanngussinnaapput, tassani Namminersorlutik Oqartussat suliffeqarfittut ilisaritinneqarluni, kiisalu Namminersorlutik Oqartussat oqaluttuarisaanerat pillugu saqqummiussisoqarluni. Pikkorissartitsisarfiup maannakkut neqeroorutigai Learn Greenlandic aqutugalugu

qaffasissutsini pingasunik kalaallisut ilinniarneq. Learn Greenlandic tassaavoq neqerooruteqartoq nutaaq 2018-imi ukiameersoq. Siusinnerusukkut kalaallisut atuartitsineq Ilikkarit-mit isumagineqarsimavoq. Tamatuma saniatigut Sisimiuni oqaasileriffimmi internetsikkut toqqaannartumik pikkorissarnerit atorneqarsinnaapput.

g) *Naalackersuisoqarfiit naatsorsuuserinikkut allaffissornikkullu suliaasa tiguneqarnissaat qitiusumillu ingerlanneqalernissaat qanoq ingerlava? Ineriartortitsinerup tamatuma malinnaaviginerani sanilliussinerit sunniutinillu uuttuinerit pitsaassuseqarluartut suut atorneqarpat?*

- *Qaqugu taanna aallartinneqassava? Aningaasaliissutit unikaallattut takusinnaavarput, tamannalu suliassap suli aallartinneqarsimannginneratut paasineqarsinnaava?*

Akissut:

Naatsorsuuserinikkut suliassat qitiusumiit ingerlanneqalersimapput, suliffeqarfiillu ikitsuinnaat suli naatsorsuuserinerminni nalinginnaasumik naatsorsuuserisarneq suli atorlugu.

Naalackersuisoqarfiit tamarmik immikkoortortallu tamangajammik IRIS akiligassanik aaqqissuussineq akuersisarnerminni naatsorsuuserinermilu atugalersimavaat. Akiliiffissanut akiliinerit qitiusumiit isumagineqarput, akiliinerillu akiitsortinillu naatsorsuutinut allattuineq qitiusumik ingerlanneqarluni.

Allaffissornikkut suleriaatsit pitsaanerulersinnissaat ataavartumik sulissutigineqarput, taamaalilluni tamanna naalackersuisoqarfinnut immikkoortortanullu ajornannginerulerluni sukkanerulerlunilu.

Taamatut ineriartormermik sunniutinik uuttuineq ilaatigut aaqqissuussinerit atulersinnerisigut pisarpoq, saaffiginnissutit kisitsisitigut paasissutissaliorfigineqarnerini iluaqutaasinnaasut aamma naalackersuisoqarfinniit immikkoortortaniillu saaffiginnissutit uninngasarneri uuttorneqarsinnaallutik. Qitiusumiit ingerlatsilernermi anguniagaq tassaavoq sipaartoqarsinnaanera, tassa imaappoq aningaasat ikinnerusut atorlugit angusat taakku assingi anguneqarsinnaallutik.

Qitiusumiit ingerlatsilernermik suliassaq soorlu AIS2019-imi allaaserineqartutut 2009-imi aallartinneqarpoq. Tassunga ilanngullugu aamma allaffissornerup oqinnerulersinnissaa aallunneqarpoq allaffissornerullu pisariinnerulernissaa sukkanerulernissaa. ASA-mut tamarmut aningaasaliissutit ingerlalluarunnaarnerinut pissutaanngilaq suliassap aallartinneqarsimannginnera.

h) *Siunissami boligstøttemik aaqqissuussinerusussap atuutilersinneqarnissaanut aningaasartuuteqartoqassasoq allassimavoq. Tamatuma siuariartornera kiisalu uuttortaanissamut aamma/imaluunniit pitsaassutsinik uuttortaanissamut sakkussat taamatut suliniuteqarnerup sunniutaanik iluarsiissuteqarnissamut atugassat nassuiaatigeqqullugit Naalackersuisut qinnuigineqarput.*

Akissut:

Boligstøttimi taarsigassarsianik aqutsinermik suliassaq tiguneqarsimavoq, tamatumalu kingorna suliassaq suliariumannittussarsiuunneqarluni, suliariumannittussarsiuussinerlu INI A/S-imit ajugaaffigineqarluni. Boligstøttimi taarsigassarsinerup iluani suliassat ilai

taamaattoq ASA-mit suli isumagineqarput. Suleqatigiinneq tassani pitsaanerulersinniarlugu aaqquussineq pillugu INI A/S-imik killiffik pillugu ataatsimiittoqartarlunilu ingerlaavartumik oqaloqatigiittoqartarpoq. ASA naatsorsuuserinermi taarsigassarsiarineqartunillu naleqquttunngorsaasarpoq, taamaalilluni naatsorsuuserineq eqqornerpaamik ingerlanneqarnera qulakkeerqarluni.

i) *Kalaallisuuani quppernermi 280-imi kukkuneqarpoq, tassani allassimalluni "Pisiortortarneq...2018-imi suli annertuseqqinneqassapput". Naatsorsuutigaarput tamanna ima isumaqartoq; siunnerfilimmik pisiortortarneq pillugu isumaqatigiissut tunngavilersugaq kommuninullu ataqatigiissaariffiusoq piaartumik piariissasoq? Taamatut ataqatigissaarineq qaqugu naammassineqarsimasussatut naatsorsuutigineqarpa?*

Akissut:

Erseqqissumik paasineqanngilaq kukkuneq sumiinnersoq. Siunnerfilimmik pisiortornermut immikkoortortaq kommuninik suleqatigiinneq suli annertusarniarsaraa. Tamanna tulluattillugu Namminersorlutik Oqartussat tunngaviumik isumaqatigiissutaannut qaaqquneqartarput.

Pisortat pisiortartuini attaveqatigiinnermi aalajangerneqarpoq ataatsimiittarnerit ilusaat tulluarsarneqassasut aamma attaveqatigiinni aalajangersimasumik peqataasaqqullugit kommunit qaaqquneqassasut (Kommuneqarfik Sermersooq aallaqqaammulli peqataasarsimavoq).

Aammattaq siunertaalluni, suliariumannittussarsiuussisarneq pillugu inatsit nutaaq akuerineqassappat, kommunit peqatigalugit ataatsimoorussamik ilinniartitaanikkut suliniuteqartoqassasoq, tamannalu suliariumannittussarsiuussisarneq pillugu inatsimmut naleqqiullugu piareersimassutsip saniatigut pisiortornermut tunngasutigut nalinginnaasumik oqaloqatigiittarneq suleqatigiinnerullu annertusineqarnissaanut pissutissaqarluni.

5.16 Konto pingaarneq 20.30.02 Piginnaasanik ineriartortitsinermut aningaasat immikkoortitat

a) *Ilinniakkatigut piginnaasanik qulaajaanermi inuttullu piginnaasanik qulaajaanermi suliffeqarfii nunatsinnut tamarmut sullissisut aammalu najukkani suliffeqarfii kiisalu sulisorinniinnarniarluni ingerlalluarnissamut sulisorisallu naammagisimaarinninnissaannut iliuutsit Naalakkersuisunit ASA-millu atorineqartarpat?*

Akissut:

Piginnaangorsaaneremut atatillugu qulaajaanissamut ASA nammineq suli isumaginnillunilu pilersaarusiissaaq. ASA-mit aamma sulisut atugarissaarnerinut aalajangiussimanerinnullu atatillugu suliniutit amerlanersaat isumagineqarput. Taamaattorli APV aama MTU siusinnerusutulli suliffeqarfik nunamit allaneersoq Thomas International suleqatigalugu isumagineqarpoq,

taanna inuit ilisarnaataannik paasiniaanermi, sammisanik paasiniaanermi il.il. atorineqartarluni. Thomas International tassaavoq nunanit tamalaaneersoq suliffeqarfik, TLS ressource sinik, Danmarkimi immikkoortortap ataaniittoq, sumiiffimmi aquneqartoq.

b) *Sulisut naammagisimaarinninnerannik misissuinerit ukiuni 2-4-ni kingullerni qanoq ingerlasimappat aammalu angusani suut pissutaasutut tunngaviutinneqarpat?*

Akissut:

Namminersorlutik Oqartussani Qitiusumik Allaffissuaq kingullertigut maj 2015-imi atugarissaarnermik misissuisimavoq. Misissuinerimi akissuteqartut 80 %-iusimapput.

Uttuummi 0-100 pointimi qitiusumik allaffissuaq ataatsimoortillugu pingaarnertut angusat imatut isikkoqarput:

Sulinerup nuannaarutigigera: 67 (+ 3 2013-imiit) tamannalu imatut nassuiarneqarluni sulinerup nuannaarutigigera akunnattoq.

Angusat allat:

Naammagisimaarinnineq: 62 (+4 2013-imit)

Kajumissuseq: 71 (+1 2013-imit)

Tatiginassuseq: 71 (+1 2013-imit)

Illumoorneq: 68 (+2 2013-imit)

Tunniussimaneq: 75 (+2 2013-imit)

Taanna qitiusumik allaffissuarmi inuit ataasiakkaat akissutaannit 490-iniit angusaavoq, taamaattumillu ataatsimut angusamut pissutsit assigiinngitsorpassuit sunniuteqarlutik. Nammineq oqaaseqaatini akissutinut tunngavilersuutitut illut, tassunga ilanngullugu illup iluani silaannaq, napparsimalluni sulinngitsoornerit, attaveqaqatigiinneq aqutsinerlu taaneqarput.

Sulisut atugarissaarnerannik misissuinissaq 2018-imut pilersaarutaasimasoq kinguartinneqarpoq ilaatigut qinersineq pissutigalugu naatsorsuutigineqarlunilu 2019-ip aallartinnerani ingerlanneqassasoq. Suliffimmik nalilersuineq, ileqquusumik atugarissaarnermi misissuinermit ilaatillugu ingerlanneqartoq inatsimmi piumasaqaatit naapertorlugit maj 2018-imi nutarterneqarpoq, tassanilu angusat akisussaaffillu isumannaallisaanermi ataatsimiititalianiilluni.

c) *Pikkorissarnerit taakku kommuninit qanoq annertutigisumik peqataaffigineqartarpat aammalu kommunit peqataasinnaaqqullugit piffissap pitsaanerpaamik ataqatigiissarneqarnissaa qanoq qulakkeerneqartarpat?*

Akissut:

Pisortat ataatsimoortut neqeroorutaanni pikkorissarnermi peqataasut amerlanersaat Kommuneqarfik Sermersuumi atorfeqartuusimapput, taakku taamaalillutik qitiusumik allaffissuarmi atorfeqartunit annertunerusumik peqataasimallutik. Peqatigisaanik Kommune Kujalleq suleqatigalugu piginnaangorsaanissaq immikkut aaqqissuunneqarsimavoq.

Tamatuma saniatigut pikkorissarneq "Tunngaviusumik Atorfinitsitsisinaaneq" sinerissami kiisalu Nuummi neqeroortigineqarsimavoq.

Pikkorissaanermi peqataasut 2018

Kommuneqarfik Sermersooq	152	Pikkorissartut
Naalakkersuisut	121	Pikkorissartut
Kommunit allat	15	Pikkorissartut

Piginnaanngorsaaneq pillugu ASA ingerlaavartumik kommuninik oqaloqateqartarpoq, tassunga ilanngullugit ASA-p aamma kommunini HR-imi sinniisut akornanni ukiup affakkaartumik ataatsimiittarnerit.

2018-imi ukiakkut ataatsimiinnermi kommunini piginnaanngorsarnissamut pisariaqartitsineq pillugu saqqummiussisoqarnissaanut oqallinnissamullu immikkoortitsisoqassaaq, naatsorsuutigineqarpoq sinerissami pisortani atorfeqartut pillugit piginnaanngorsaannissamut periarfissaq qanoq annertusineqarsinnaaneri pillugit oqaloqateqarnermik taanna imaqaassalluni.

Tassunga atatillugu ASA-mit misissorneqassaaq:

- pikkorissarnernik neqeroorutinut aamma/imaluunniit kommunini immikkut ingerlasussatut aaqjissuuneqartunut soqutiginninneq
- Nuummi peqataanermut naleqqiullugu pikkorissariaaseq suna/sivisussusaa tulluarnepaanersoq, tassunga ilanngullugit annertunerusumik piareersarnissamut malitseqartitsinissamullu periarfissaqarneq, ullut atuartitsiviusut ikinnerunissaannut taartitit, ajornanngippat internetsikkut aaqjiinerit aamma/imaluunniit internetsikkut atuartitsineq iluaqutigalugit.

5.17 Konto pingaarneq 20.30.05 Nutaanngorsaannissat suliassallu

a) *N 2017-ip, AI 2018-ip aamma AIS 2019-ip akornanni aningaasaliissutit allanngornerannut suna pissutaava?*

Akissut:

Aningaasaliissutit allanngortinnerinut pissutaavoq konto pingaarnermut 2017-imi 960.000,00 kr.-nik ilasisoqarnera (aningaasat ataasiaannagassat), nutserinermi pilersaarutip naammassineqarnissaanut Aningaasaqarnermut Naalakkersuisoqarfimmiit. Nalinginnaasumik allaffissornikkut sipaarutinut atatillugu AIS2019-imi konto ikilileriffigineqarpoq.

b) *Konto una ukiut siuliini qanoq atorneqarneqartarsimava? Sullississutit suut kikkunillu konto una aqutigalugu ukiuni kingullerni tallimani pisiarinqarsimappat? Suliassat neqerooruteqartitsiffiusimappat? Taamaassimappat sumi?*

c) *2017-imi aamma 2018-imi aningaasaliissutit sumut atorneqarpat? Aningaasaliissutit sooq ikilippat?*

Ataatsimut akissut:

Ukiunut kingullernut tallimanut sullissinerit pisiarinqartut imaluunniit aningaasartuutitut ilaasimallutik

- Namminersorlutik Oqartussat Sullissivimmik piginneqataanera,
- IRIS-imi akiligassanik isumaginninnermik aaqqissuussinermut aningaasartuutit,
- ERP-mi naatsorsuuserissummut nutaamut tunngasumik misissueqqaarnerit paasiniaanerillu,
- BUBO pisiniarnermut atatillugu paasiniaanermi sakku,
- Nutserinermi suliniut aamma SDL-imiit programmi,
- Aningaasaqarnermik aqutsinermut suleriaatsimullu tunngatillugu misissuineq Deloittemit suliarineqartoq,
- Podio, tassaasoq ASA pillugu allaffissornikkut aqutsinermilu sakku,
- Kommune Kujallermi akiitsunik iluarsartuineq, INI A/S-imit ingerlanneqartoq,
- Acubizimut aningaasartuutit tassaasoq angalasimanermi akiligassanik isumannaarinermik aaqqissuussineq nutaaq,
- Ataatsimut aaqqissuussinernik inerisaanik atulersitsinerlu,
- Namminersorlutik Oqartussat pillugit HR-imi aaqqissuussinernut tunngasut aningaasartuutit.

Immikkoortoq a)-mut akissut aamma takuuk.

d) Suliassami kisitsisit ilanngunneqartut pillugit Naalakkersuisut nassuiaataat ataatsimiititaliamit kissaatigineqarpoq.

Akissut:

AIS2019-imi suliassami kisitsiseqanngilaq, kisiannili sulisutigut atuinissaq naatsorsuutigineqartoq ilaalluni. 2019-imi aningaasaliissutit ilaatigut naatsorsuutigineqarput nutserinermi atortup, SDL-ip kommuninut ineriartortinnissaa siuaruarternissaatalu ingerlatiinnarnissaa pingaartinneqarpoq.

Aammattaaq ASA kommunit peqatigalugit naatsorsuutitut tunngasut suleriaatsit ineriartortinnissaat pitsaaningortinnissaallu nangitsissaaq, taamaalilluni naatsorsuutit ERP-mi suliniummi siunniussanut aamma missingersuusiornermi naatsorsuusiornermilu inatsimmut naapertuutilerlutik.

5.18 Konto pingaarneq 20.30.09 Sulisunik utaqqiisaasumik najugaqartitsisarneq

a) Inissiat sorliit atorineqarsinnaatitaappat? Aammalu sumi inissisimappat?

Akissut:

Utaqqiisaasumik najugaqartitsinermik immikkoortorta q Namminersorlutik Oqartussani utaqqiisaasumik inissianik aqutsivoq aamma Nuummi sulisunut inissianut innersuussisarlu.

Sulisunut inissiat INImi aamma Illuummi sulisunut inissiatut immikkoortitaniit tunniunneqartarput. Inissiat illoqarfimmi tamarmi siaruarsimapput - Illuut annerusumik Qinngorpumi aamma INIp Nuummi aamma Nuussuarmi. Inissianut normut atorunnaarneqarnikuupput.

b) Ingerlatsinerit allat suuppat? Sulisut sisamat suut suliarisarpaat?

Akissut:

Ingerlatsinerit allaniipput ineqarnermut akiliutinit allaanerusut aningaasartuutit allat, tassunga ilanngullugit akissarsianut aningaasartuutit, pequtit pisattallu kiisalu kiffartuussinerit assigiinngitsut soorlu nutsernerit, eqqiaanerit, aserfallatsaaliinerit il. il.

Sulisunik atuinermi uku pineqarput:

- Siunnersorti ataaseq: Suliassa qarfirmik pingaarnertigut aqutsisoq, tassunga ilanngullugit inissianut allagartat, saaffiginninnerit innersuussinerillu
- Naatsorsuuserisoq ataaseq: Naatsorsuuserineq naatsorsuutillu
- Kiffartuussinermi sulisoq ataaseq: Assammik suliassat, tassunga ilanngullugit nakkutilliineq, piareersaaneq toqqortanillu passussineq
- Inatsisileritooq ataaseq: Naammagittaalliuutinut, apeqqutinut, malittarisassalianut il.il. inatsisilerinikkut sulianik suliarinnineq.

5.19 Konto pingaarneq 20.30.10 Illuutininik ingerlatsineq aserfallatsaaliinerlu

a) *Inatsisartoqarfimmi, Inatsisartut ataatsimiittarfianni aammalu Naalakkersuisoqarfimmi Aqutsisoqarfimnilu illup iluani silaannaap ajornartorsiutaanera oqoqarsinnaaneralu iluarsineqassasoq iluarsaasoqarnissaalu naatsorsuutigineqarpa? Illup iluani silaannaq kiisalu oqoqarnera siusinnerusukkut assut ajornartorsiutaasimavoq. Tamanna maanna qanoq malittarineqarlunilu nakkutigineqarpa?*

Akissut:

Illut Kiffartuussinerlu ingerlaavartumik illut iluini ajornartorsiutinik alaatsinaattuupput, tassunga ilanngullugu oquk. Illup iluani ajornartorsiuteqarnermik pasitsaassinermi ajornartorsiutip suunera annertussusialu paasiniarlugit suli annertunerusumik misissuisarnikkut qisuariartoqartarpoq, tamatumalu kingorna pisariaqartumik pitsanngorsaaneq aallartinneqarluni. Assersuutigalugu IA-p allaffii qanittukkut ozonimut salinneqarput printerilu nuunneqarluni.

Maannakkut illumi aappaluttumi silataani iluarsaassineq pillugu pilersaarut aallartinneqarpoq, pineqartumi illup iluani ajornartorsiutit paasineqartut iluarsineqarnissaat siunertaralugu.

Aammattaq Suliffimmik Nakkutilliisuniit saaffiginnittoqarnerata malitsigisaanik ASA-mi illup iluani ajornartorsiutaasinnaasunik qulaajaaneq aallartinneqarpoq.

Illut Kiffartuussinerlu sumiiffinni allani illup iluani ajornartorsiutinik paasisaqarsimangilaq.

b) *Konto sorleq Namminersorlutik Oqartussat illuutaannut matuma kontop assinga inissianut innuttaasunik nalinginnaasumik najugaqarfissatut sanaartukkanut atuuppa?*

Akissut:

Oqussimasunik iluarsaassineq konto pingaarneq 89.72.12 Inissialiassat Taartissanillu inissialiortiterneq nr. 996.31.043-imi ingerlanneqarpoq - Nuna tamakkerlugu oqussimasunik iluarsaassineq Namminersorlutik Oqartussat illuutaanni attartortittakkani Kalaallit Nunaanni tamarmi oqussimasunik iluarsaassinermit atornerarpoq kiisalu 060.31.037 - Oqussimasunik iluarsaassineq Nuummi inissianut najoqqutassatut taaneqartumut atornerarpoq, konto pingaarneq 89.72.12-imut akissummut eqqaaneqartut.

5.20 Konto pingaarneq 24.01.01 Akileraartarnermut Aqutsisoqarfik, allaffissorneq

a) *Qarasaasiakkut aqutseriaatsimik sulinermut ilanngaammik suliarinnissinnaasumik suliniuteqarnissaq kontomut matumunnga naleqquppa?*

Akissut:

Naalackersuisut isumaqarput sulinermut ilanngaat akileraarutitik aqutsinermut atatinneqarnerussasoq, taamaattumik taakkuninnga passussinermit aqqissuussineq Akileraartarnermut Aqutsisoqarfimmiinnissaa pissutissaqarluni. Taamaattorli naatsorsuutigineqartariaqarluni sulinermit ilanngaatip atulersinnera pisortani sulisitsisunilu aqqissuussinerni allani sunniuteqarumaartoq, soorlu aamma naatsorsuutigineqartariaqarluni akileraartarnikkut aqqissuussinerup ineriartornera missingersuutitut sinaakkusiussap matuma iluani isumagineqarsinnaassanngitsoq, inatsisit taakkuninngalu aqutsineq paasiuminaatsuunera pissutigalugu.

b) *Pisortatut aningaasarsiallit 14-it matumani naatsorsuutitut ilaasut piumasaqaatit suut malillugit toqqarneqartarpat? - Taakku ilinniakkatigut inatsisilerinikkullu sunik piginnaasaqassappat?*

Akissut:

Naalackersuisut isumaqarput Akileraartarnermut Aqutsisoqarfimmi pisortat, Akileraartarnermut Aqutsisoqarfimmi atorfeqartut allat assigalugit atorfinitsitsinermi kaajallaasitaq atuuttoq aallaavigalugu atorfinitsinneqartut. Tamanna pissusissamisoorpoq suliaasaqarfimmut naleqqiullugu piginnaasat Akileraartarnermut Aqutsisoqarfimmi atorfilinnut pingaartinneqarmata.

c) *Qarasaasiakkut pisariillisaalluni suliniutit suut ukiut kingulliit sisamat ingerlanneqartussatut eqqarsaatigineqarsimappat imaluunniit piviusunnngortinneqarsimappat?*

Akissut:

Akileraartarnermut Aqutsisoqarfiup ukiuni kingullerni ingerlaavartumik aqutsisoqarfiup suliaasaanik aqqiinnermi pisariillisaalluni suliaqarsimavoq. Pingaartumik innuttaasunik suliffeqarfinnillu atassuteqartarnerup digitalinngorsarnera salliutinneqarsimalluni. Innuttaasut taamaallaat sulinikkut akissarsiaqartut siumoortumik nalunaarsuinermit namminerlu nalunaaruteqartarnermut tunngatillugu qanoq iliuuseqartarunnaassapput, tassa paasissutissat attuumassuteqartut siumoortumik naqinneqareertarmata taamaattumillu taamaallaat innuttaasunit misissorneqartussaallutik.

Akileraartarnermut Aqutsisoqarfiup qupperneq sullissivik.gl-imi Akileraarutikka ingerlaavartumik ineriartortippaa, tassani siumoortumik nalunaarsuinermit nammineq nalunaaruteqarnermut inaarutaasumillu naatsorsuinerit nassaarinissaannut il.il. naleqqiullugu innuttaasut aallersinnaallutik, misissuisinnaallutik, nalunaaruteqarsinnaallutillu.

Akileraartarnermut Aqutsisoqarfiup sullissivik.gl aqutigalugu kontomiittuminnik innuttaasut nammineq aallersinnaanerannut periarfissamik inerisaavoq, taamaalilluni innuttaasut ataasiakkaat Akileraartarnermut Aqutsisoqarfimmik isumannaagassatik misissornissaannut periarfissaqalerlutik. Suliffeqarfiit ullumikkut sulina.gl-imi kontomiittuminnut aallersinnaareerput, peqatigisaanillu Akileraartarnermut Aqutsisoqarfimmut akileraarutitik A-nik nalunaaruteqartarlutik.

1. 2018-imi januarip aallaqqaataani suliffeqarfinnik nalunaarsuiffik GER CVR-imut nuutinneqarpoq. CVR-imi qitiusoq tassaavoq NemID atorlugu elektroniskimik nammineq kiffartuussinnaaneq. December 2020 tikillugu piffissami ikaarsaarfiusumi internetsimut periarfissaqanngitsunik Akileraartarnermut Aqutsisoqarfik nalunaarsugassaasunut ikiuutissaaq.

Aqutsisoqarfik akileraartarnermik aaqqissuussinermi NemPostip atulersinnissaanik suliaqarsimavoq, nassuerutigisariaqarluguli NemPostip siaruarsimanera (suli) iluatsissimannngitsoq, aningaasaqarnikkut pisariillisaanermik kinguneqarsimasoq. Akileraartarnermut Aqutsisoqarfik taamaattumik pinngitsoorani digitalikkut allakkanik nakkartitsisarfirmik eqqussinissamut qilanaarpoq, taamaalilluni innuttaasut tamarmik taamatut ittumik peqalerlutik, allakkat tassunga nassiunneqarsinnaallutik nassiunnerinilu innuttaasumik tiguneqartutut isigineqalersinnaallutik.

Tamatuma saniatigut NemID atorlugu Sullissivik.gl aqutugalugu nammineq kiffartuunnerup annerusumik atorneqarnissaa eqqarsaatigineqarpoq, taamaalilluni innuttaasut ataasiakkaat paatsuugassaannngitsumik kinaassusii paasineqartarlutik. Pisariillissanerulerneq anguniarlugu pingaarpoq pisortat tamarmiusutut innuttaasup kinaassusaanut NemID aqutsisoralugu nalunaarutit aaqqiinerillu atuilerlutik.

Aqutsisoqarfiup aamma naatsorsuutigaa qanittumi suliffeqarfiup NemID atorlugu suliffeqarfiit isersinnaalissasut, taamaalilluni digitalikkut neqerooruteqarnissamut periarfissaqarnerulerluni suliffeqarfinnullu aaqqiinerit qulakkeerlugit.

Siunissami suliniuteqarfiusussaq pingaaruteqartoq alla tassaavoq NemKontop aaqqissuussinerrulluunniit assingusup atulernerqarnissaa, innuttaasut suliffeqarfiillu tamarmik ataatsimik kontoqarlutik, pisortanit akiliinerit tassunga nuunneqarlutik. Tamatuma atulerneratigut pisortani immikkoortut tamarmik akiliisarnerat taakkuninngalu aqutsinerit pisariillisarneqarsinnaassaaq.

d) *Qarasaasiakkut aqutseriaaseq kingulleq qangarnisaava?*

Akissut:

Akileraartarnermut Aqutsisoqarfiup akileraarutininik akileeqqusinernik passussinermut qarasaasiakkut aqutsissutaa aallaqqaammut 2007-imi ineriartortinneqarpoq, ingerlaavartumillu pitsaanerulersikkiartorneqarluni, ineriartortinneqaqqilluni akileraartarnermullu tunngasuni ienriartornermut naleqqussarneqarluni. eAkileraarutini suliniutini anginerusuni kingulleq tassaavoq sulisitsisunik nalunaarsuiffimmik passussineq kiisalu soraarnerusiaqarnernut tunngasunik aqutsineq.

Akileraartarnermut Aqutsisoqarfiup suliassaasa ilai annertuut qarasaasiaqarnikkut Namminersorlutik Oqartussat aningaasaqarnikkut aqutsissutaatigut XAL-ikkut atorunnaarsikkiartorneqartumi ingerlanneqarpoq. Naatsorsuutigineqarpoq Akileraartarnermut Aqutsisoqarfiup suliassanik aaqqiinerata ilaa taanna 1. januar 2019-imiit aningaasaqarnikkut aqutsissummi Prisme-mi passunneqartalissasoq. Naatsorsuutigineqartariaqarpoq Prisme-mut ikaarsaarnerup kingunerissagaa annertuumik utaqqiisaasumik tunisassiornikkut annikilleriartoqassasoq, pingaartumik akiliisitsiniartarnermut nutaamut tunngatillugu, tassa annertuut piffissami ikaarsaarfiusumi assaannarmik suliarineqartussaammata.

e) *Akilerartarnermi akitsuusiisarnermilu suliassat Nuummi qullersaqarfik aqputigalugu kiisalu immikkoortortaqarfinni tallimani Qaqortumi, Nuummi, Maniitsumi, Sisimiuni Ilulissanilu suliarineqartartut paasissutissiissutigineqarpoq. Illoqarfiiit taaneqartut saniatigut akilerartarnermut allaffiit amerlineqarnissaannut periarfissaqarpa?*

Akissut:

Soorlu konto 24.01.01-imi ilisimatitsissutigineqartoq akilerartarnermut aqutsisoqarfiup allaffiisa inississimaffii illoqarfinni innuttaasut inuussutissarsiortullu amerlanerpaallutik katersuuffii tunuliaqutaralugit pisimavoq. Tassani innuttaasut saaffiginnittarnerinik passussineq immikkut isiginiarneqarpoq. Ingerlaavartumik akilerartarnermi allaffiit inississimaffii nalilersorneqarput, Naalakkersuisulli misilittagaralugu pingaartumik allaffiit ikitsunik sulisoqartut imminut akilersinnaanngitsut, soorlu aamma suliatigut piginnaasat katersornissaat allaffinni mikisuni sapernartoq.

f) *Sooq Ålborgimi marlunnik allaffeqarlunilu Københavnimi sinniisoqarfimmi ataatsimik sulisoqarpa?*

Akissut:

Akilerartarnermut Aqutsisoqarfik ullumikkut Danmarkimiit suliassanik aalajangersimasunik suliaqartarpoq. Ukiut kingulliit 25-it missaanni eqqussinermi akitsuutinik akileeqqusinermit tunngasut Aalborgimi Kalaallit Nunaannut umiarsualivimmit aaqinneqartarsimapput, soorlu aamma Kalaallit Nunaannut tikittunut nuuttunullu akilerartarnermi ilitsersuussineq kiffartuussinerlu, aamma Kalaallit Nunaanni danskinik sulisitsisunik aqutsineq ukiuni kingullerni 25-imi Københavnimi Kalaallit Nunaata Sinniisoqarfianit isumagineqarsimasoq.

Tamatuma saniatigut aqutsisoqarfiup akilerarusiisarnera ilaa annikigisassaanngitsoq, kukkunersiuneq aamma kalaallit nunaanni suliffeqarfinnik ingerlatsivinnillu nakkutilliineq 2009-mili Aalborgimi allaffinniit isumagineqarsimalluni.

Pingaartumik akilerarusiinermit, kukkunersiunermit nakkutilliinermit tunngasut suliassanut atuulluni Akilerartarnermut Aqutsisoqarfik suliassani piumasarineqartunik akilerartarnermi immikkut piginnaasaqartunik sulisussarsiornermik ajornartorsiuteqarsimasoq.

g) *Illoqarfiiit anginerit illoqarfillu sinneri qanoq innutalersugaasarpat? Suliassaqarfimmi matumani il.il. kikkut biileqartitaallutillu ajunngitsorsiasaqaartitaappat? Illoqarfiiit sinnerini nakkutilliinermit ingerlatsineq qanoq ippa?*

Akissut:

Akilerartarnermut Aqutsisoqarfik illoqarfinni ukunani imatut inuttai agguarsimapput:

Ilulissat	inuit 8
Sisimiut	inuit 10
Kangerlussuaq	inuit 2
Maniitsoq	inuit 20
Nuuk	inuit 73

Qaqortoq	inuit 7
Aalborg	inuit 8
København	inuk 1

2017-imi Nuummi allaffimmiut sisamat tamakkiisumik ilaannakuusumilluunniit akeqanngitsumik biileqartinneqarsimapput. Aqutsisoqarfimmi pisortap saniatigut allaffimmiut arfinilli piffissami tassani akeqanngitsumik oqarasuaateqartinneqarsimapput.

Akilerartarnermut Aqutsisoqarfik ingerlaavartumik nunami illoqarfiit amerlanersaanni nakkutilliisarpoq. 2017-imi Akilerartarnermut Aqutsisoqarfik nunami illoqarfimmi tamaniissimavoq, Ittoqqortoormiit minillugit. Nakkutilliinermi annerusumik sammineqartarput sulisitsisunik nakkutilliineq, kukkuneruilluni pulaarnerit, pisortanut akiligassanik kinguaattoorutiniq akileeqqusineq kiisalu eqqussuinermit akitsuutitut aamma nioqutissanik eqqussoqquusaanngitsunut atatillugu nakkutilliineq.

5.21 Konto pingarneq 24.01.15 Pisassanut allanut siusinnerusukkut isumakkiikkanut akiliutit

a) *Kommune Kujallermit akiitsut pillugit siunnersuinermit suliniutimmi misilittakkat Naalakkersuisut Ilangaassivimmut, inuttaasunit annertunerusumik taperserpeqaranilu akiitsunik akiliisitsiniartarnermut siuarsaataanngitsumut tunngatillugu isummersuutaannut qanoq sunniuteqassappat?*

Akissut:

Akiitsut pillugit siunnersuinermit suliniut akiligassani akilinngisat ikilisinniarlugit suliniutitut kinguneqarluartuusimavoq. Taamaattorli suliniut taanna kisimiissinnaanngilaq.

Ullumikkut akiligassatigut akilinngisani unamminartut annertooujussuit aaqqiiffiginissaannut suliniutit arlallit pisariaqarput. Ilangaassivik taamatut suliniutaasinnaavoq, annerusumik ullumikkut akiligassanut akileqquneqartarnerannut akuliulluni allannguisinnaasoq, taamaalilluni sulineq taanna ingerlaannarnerusumik ingerlalerluni kinguneqarluarnerusumillu ingerlalerluni.

b) *Isertitaqarnissamik naatsorsuutiginninneq tamatumunnga qanoq attuumassuteqarpa?*

Akissut:

Ilangaassivik, soorlu amerlasuut kukkusumik taamatut isumaqartut, tassaannngilaq akiliisitsiniartarfik, kisiannili akileeqqusinermit aaqquissuussineq pisortanut akiligassat, assersuutigalugu ineqarnermut akiliutit, akissarsiasat pineqartup kontoanut ikineqartinnagit akilerneqartarnissaannik qulakkeerisoq.

Tamatuma kinguneriarussaavaa akiligassani akilinngisaat nutaat akiliisitsiniartarfimmut apuuttannginnissaat, peqatigisaanillu akiligassani akilinngisani pioreersuni akiliisitsiniarnermut piffissaqarnerulerluni.

Ullumikkut pissutsit tassaapput naak aningaasarpasuit akiliisutaasaraluartut akiligassani akilinngisani tamarmiusut apparneq ajorput, tassa ukiup ingerlanerani akiligassani akilinngisat taamaaqataat takkuttarmata.

Tassani isertitassanik missiliuineq pineqarpoq, tassa maannakkut akiligassani akilinngisanik akileeqqusinnissamat periarfissamat apeqqutaamat ataasiakkaat akiitsoqartut isertitatigut atugaat, taamaattumik missiliuineq ilaatigut nalorninartoqarluni.

Soorlu siusinnerusukkut takuneqarsimasutut qularnanngitsumik assinganik ineriartortoqassaaq ukiuni siullerni aningaasat annertuut akilerneqarneri iluatsinneqarlutik, tamatumalu kingorna aningaasat apparlutik "naatitat oqinnerpaat" tiguneqarneri naapertorlugit.

5.22 Konto pingaarneq 24.01.20 Akileraarutinut akiliisitsissutit

Unioqqutitsinerit taaneqartut nakkutigineqarnerat qanoq isumagineqartarpa?

Akissut:

Konto pingaarneq 24.01.20-mut missingersuutini erseqqissaanermi soorlu takuneqarsinnaasoq akiliisitsissutit pillugit suliat annertuutigit immikkoortunut marlunnut avinneqarsinnaapput. Ilaatigut akileraartartoq eqqunngitsunik salloqittaasunillu paasissutissanik tunniussisimasinnaavoq, ilaatigut sulisitsisup uninngatitsinissamat pisussaaffini eqqortissimanagu uninngatitsinani imaluunniit (marluutillugilluunniit) akileraarutit A-t aamma/imaluunniit sulinermut akitsuut akilersimanagu.

Siullertut taaneqartumik nakkutilliineq annerusumik ukiumoortumik akileraarusiinermit atatillugu pisarpoq. Allaffissornikkut ukiut tamaasa akileraarusiinnissamat pilersaarutit taaneqartoq saqqummiunneqartarpoq, akileraarusiinermit immikkut isiginiarneqartussanut sinaakkusiisoq, assersuutigalugu isertitat B-t immikkut isiginiarneqarnissaat soorlu ajunngitsorsiasat akeqanngitsut il. il.

Sulisitsisunik nakkutilliineq nalunaarutigineqartunik akilerneqartunillu allaffissornikkut nakkutigineqarput, kiisalu sulisitsisuni taakkulu siunnersortaanni nakkutilliartortoqartarluni.

5.23 Konto pingaarneq 24.01.21 Akitsuutinut akiliisitsissutit

Aqqusinermit nioqqutissanik akitsuuteqanngitsunik tuniniaaneq aamma nioqqutissanik akitsuusigassaatitaasunik nassiussuineq nakkutigineqarpat?

Akissut:

Akileraartarnermit Aqutisoqarfik nioqqutissanut akileraaruserneqartussanut naleqqiullugu killeqarfimmi aallaaviatigut misissuisarpoq. Tassa imaappoq: Nunap killeqarfiani nioqqutissani eqquusuineq annissuinerlu, assersuutigalugu umiarsualivinni mittarfeqarfinnillu nunanut tamalaanut timmisartorfiusunut. Tunisat allatigullu nassiussatigut pinerluttulianik (ilimagisanik) paasiniaaneq, taamaallaat nunap killeqarfiata iluani ingerlanneqartoq aallaaviatigut Kalaallit Nunaanni politiinit isumagineqarpoq.

5.24 Konto pingaarneq 24.10.10 Nuna tamakkerlugu akileraarut

Mittarfissani nutaani sulisut akileraarutinik ilanngaateqanngitsunik taamaallaat akiliisassappat?

Akissut:

Aallaaviatigut Kalaallit Nunaanni akissarsiaqartut akileraartarnermi malittarisassat nalinginnaasut malillugit akileraaruserneqartarput; apeqqutaatinnagu mittarfinni nutaani sulinersut imaluunniit sulinnginnersut. Akileraarutit ilanngaateqanngitsut pingaarnertut malittarisassamut tassani immikkut aaqiineruvoq.

Immikkut piunasaqaatit arlallit naammassineqarsimassapput inuk ataaseq akileraarutitut ilanngaateqanngitsunut ilaassappat. Tamatuma saniatigut mittarfeqarfinnut sulinikkut atassuteqarnissaq naammangilaq. Pissuseq ilaatigut akissarsianit akileraarutit pillugit Inatsisartut inatsisaanni malittarisassaqaartinneqarpoq. Inatsisartut inatsisaanni § 72 a, imm. 1-imi oqaaseqatigiit siulliit imatut oqaasertaqarput:

“§ 72 a, Inuit § 68, imm. 2, nr. 7 naapertorlugu akileraartussaataasut atorfeqartitaanermiinnut atatillugu ingerlatani sulianik, sanaartornermi sulianik aammalu ikkussuinermik ivertiterinermilu illoqarfiit nunaqarfifillu piusut avataanni sanaartornermi suliaqartut, aammalu qaammatip siuliini arfinilinni kingullerni nunami maani kommunimut akileraartussaataasimangitsut, atorfeqartitaanermi aningaasarsiaminnit Nunatta karsianut 35 procentimik inaarutaasumik akileraassapput (tamakkiisumik akileraarut).

Malugineqassaaq mittarfimmi atorfinitsinneqarnermini isertitani allaanerusunik allat isertitai akileraaruteqartussaappata akissarsiat taakku akileraarutitut ilanngaateqanngitsunut ilaassanngillat, taarsiulluguli akileraartarnermi malittarisassat nalinginnaasut malillugit akileraaruserneqassallutik.

5.25 Konto pingaarneq 24.10.11 Nuna tamakkerlugu immikkut akileraarut

Pituffimmut tunngatillugu ineriartorneq konto pingaarnermut matumunnga sunniuteqartussatut naatsorsuutigineqarpa?

Akissut:

Pituffik pillugu amerikamiut aalajangersimasunik pilersaaruteqarnerannik Naalakkersuisut ilisimasaqanngillat. Taamaattumik taamaallaat ilisimatitsissutigineqarsinnaalluni Pituffimmi ineriartorneq qularnanngitsumik nuna tamakkerlugu immikkut akileraarutitut iluanaarutitut sunniuteqassasoq.

5.26 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfiutaat

a) Ingerlatseqatigiiffiit akileraarutaata appartinneqarnissaanik pilersaarutit qanoq ippat?

Akissut:

Soorlu § 37 tunngavigalugu apeqqummut nr. 2018-194-imut akissummi ilisimatitsissutigineqartoq Aningaasaqarnermut siusinnerusukkut Naalakkersuisoq ingerlatseqatigiit akileraaruteqartarneranni allannguissamut periarfissanik paasiniaalluni sulinermik aallartitsisimavoq.

Sulineq taanna nanginneqassaaq suliassat allat eqqarsaatigalugit, naak Naalakkersuisumik nutaamik ikkuttoqaraluartoq. Sulinermit tassunga erseqqinnerusumik piffissaliussamik Naalakkersuisut suli aalajangersaasimangillat.

Inuussutissarsiuteqartut pillugu sinaakkusiussat pilerinartuunissaannik suliaqarnissaq Naalakkersuisut politikkeraat. Tamanna suliffeqarfiit aningaasaliisarnerillu Kalaallit Nunaanni aalajangiussimanissaannut kajungilertinnissaannullu pingaaruteqarpoq. Ingerlatseqatigiiffiit akileraarutaannik appartitsineq assersuutigalugu sipaaruteqarnerit akileraarutinilu tunngaviusut annertusinerisigut aningaasalersuinerit pisariaqartut pissarsiarinerinut tulluarsameqassaaq.

b) *Ingerlatseqatigiiffiit Namminersorlutik Oqartussanit tamakkiisumik ilaannakortumilluunniit pigineqartut isertitaat kiisalu ingerlatseqatigiiffiit namminersortitat sinneqartoortaat qanoq agguataarneqartarpat?*

Akissut:

Tamakkiisumik ilaannakuusumilluunniit ingerlatseqatigiiffiit namminersorlutik oqartussanit pigineqartut ingerlatseqatigiiffiit iluanaarutinillu akileraarutinut iluanaarutit taamaallaat nunatta karsianut tutsinneqartarpat. Suliffeqarfiit namminersortitat toqqaannartumik aningasanut inatsimmut ilaapput aamma akileraaruteqartussaantik.

c) *Ingerlatseqatigiiffinni nutaaliornissaq, ineriartortitsinissaq annertusaanissarlu kiisalu atorunut nutaanut il.il. aningaasaliinissaq ingerlatseqatigiiffiit akileraarutaannit qanoq sunnerneqartarpat?*

Akissut:

Tamakkiisumik ilaannakuusumilluunniit namminersorlutik oqartussanit pigineqartut ingerlatseqatigiiffiit Kalaallit Nunaanni aktiatigut piginneqataaffiusullu ingerlatseqatigiiffiit allat assigalugit akileraartarnermi malittarisassaqarpat.

Iluvoorpoq tamakkiisumik ilaannakuusumilluunniit namminersorlutik oqartussanit pigineqartut ingerlatseqatigiiffiit akileraartarnermi malittarisassanik allanik oqinnerusunillu atugaqartinneqaraluarpata, ingerlatseqatigiiffiit taakku ullumikkumut naleqqiullugu nioqqutissiaminnik kiffartuussinerminnillu akikinnerusumik tunisisinnaassagaluarput, aningaasallu amerlanerusut aningaasaliinernut assigisaannullu atorsinnaallugit.

d) *Tamatuttaaq; ingerlatseqatigiiffiit sullississutaannut atuisut aningaasartuutaannut apparsaatitut isertitat qanoq agguataarneqartarpat?*

Akissut:

Naalakkersuisut apeqqut iluamik paasinngilaat. Ingerlatseqatigiiffiit akileraarutinik akiliutaannit isertitat Nunatta Karsiani isertitat allat assigalugit inissisimapput aamma aningaasanut inatsimmut tamarmiusumut atatillugit pingaartinneqarlutik ilaatigut innuttaasunut sammisumik akiliutinut ingerlatanullu assigiinngitsunut.

5.27 Konto pingaarneq 24.11.10 Nioqqutissanik eqqusuinermi akitsuutit

a) *Hybridbilinut akitsuusiinissamik pilersaarutit qanoq ippat?*

Akissut:

Qamutit motoorillit akileraarutaat pillugit Inatsisartut inatsisaata allanngortinneqarneranik inatsisartut inatsisaata aamma eqqusuinermi akitsuutit pillugit inatsisartut inatsisaata allanngortinnissaat pillugu UKA 2018/197-imut aamma 198-imut siunnersuutitut saqqummiunneqartunut innersuussisoqarpoq.

Siunnersuutit taakku marluk siullermeerneqarneranni hybridbilinut siunnersuutit kingunissaat ilaatigut arlalinnit isornartorsiorneqarpoq. Isornartorsiuineq suliassami Naalakkersuisut eqqarsaasersoqqinnerinut ilaatinneqassapput.

b) *Nioqqutissanik eqqussuinnermut akitsuutitut Brexit qanoq sunniuteqassava?*

Akissut:

Naalakkersuisut maannakkut apeqqummut akissuteqarsinnaanngillat, tassa Tuluit Nunaata EU-mit anianiarnera pillugu isumaqatigiinniarnert suli naammassineqanngimmata. Taamaattumik maannakkut Kalaallit Nunaannut kinguniusinnaasut pillugit oqaaseqartoqarsinnaanngilaq.

Taamaattorli naatsorsuutigineqarlutik Brexitimit Nunatta Karsiata eqqussuinnermi akitsuutiniit akitsuutitigut isertitaanut toqqaannartumik sunniuteqassanngitsoq.

c) *Sukkunik eqqussuinnermi akitsuummik atuutilersitsinnermi siunertaq anguneqartoq Naalakkersuisut isumaqarpat?*

Akissut:

Aap.

5.28 Konto pingaarneq 24.11.11 Qamutitut motoorilinnut akitsuutit

a) *Akitsuutit assigiinngitsut ataanni qamutit motoorillit eqqussukkat amerlassusiannut takussutissiaq ataatsimiititaliamit kissaatigineqarpoq.*

Akissut:

Qamutit motoorillit eqqussukkat amerlassusaat oqimaassutsikkut allanngorartuni uuttuutini naatsorsorneqarneq ajorput, kisiannili 2017-imi eqqunneqartutut nalunaarsorneqartut qamutit motoorillit imatut agguarsimallutik:

Qamutit motoorillit 331-it 1.000 kg inorlugit oqimaassusillit.

Qamutit motoorillit 117-it 1.001 kg-imit 1.200 kg-imut oqimaassusillit.

Qamutit motoorillit 177-it 1.201-mit 1.500 kg-imik oqimaassusillit.

Qamutit motoorillit 86-it 1.501 kg-imit 1.800 kg-imut oqimaassusillit.

Qamutit motoorillit 81-it 1.800 kg sinnerlugit oqimaassusillit.

b) *Konto pingaarneq una aammalu konto pingaarneq 20.11.51, aqqissuusseqqinnerit sunniutaannut tunngasoq, biilinit akitsuutinik iluarsaaqqinnermi suliassami kisitsisinut tunngatillugu imminnut ataqatigiippat?*

Akissut:

Ataqatigiittoqarpoq, kisianni konto pingaarnermut 20.11.51-imut suliassami kisitsisinut takuneqarsinnaalluni allanut naleqqiullugu siunnersuutit iluanaarutitut sunniuteqassanngitsut.

5.29 Konto pingaarneq 24.11.12 Raajanut akitsuutit

a) *Akitsuuteqarfik una Naalakkersuisut aaqqissuuteqqinniarpaat aammalu akitsuutit pisarineqartunut sanilliullugit pitsannqorsarneqarniarpat?*

Akissut:

Aalisarnermi pisuussutinit iluanaarutit pillugit aaqqissuuseqqinneq Naalakkersuisunit naammasseqqammerneqarpoq tassani akitsuutit pillugit inatsit nutaaq ulloq 1. januar 2018-imi atuutilerluni. Inatsimmi akitsuutini nutaani suleqatigiissitamiit kaammattuutini aallaaveqarput, tassaniillutik naalakkersuisoqarfiit, aqutsisoqarfiit aalisarnermillu inuussutissarsiuteqartut attuumassuteqartut, soqutigisaqatigiit kattuffiit aamma aningaaseriviit, sulinertik april 2017-imi naammassillugu nalunaarusiaq "kalaallit nunaanni aalisarnermi pisuussutinit iluanaarutit pillugit nassuiaat".

UKA18-imi inatsisip allanngortinnissaanut Naalakkersuisut siunnersuummik saqqummiussinerat pisat annertussusaannut inatsimmi akitsuutini akigititat tulluarnissaattut isigineqassaaq.

b) *Raajanut akitsuutip annikillisinneqarsinnaanera imaluunniit sinerissamut qanittumi raajarniarnermi aalisariutinik nutarterinermut aningaasaleeqqinnermut atatillugu ilanngaatigineqarsinnaanera Naalakkersuisunit qanoq isumaqarfigineqarpa?*

Akissut:

Raajanut akitsuut ullumikkut aningaasartuutit allat assigalugit ilanngaatigineqarsinnaavoq, taamaattumik Naalakkersuisut apeqqut iluamik paasinngilaat.

Sinerissami qanittumi aalisarnermi raajanut akitsuutip appartinnissaanut maannakkut Naalakkersuisut pilersaaruteqanngillat. Sinerissamut qanittumi raajarniarnermi raajanut akitsuut siullermik ulloq 1. januar 2018-imi eqqunneqarpoq. Raajanut tunineqartunut akitsuut appassisumik inissinneqarsimavoq aalisariutit angallatini nutaani aningaasaleeqqissinnaanerannut periarfissaqartinniarlugit.

c) *Tassunga atatillugu sinerissap qanittuani aalisarnermi aalisartut qassiunerisa paasissutissiissutigineqarnissaa ataatsimiititaliamit kissaatigineqarpoq.*

Akissut:

2018-imi sinerissamut qanittumi raajarniarnermi raajanut akuersissutit 19-iupput. Katillugit angallatit 19-it sinerissamut qanittumi akuersissuteqarlutik aalisarput katillugit inuit 390-it sulisoralugit.

d) *Sinerissap qanittuani aalisarnermi isertitaqartarnermut pissutsit paasissutissiissutigineqarnissaat ataatsimiititaliamit kissaatigineqarpoq.*

Akissut:

Isertitaqarnissamut pissutsit ukiuni makkunani nalinginnaasumik pitsaasuupput. Ingerlatseqatigiiffiit naatsorsuutaannut www.crv.dk-mi tamanit takuneqarsinnaasunut Naalakkersuisut innersuussissapput.

Sinerissamut qanittumi raajarniarnermi angallatit angissusaanni annertuumik nikingasoqarpoq, mikineq 17 meteriulluni anginersaallu 81 meterit missaaniilluni. Aammattaaq angallatit ilai pisamik ilaannut toqqaannartumik avammut niuerutiginnissaannut akuerisaallutik.

Kalaallit nunaanni aalisarnermi pisuussutinit iluanaarutitigut akitsuutit nutaat ineriartortinnerannut tunngasumi suleqatigiissitamut atatillugu, april 2017-imi sulinerminik naammassinnittumut, nammineq tunisassiunngitsunut sinerissami qanittumi raajarniutit ilaanni aningaasarsiorneq naatsorsorneqarpoq, tassa imaappoq pisaminnik 100 pct.-imi tunisisartut. Naatsorsuinerit, sinerissami qanittumi raajarniutit 15-it 2015-imi aningaasaqarnerannik tunngaveqartut takutippaat 300 mio. kr.-t missaannik ataatsimut kaaviiartitsisoqartoq aamma 84 mio. kr.-nik sinneqartoortoqartoq. Tamanna 30 pct.-imi sinneqartoorsinnaanermik aamma aningaasaliinermi 33 pct.-imik iluanaaruteqarsinnaanermik takutitsivoq.

Agguaqatigiissillugu angallatit ataasiakkaat tamarmik 20 mio. kr.-t missaannik isertitaqarput aamma 6 mio. kr.-nik sinneqartoorteqarlutik. 2016-imut aamma 2017-imut assinganik naatsorsuisoqarsimanngilaq, pisassiissutilli ukiuni taakkunani marlunni qaffassimallutik. Taamaattumik naatsorsuutigineqarpoq sinerissamut qanittumi raajarniutini isertitatigut pissutsit 2015-imili qaffassimassasut naatsorsuutigineqarput.

e) *Sinerissap qanittuani aalisartut pisortanut qanoq amerlatigisunik akiitsoqarnerisut paasissutissiissutigineqassasooq ataatsimiititaliamit kissaatigineqarpoq.*

Akissut:

Ingerlatseqatigiiffiit akiitsui naatsorsuutinit takuneqarsinnaapput, kisianni Naalakkersuisunit ilimagineqarluni ataatsimiititaliap tassani ingerlatseqatigiiffiit pisortanut akiligassatigut akilinngisaat eqqarsaatigineqartut. 2018-imi tunisisimasut arlaannaalluunniit Akileraartarnermut Aqutisooqarfiup akiliisitsiniartarfiani nalunaarsugaanngillat.

f) *Aalisartut siuliani taaneqartut pisortanut akiitsoqarnerat nunami inuussutissarsiuteqartunut Naalakkersuisut qanoq sanillersuussinnaavaat?*

Akissut:

Akiligassani akilinngisat pillugit ajornartorsiummut naleqqiullugu Naalakkersuisunit tamanna pitsaasutut isigineqarpoq.

5.30 Konto pingaarneq 24.11.13 Umiarsualivimmiinnermut akileraarutit

a) *Matumani akileraarut nunatsinni umiarsualivinnut tamanut atuuppa?*

Akissut:

Naamik, umiarsualivimmiinnermut akileraarut umiarsuit akileraaruteqartussat umiarsualivinnut ukununga aqqusaarnerini akileqquneqartarput: Qaanaaq, Upernavik, Uummannaq, Qeqertarsuaq, Ilulissat, Qasigiannugit, Aasiaat, Kangaatsiaq, Sisimiut, Kangerlussuaq, Maniitsoq, Nuuk, Paamiut, Narsaq, Narsarsuaq, Qaqortoq, Nanortalik, Tasiilaq aamma Ittoqqortoormiit, Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaat nr. 5, 7. marts 2003-meersumi § 1 malillugu.

b) *Umiarsualivimmiinnermut akileraarutininik akiliisarnissaq aammalu nioqqutissanik allanillu nalilinnik soorlu ujaqqanik eqqussuineq annissuinerlu eqqarsaatigalugit angallatinik tingerlaatilinnik umiarsuarnillu takornariartaatinik nakkutilliinnermut maleruagassat atuuttut suuppat?*

Akissut:

Nioqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumik tunngaveqarluni nakkutilliineq ingerlaneqarpoq. Umiarsulivimmiinnermut akileraarut umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq malillugu akileqquneqartarpoq.

Piviusumik imatut ingerlasarpoq umiarsualivimmiinnermut akileraarut aamma umiarsuarnullu takornariartaatinut ilaasunut akitsuut Akileraartarnermut Aqutsisoqarfik sinnerlugu umiarsualivimmi oqartussanit akileqquneqartarpoq.

c) *Nakkutilliinerit taaneqartut nunatsinni tamarmi ingerlanneqartarpat?*

Akissut:

Aallaaviatigut nunami tamarmi nakkutilliisoqartarpoq, taamaattorli isernissaq imaluunniit Kalaallit Nunaanni akitsuuseriffiusumiit aallarnissaq siunertaralugu nakkutilliisoqartarluni.

Akileraartarnermut Aqutsisoqarfik nakkutilliineri suliniutit pitsaanerulernissaannut ataavartumik suliaqarpoq tamannalu tunuliaqutaralugu akitsuuserineri periusissiaq "Inussuk" suliarineqarluni, ilaatigut suliaqarfimmi unamminartut illuatungilerniarlugit.

Periusissiaq aallaavigalugu tulluarsakkamik akissuteqarnissaq siunertaralugu suliaqarfimmi paasissutissanik katersinerup pitsaanerulernissaa Akileraartarnermut Aqutsisoqarfimmit aallunneqarpoq, kiisalu oqartussanik suleqatigisanillu allanik suleqateqarneq annertusineqarluni, tassunga ilanngullugit Umiarsualivinni oqartussat, Issittumi Sakkutuut kiisalu Pinngortitamut Avatangiisinullu Naalakkersuisoqarfik kiisalu Aatsitassanut Aqutsisoqarfik.

Akitsuuserineri nakkutilliinissamik tassangaannartumik pisariaqartitsisoqalernera akueriniarlugu, assersuutigalugu umiarsualivimmut umiarsuarmik tingerlaataannalimik nalunaaruteqaqqaarani tikittoqarnerani, Akileraartarnermut Aqutsisoqarfimmi atorfeqartoq nakkutilliineri sulisup najuuffiginngisaani, Akileraartarnermut Aqutsisoqarfiup suleqatigisaanik atuinikkut nakkutilliineq naammassiniarneqartarpoq, assersuutigalugu Tele-Post. Tassani tamatumunnga akuerineqarsimasumik sulisumit nakkutilliineq ingerlanneqassaaq.

d) *Umiarsuit takornariartaatit umiarsuarmi aserfallatsaaliinnermut qanoq annertutigisumik tapeeqataasarpat?*

Akissut:

Aningaasanut inatsisissatut siunnersuut ilisimaneqartutut ilanngaateqanngitsumik tunngavik malillugu aningaasartuutini missingersuusiorderni aamma isertitanut missingersuusiorderni agguarneqartarpoq. Aningaasartuutitut missingersuutini ingerlatsineri tunngasuni aningaasartuutit isertitalu tamarmik allatorneqartarput. Isertitanik missingersuusiorderni Namminersorlutik Oqartussanut annerusumik tapiissutit aamma akileraartarnikkut akitsuutitigullu isertitat allatorneqartarput.

Piviusumik Akileraartarnermut Aqutsisoqarfik akileraarutit akitsuutitigullu isertitassanik akileeqqusisarpoq, aningaasartuutinillu atuneq aningaasanut inatsisissamat siunnersuummi ingerlanneqartarluni. Umiarsuit takornariartaatit 2017-imi akitsuutini katillugit 4.603.000 kr.-nik akiliipput. Umiarsuit takornariartaatit

umiarsualiviit aserfallatsaaliernerinut tapertaanerat taamaattumik immikkut naatsorsorneqarneq ajorpoq.

Namminersorlutik Oqartussat umiarsualiviinik iluarsaassineq aserfallatsaaliinerlu sanaartornermi konto 87.73.12 Umiarsualivinni talittarfinnilu aningaasaleeqqinneq aqutigalugu aningaasalersorneqarput, tassani ukiumut 27,7 mio. kr.-t immikkoortinneqartarlutik.

e) *Umiarsuit takornariartaatit nunatta imartaani orsussamik kinertumik heavy fuelimik atuinerat Naalakkersuisunit ilisimasaqarfigineqarpa?*

Akissut:

Orsussamik qanoq atuinertik pillugu umiarsuit takornariartaatit ilisimatitsinissaannut piumasaqaateqanngilaq. Januar 2020-mit umiarsuit HFO-mik atuisut silaannarmut aniatitsinerannik saliisarnissaannut International Maritime Organizationip piumasaqaatini sukatissavai.

f) *Umiarsualivinnik aserfallatsaaliinissat suut Naalakkersuisunit pilersaarutigineqarpat?*

Akissut:

Umiarsualiviit pillugit 2017-2027-imut ingerlataqarfimmi pilersaarut 2017-imi ukiakkut ataatsimiinnermi Naalakkersuisunit akuerineqarpoq. Ingerlataqarfimmi pilersaarut pisumi tassani Inatsisartunut agguanneqarpoq.

Ingerlataqarfimmi pilersaarut nunami umiarsualiviit pillugit aserfallatsaaliinissamut iluarsaassinissamullu periusissiamik imaqarpoq. Periusissiami tassani nuna immikkoortunut tallimanut agguarneqarpoq: Kujataa, Tunu, Qeqqa, Qeqertarsuup Tunua aamma Avannaa.

Ukiut tamaasa nunap immikkoortuini ataatsimi iluarsaassisoqartarpoq, allamilu qanoq ittuuneranik nalunaarsuisoqartarluni. 2018-imi Avannaa assersuutigalugu iluarsaassiffigineqarpoq, Kujataalu qanoq issusianik nalunaarsuiffigineqarluni. Ukiup tulliani nunap immikkoortua ataaseq qanoq ittuuneranik nalunaarsuiffigineqarsimasoq iluarsaassiffigineqarluni suliffigineqassaaq.

2019-imi Kujataa taamaalilluni iluarsaassiffigineqassaaq nunallu immikkoortua alla qanoq ittuuneranik nalunaarsuiffigineqassalluni.

g) *Umiarsuit takornariartaatit akileraarutaat qanoq aqutsivigineqarpat?*

Akissut:

Umiarsualivimmiinnermi akileraarut, tassunga ilanngullugu umiarsuarnit takornariartaatinit akileraarutit Umiarsualivimmiinnermut aamma umiarsuit takornarianik angallassitutit ilaasunik angallassinernannut akileraarutit pillugit Namminersornerullutik Oqartussat nalunaarutaat nr. 5, 7. marts 2003-meersumi § 1-imi allatorneqarsimasunut umiarsualivinnut umiarsualivimmi oqartussanit sumiiffinniittunit aqunneqarlutillu akileqquneqartarput. Pisuni amerlanerani taanna tassaavoq Royal Arctic Line A/S, kisiannili assersuutigalugu Nuummi tassaalluni Sikuki Nuuk Harbour A/S.

5.31 Konto pingaarneq 24.11.15 Eqquiniaasitsinermi akileraarutit

a) *2017-imi aningaasaliissutit 8.000.000 kr.-upput, ukiorli taanna naatsorsuutini takutinneqartut 4.481.110 kr.-ullutik. Pissutsit taamaannerannut suna pissutaava?*

Akissut:

Aallarniutigalugu malugineqassaaq kontomi pingaarnermi matumani aningaasaliissutit 2017-imi 6,0 mio. kr.-ummata 8,0 mio. kr.-unatik.

Eqquiniaasitsinermi akileraarutinit iluanaarutit taamaattumik ukiuit kingulliit ingerlaneranni appariartorsimapput. Naalakkersuisut naliliipput tamatumunnga pingaarnertut pissutaasoq tassaasoq internetsimi pinnguaatinut periarfissat annertusisimaneri.

b) *Ikisilluni aningaasanoorutit ukiuni kingullerni illoqarfinni qanoq ineriartorfiusimappat?*

Akissut:

"Ikisilluni aningaasanoorutit" amerlassusaat ukiut ingerlanerani appariartorsimapput, siusinnerusukkut ikisilluni aningaasanoorutit 200-t missaaniissimallutik maannakkut 2018-imi 120-t missaaniillutik. Kisitsit taanna ukiuni kingullerni tallimani allanngorpiarsimangilaq.

c) *Taakkunanga isertitat atornerluisunik katsorsaannermut atorreqartarpat?*

Akissut:

Naamik, akileraarutininik akitsuutiniillu iluanaarutit sumut atornissaat aalajangingaangilaq, takuuk apeqqut 5.30 d-mut akissut, taamaattumik oqartoqarsinnaangilaq aningaasanoornermiit isertitat aamma assersuutigalugu aningaasanoornermik pinngitsuugaqarsinnaangitsunik katsorsaannermut aningaasartuutit akornanni ataqatigiittoqartoq.

5.32 Konto pingaarneq 24.11.22 Sulisoqarnermut akitsuut

Isertitat taakku, matumani nassuiaatini taaneqartut saniatigut, sunut allanut atorreqartarpat?

Akissut:

Sulisoqarnermut akitsuummiit iluanaarutit missingersuutininut aningaasaliissutini allanneqartuni aningaasanut inatsisissamut siunnersuummi immikkoortinneqartunit aningaasat ikinnerupput.

5.33 Konto pingaarneq 24.11.25 Qaleralinnut akitsuut

Qalerallit assersuutigalugu Qeqertarsuup Tunuani mikinerutillugit, taamaalillunilu ukiuni qaleraqanngiffiunerusuni imaluunniit qalerallit mikineruffiini aalisarnermi – sinnerissap qanituani avataasiornunilu - ikinnerusunik isertitaqarnissaq naatsorsuutigineqartariaqartillugu ukiuni tullerni sisamani isertitat taama angitigiinnarnissaannik naatsorsuuteqarneq piviusorsioortumik missingersuusiortussaannermut qanoq ataqatigiippa?

Akissut:

Avataasiornermi qalerallit ukiuni arlalinni allanngorpiarsimangillat. Taanna annikitsumik qaffakkiartulaarsimavoq, aamma taamaaqataanik pisassiissutit. Avataasiorluni qaleralinniarnermiit akitsuutinit iluanaarutit maannakkut naatsorsuutigineqarput ukiuni tulliuttuni sisamani allanngussanngitsut.

Sinerissamut qanittumi qaleralinniarnermiit akitsuutinit iluanaarutinit missingersuutigineqartunut naleqqiullugu iluanaarutit mianersortumik inissineqarsimapput. Naatsorsuutigineqarpoq maannakkut ukiut tulliini sisamani ukiut tamaasa iluanaarutit assigiit anguneqarsinnaassasut.

Taamaattorli avataasiorluni sinerissamullu qanittumi qaleralinniarnermi atuupput akitsuutitigut iluanaarutissatut naatsorsuutigineqartut annertuutigut apeqqutaassapput qalerallit akiisa allanngoriartornerinik kiisalu pisassiissutinik aalajangiisarnertit.

5.34 Konto pingaarneq 24.13.50 Akileraartarnermi akitsuusiisarnermilu isertitaqarnerulernissamut sillimmatit

a) *Piviusorsioortumik missingersuusiortarnissamik inatsit eqqarsaatigalugu isertitassat imaluunniit sipaarutissat suut Naalakkersuisut matumani ingerlatilersaarpaat?*

b) *Konto nutaaq una (AI/2018-imi nassaassaangitsoq) pilersinneqarsimammat ilimagineqartariaqarpoq 20 mio. kr.-nik isertitaqarnerunissaq Naalakkersuisunit naatsorsuutigineqartoq.*

c) *Isertitassat taakku suminngaanneertussatut sumullu atorineqartussatut naatsorsuutigineqarnerisut Aningaasaqarnermut Ataatsimiititaliamut aviffigeqatigiissutigeqqullugu Naalakkersuisut qinnuigineqarput.*

Ataatsimut akissut:

Isertitani sillimmatit tassaapput teknikkikkut missingersuutini inissitat, isertitassat suli erseqqissarneqarsimangitsut inissinnissaannut atorineqartarluni. Missingersuutini allasimasut aningaasanut inatsisip inaarutaasumik oqimaaqatigiinnissaata qulakkeerneqarnissaa pillugu Naalakkersuisut anguniagaannut tunngavinnut ilaapput.

Soorlu missingersuutinit ilanngussanit takuneqarsinnaasoq isertitassatut sillimmatit piviusunngortinnissannut aningaasanut inatsisissamut siunnersuutip aappassaaneerneqarnerani imaluunniit pingajussaaneerneqarnerani siunnersuuteqarnissaq Naalakkersuisut naatsorsuutigaat. Sipaaruteqarnikkut imaluunniit nutaanik isertitaqarnikkut sillimmatit aningaasaliissutigineqarsinnaassapput.

Sammissaq taanna aningaasanut inatsit pillugu partiinik isumaqatigiinniarnermut ilaatinneqassaaq. Sillimmatit piviusunngortinnissaat siunertaralugu allannguutissatut siunnersuutit suut saqqummiunneqassanersut Naalakkersuisunit suli isummerfigineqanngillat.

6. Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq – Suliassaqarfik 27

6.1 Konto pingaarneq 27.01.01 Nunanut Allanut Naalakkersuisoqarfik

a) *Brexit kontomut pingaarnermut uunga qanoq kinguneqassava?*